

A.

SCHOLIA PAVLI
MANVTII, QVIBVS CI-
CERONIS PHILOSO-
PHIA PARTIM COR-
RIGITVR, PAR-
TIM EXPLA-
NATVR.

*

*Eiusdem Scholia in Epistolas familiares, & in
Epistolas ad Atticum, ad Brutum, & ad
Quintum fratrem: quibus & loci difficiliore
explicantur: & castigationum, quæ in iisdem
Epistolis penè innumerabiles factæ sunt, ratio
redditur.*



APVD SEB. GRYPHIUM
LVGDVNI,
1552.

THE ... OF ...

...

...

...

...

...

SCHOLIA PAVLI
MANVTII IN PRIMAM
CICERONIS PHILO

SOPHIAE PAR-

TEM.

Pagina 7.

ABSENS factus Aedilis, continuo Prætor (licebat enim celerius legis præmio)] Aeditatem Prætura biennio post consequabatur. Lucullus autem, cum Aedilis fuisset, continuo Prætor factus est, beneficio legis, ut opinor, à Sylla Dictatore lata, ut ijs, qui Syllanas partes in ciuili bello secuti essent, honores ante tempus capere liceret. apparet enim eam legem non manere, cum dicat, licebat.

10.

CONTRA omnes dicere, qui scire sibi uidentur, sole-
mus] Propriū hoc erat Academicorū: qui percipi nihil posse dicebant, præter unū illud, nihil posse percipi. in hac autem heresi Cicero cū esset, nō erat, cur alios à se dissentire molestè ferret: id enim ab ijs solet fieri, qui scire sibi uidentur: cōtra quos Academici solent dicere. Sunt qui legant, contra omnes dicere quæ uidentur: quos secuti non sumus: non enim contra omnes dicere, quæ uidebātur, soli Academici solebāt, nam id commune omnium erat: sed contra omnes, qui scire sibi uidebantur, quod proprium erat Academicorum.

11.

IUDICAVERUNT: aut] Locus meo iudicio deprauatus. liber scriptus, iudicarunt aut. ego uellē, iudicare: ita.

13.

SAPIENTISSIMOS, & clarissimos fratres, P. Crassum, & P. Scæuolam] Dicitur fratres, olet mendum:

a 2

nam

nam Crassum, & Scaeuolam fratres non fuisse constat.

15.

NEC VERO esse ullam rationem] Nec uerum esse, habent, præter nostrum, impressi omnes libri, ego ex uetusto codice Bernardini Massci, iuuenis admodum eruditi, & ex sententia emendaui, Nec uerò. nam, uerum, si legas, duæ illæ uoces, ullam rationem, neq; cum sequenti uerbo, disputare, neq; cum præcedenti, esse, cohercunt.

19.

CVR HAS igitur sibi tam graues leges imposuerint] Non uideo, cur uocem, igitur, quidam inculcarint, quam neq; habent libri manuscripti, quos quidem ego uiderim, & abundare sensus ostendit.

20.

ANTIPATRO hoc idem postulanti, cum diceret, ei, qui affirmaret nihil posse percipi, consentaneum esse unum tamen illud dicere percipi posse, ut alia non possent, Carneades acutius resistebat] Quid sibi uelint hæc uerba, nemo non uidet: quorū antea sententia uideri poterat obscurior, cum pro, ei qui affirmaret, legeretur, eiq; affirmaret: quo ex loco unius literæ mutatione mendum sustulimus: idq; ex coniectura: ex libro autē manuscripto, duas uoces, consentaneum esse sine causa repetitas, & sensum implicanteis, deleuimus. sed nostram coniecturam planè confirmat ille locus, qui est pagina 27. Antipatrum, inquit, reprehensum, quòd diceret, consentaneum esse ei, qui affirmaret nihil posse comprehendere, id ipsum saltem dicere posse comprehendere.

21.

ALIQUA sic recondit: è quibus memoria oritur] Nonnihil desideratur, ac fortasse tale quidpiam, Vt postea: ut ita legatur: alia uisa sic arripit, ut his statim natura, alia
sic

sic recondit, ut postea: è quibus memoria oritur. & dictio postea refertur ad uerbum, utatur, nisi si quis ita malit legere, alia sibi recondit, è quibus memoria oritur: sibi, id est ad usum suum.

27.

NISA & progressa ratio] Cum legeretur, uisa, & progressa: coniectura ducti, nisa, correximus, ut similis, & apta translatio sit: quomodo etiam locutus est pagina 185: praesto (inquit) est ratio, quae connixa per se; & progressa longius fit perfecta uirtus.

27.

PRIORI posterius, posteriori superius non iungitur] Coniungitur quidam legunt, non rectè, ut opinor, & contra Ciceronis sententiam. dixit enim, Non iungitur, pro non respondet, non coheret, non conuenit. in quo, inquit, maxime conuincuntur, quòd duo pro congruentibus sumunt uehementer repugnantia. omnino & in libro manuscripto Bernardini Massci legitur, coniungitur, sed, ut sensus ostendit, corruptè.

32.

ET eo quidem innumerabiles] Sunt qui legant, eos. ego hoc totum suspicor abundare. iacet enim, & otiosum est, neque ad sententiam quicquam affert, quo perfectior esse uidetur.

37.

CARNEADBS nonnunquam secundum. Et illud dabat, assentiri aliquando: ita sequebatur etiam opinari] Cum antea in omnibus libris legeretur, id assequeretur: emendauimus coniectura ductus, ita sequebatur, eo confidētius, quòd ita pro id ueteres scribebant. Assentior autem ijs, qui, sublata consula &, legunt, Carneades nonnunquam secundum illud

a 3

dabat

120

dabat, assentiri aliquando: ita sequebatur etiam opinari. quanquam duo illa uerba, assentiri, opinari, loco mouerem, ut alterum in alterius sedem migraret, & ita legeretur: Carneades nonnunquam secundum illud dabat, opinari aliquando: ita sequebatur, etiā assentiri. De duobus enim, quod proposuit, secundum illud erat: Nunquam autem opinabitur: de quo Carneades ita sentiebat, ut interdum diceret, sapientem opinari: ita sequebatur, & assentiri: ut apparet, Carneadem aliquem tamē assensum dare sapienti, quem Arcefilas penitus tollebat, cum uterq; esset Academicus.

41.

SIGNATVM, & effectum] Videtur legendum effectum, ut perstet in metaphora, & cum duobus uerbis imprimere & signare consentiat: quo modo item locutus est pagina v l. Visum, inquit, impressum, effectūq; ex eo unde esset.

38.

LINEAMENTVM sine ulla latitudine carentem] Apparet, subesse mendum. Massæi liber, lineamentum, cætera ut in impressis. mihi sic placeret; Lineam autem sine ulla latitudine currentem. punctum enim & linea, mathematicorum initia sunt.

38.

ADIICIAM iusiurandum] Adigere iusiurandum, potius dicitur, quā adijcere: ut apud Cæsarem libro VII. Omnibus ad iusiurandum adaactis. sine præpositione autem ea ratione dicebatur, quo modo adigere arbitrum, pro adigere ad arbitrum. qua figura Cicero usus est libro I I I. de offi. & in oratione pro Q. Roscio.

39.

CONSENSISSE primos] Fortē, concessisse primas. nam Lærtius autor est, cum Delphicus Apollo Milesijs respondiss

spondisset, cum tripodem, quem piscatores iactu retis inuenissent, eius esse debere, qui ceteros sapientia excelleret, Thaleti esse datum, ex quo apparet, sex reliquos ei primas concessisse.

63.

VOS uerò huius magnitudinem &c.] Confusus locus, & corruptus: qui, ordine uerborum mutato, & leui correctione adhibita, restitui fortasse posset: quo ordine, & correctione locus recitetur: ut studiosi saltē hanc mihi gratiam habeant, quòd, quicquid senserim, liberè dixerim. legerem igitur sic. Vos uerò huius magnitudinē quasi decem pēda per mensi refertis. Hic ego me, quasi malis architectis, mensuræ uestræ nego credere, ergo dubiū est, uter nostrum sit, leuiter ut dicam, uerecundior? Hanc coniecturā etsi ualde probē, tamen meū illud teneo, ut sine manuscriptis libris nihil affirmem.

66.

HIC igitur neutri assentietis, si nunquam uter est prudentior?] Sensum non uideo, neq; uidet quisquam, ut opinor, tam obscuro in loco. obscuritatis autem causa deprauatio est, quam iudicio meo tollet quā ita leget. Hic igitur neutri assentietis: sin utriq; , uter est prudentior? quorum uerborum non absurda sententia est: dicit enim hoc. In hac controuersia neutri assentietis, id est neq; Stoicum, neq; Academicum dicetis esse sapientem. sin utrunq; , uter est prudentior? Assentietis, autem refro ad illud supra positum, Ad uos nunc refro. Vtriq; , uidetur esse necessarium propter insequens uerbum, Vter. Sed hæc, qui & acumine, & iudicio plus ualent, dijudicabunt.

69.

LABOR, ut assentiar Epicuro] Vulgati libri, laboro, omnes habebant. quod uerbum ut deprauatum esse crederem,

rem, fecit id, quod sequitur: reuocat uirtus, uel potius reprehendit manu. nam sine dubio, reuocat, & reprehendit manu, quidpiam requirunt, quod sibi in translatione respondeat: quale uidetur esse uerbum labor: quod ego, & metaphoram, & sensum secutus, reposui pro laboro.

73.

PER ἔποχῶν illam omnium rerum comprobans] Fortè emendandum, Quare ἔποχῶν illam.

75.

ET SI quid fortè Roma noui] Mallem sic: Ecquid forte Roma noui.

76.

ADHIBENDA enim geometria est] Libentius legem, Adhibenda etiam geometria est: (nam sepe scripti libri, etiam, habent, ubi impressi enim) & ea quæ sequuntur, parenthesi inclusa, per interrogationem pronuntiarem. Adhibenda etiam geometria est: adiungenda (inquit) est geometria ad disputationem, & tractationem philosophiæ: id est instructi etiam geometria debent esse, quibus de philosophia scribere consilium est. Quæ sequuntur, excusant nouitatem nominis, quod geometriam dixerit, & Græca uoce sit usus in oratione Latina.

77.

L. AELII nostri] Librarij cum in describendo non perciperent quid sibi antiquæ notæ uellent, eas uel immutabant, uel cum sequenti uoce coniungebant: ut hoc loco, Lælij nostri, scripserant, cū, L. Aelij nostri, uera & incorrupta sit lectio: quod & ueterum exemplariorū autoritate, & historiæ fide cōprobat. est enim hic L. Aelius, qui orationes scripsit, quas alij dicerent, à quo M. Varro rerum antiquarum scientiam cum accepisset, eam ipse auxit, et illustriorib

strioribus literis explicauit. Cicero de claris oratoribus.

98.

Q V A M fieri sine causa quicquam dicere] Hæc uidetur abundare, ut otiosa, & siue causa inculcata. id enim turpe physico est, dicere atomum declinare sine causa. hoc per se recte habet, & concinnum est. præterea siquid addatur, frigebit.

100.

N I S I te quoque, ut id modo loqueretur] Maffei liber, quoq; modo, haud prorsus emendatè, sed ut uitij tamen nihil penè supersit. nam una litera immutata locus restituitur. nempe si sic legas: Nisi te, quoquo modo loqueretur, &c. dicit autem, quoquo modo loqueretur, ut penè etiam ostendat, ne in uerbis quidem Ciceroni Epicurum satisfecisse, non modo in sententijs.

100.

E T E N I M quasi detractis de homine sensibus] Superuacanea sunt hæc uerba, neq; locum hic habere possunt. nam ex argumentis sunt, quibus probare conabatur Epicurus, uoluptatem esse summum bonū. dicit enim pag. 55. Etenim, quoniam detractis de homine sensibus reliqui nihil est, necesse est, quid aut secundum naturam, aut contra sit, à natura ipsa iudicari. Maffei liber, Et detractis de homine sensibus: aliud antiquū exemplar, Etenim quoniā detractis de homine sensibus. ut & ipsa uarietas mēdi suspicionem afferat.

105.

C V M omni dolore caret] Rectius Maffei liber, cum omni dolore careret. rectius etiam fortasse sic, Omni dolore carere.

128.

Q V I B V S uinum diffusum ē pleno sit œnophoro, cui
a 3 nihil

nihil dempsferit ius, & sarculos abstulerit] Antiquus Maffei liber habet, cui nihil dempsferit uis, & sacculos abstulerit. emendo, cui nihil dempsferit nix, & sacculus abstulerit. apud ueteres qui lautius uiuebant, uino delectabantur quod sacco niuatio transmiffum esset, non solum ut frigidius biberent, sed etiam ut liquidius. itaq; dixit Martialis libro xii. Ut liquidum potet alauda merum, Turbida sollicito transmutte-
re cecuba sacco. Et in distichis, Setinos monco nostra niue frange trientes: id est, setini uini uim frange niue, ut frigidius bibas. seruabatur enim nix in hunc usum: de quo Plinius lib. xix. cap. iiii. Hi niues, inquit, illi glaciem potant. deinde infert, excogitatur ut alienus mensibus nix algeat, qua scilicet uina refrigerentur. hic igitur Cicero eos asotos bene putat uiuere, non qui luxu diffiluant, qui in uoluptate omnia ponant, sed eos, qui uictu utantur modico & exquisito, qui uino contenti sint eo, quod ex ipso effusum sit œnophoro, quod, ut ita dicam, naturale sit, non artificiosum: quale est illud, quod per niuem sacco exprimitur: & dixit, cui nihil dempsferit nix, & sacculus abstulerit, propterea quod uino nimiam uim nix, crassitudinem autem saccus auferebat. est autem totum hoc de Lucilio sumptum.

129.

DICET Lucilius, coctio, condito, sed cedo caput cœnæ, sermone bono. quid, ex eo si queris libenter?] Libro xiii. epistolarum ad Atticum, in fine ita scriptum est. edit, & bibit ad cœnā, & iucunde: opipare sane, & appariate: nec id solum, sed bene, coctio, condito, sermone bono, &, si queris, libenter: ut, quemadmodum quidem ego existimo, Lucilij uersum recitet: quem etiam hunc in locum transtulit. sed ut ipse quædam interijciat. ego autem cum in illa ad Atticum epistola scriptum legerem, coctio, condito, non, horto condito: item
hic

hic putavi esse legendum, coſto, condito, cum ante legere-
tur, horto condito: neque ſum arbitratus fore, qui noſtram
conieſturam reprehenderet, cum ea ratione tam firma ni-
teretur. puto autem Lucilij uerſus huiusmodi fuiſſe: Quid
bene? coſto, Condito, ſermone bono, & ſi quæris, liben-
ter. ut illud, Quid bene? coſto, Pedes ſint præcedentis uer-
ſus. Quod autem legitur, Quid, ex eo ſi quæris, libenter: pu-
to ita eſſe interpungendum: Quid ex eo? ſi quæris, libenter.
Nam qui cœnant coſto, condito, ſermone bono, ſequitur, ut
libenter quoq; cœnent. cum autem interrogaret, Quid ex
eo? (ſubaudi ſequitur:) reſpondet Lucilij uerbis, ſi quæris,
libenter. Illa uerò, Dicit Lucilius, ſed cedo caput cœnæ,
Quid ex eo, à Cicrone interiecta, effecerunt, ut Lucilij uer-
ſum nen: o hæſenus agnouerit. quem ſi quis metiri uelit,
pronuntiabit in penultimo pede, Quæri li. abiecta ſ conſo-
nante: ut etiam in ultimo Catulli epigrammate, Affixus no-
bis tu dabis ſupplicium.

140.

SCIPIONI] Corrigo, Cepioni, ex hiſtoria. Cn. Ser-
uilius Cepio Conſul fuit cum Q. Pompeio Nepote. quibus
conſulibus decretum eſt, ut in Tubulum quæreretur. Ad At-
ticum libro xii. 187.

140.

CENSVIT plus filie dandum] Alij, plus Fadiæ: quæ
lectio ſi retineatur, ſupra legendum erit, Fadio Gallo, non
Fabio, cum Gallus cognomen Fadiorum ſit.

144.

TESTATA ciues] Maſſei liber, Teſtata crimē. probō.

145.

APP. Claudij] Recte. malè antea, P. Claudij: nam Liuius
libro iii. Appium nominat, & Maſſei liber confirmat.

NON

146.

NON metuet autem, siue celare poterit, siue, &c.] Sequor sententiam, & emendo: Non metuet autem, siue celare poterit, siue opibus magnis, quicquid fecerit, obtinere: certeque; malet existimari bonus uir, ut non sit, quam esse, ut non putetur. Hanc correctionem ego in antiquo libro non uidi, sed Ioannes Scala, homo grauis & certus, se uidisse testatur. est autem hic, obtinere, pro tueri & defendere, ut in oratione pro Quintio, Non ad mendacium obtinendum, sed ad uerum probandum autoritas adiuuat. omnino & Maffei uetus exemplar habet, siue opibus magnis, non, siue opibus maius.

147.

N V L L V M] Vllam, sententia postulat, ut legatur.

148.

R E M uides] Pro uides, si uidelicet legatur, concinnius erit: neque; tamen magna mutatio fiet: nam in antiquis libris prouidelicet scriptum quandoque; animaduerti, uidel. quandoque; etiam uid.

149.

E T quidem prodest] Antiqui libri alij habent, Quid prodest: alij, Et quid prodest: emendo, Ecquid prodest: ut periodicus interrogationis nota terminetur.

149.

V T I L I T A T I S causa expetenda] Tolle hoc: intelliges esse concinnius.

151.

S I tua sint Puteolis gramina?] Sensus postulare uideatur, ut pro, gramina, legatur praedia. siquidem hoc dicit: si utilitatis causa queritur amicitia, utilitas tibi maior erit, si tua praedia Puteolis habeas, quam si amicus Triarius tibi sit. erat autem Puteolanus ager omnium fructuosissimus itaque; eam regio

regionem ob fertilitatē maximē celebravit antiquitas. Fundos igitur, inquit, amicis anteponemus. Eandemq; sententiā iterans, paulò post intulit: Vides, si amicitiam sua charitate metiare, nihil esse præstantius, sin emolumento, summas familiaritates prædiorum pretiosorum mercede superari.

162.

ATHOVÉ perfoſſo] Quid ſi, Athone perfoſſo? quomodo cum locutum eſſe etiam in tertio de Republica, autor eſt Priſcianus libro v i.

162.

VITAE quidem infinita] Corruptus locus: quem ita puto eſſe emendandum, Et ea quidem infinita: nam & libro primo Tuſc. quæſt. 160. de animo loquens, Habet, inquit, memoriam, & eam infinitam, rerum innumerabilium.

171.

NOVARVM non uidebantur] Alij, Nouarum nouabantur, ſenſu mihi non admodum probato: non enim reſpondet ad illud quod dixit, Difficilius & obſcurius. potius legendum crederem, Nouarum noua uidebantur: ut, Noua, accipiatur, quaſi duriora, & nimis obſcura: quod accidere ſolet, cum nominibus utimur inauditis.

173.

QVOD poſitum ſit in eo] Antiqui libri, Quod compoſitum ſit in eo, abſurdè prorsus, niſi facias quod ſæpe faciendum eſt, ut antiquos libros coniectura adiues. Sic igitur putarem elegantius, & rectius. Quod cum poſitum ſit in eo, quod ὁμολογία Stoici, nos appellemus conuenientiam, ſi placet, cum igitur in eo ſit id bonum, quò referenda ſunt omnia: honeſte facta, &c. Atque etiam in membro præcedenti melius, opinor, ſtatueret in ea, quàm ſtatueret in eo: ut ad concordiam, referratur.

174.

V T enim si cui, &c.] Apparet, quid significet: sed ita non solum corrupta, uerum etiam, ut ego sentio, confusa, & praeponere collocata sunt uerba, ut emendari locus & distingui à nobis sine arrogantiae nota non possit. Vtrum autem, collimare, an, collineare, legendum sit, non dijudico: mihi quidem magis placet, collineare, quòd aptiorē & probabiliorem habeat etymologiam: nam collineare dicitur is, qui eum locum ferit, ad quem locū oculi directo quasi linea ducta feruntur: ut collineare sit, simul cum oculis locum ueluti per lineam ferire.

180.

Q V I D autem dici poterat, si turpitudinem non ipsam per se fugiendam esse statuerimus] Emendo ex antiquo libro Bernardini Massæi, Quid autem dici poterit. Alij pro statuerimus legunt statueremus, respicientes scilicet ad uerbum poterat, ut tempora conuenerent: cum in sensu uis, & energia maior sit, si, poterit, & statuerimus, legatur, quàm si, poterat & statueremus.

183.

R E R V M in corpore sitarum] Locutio probabilior, quàm si legas, ut antea, Rerum in corpore harum: quam correctionem Massæi liber antiquus probat.

186.

N E C hæc posita, non aliqua essent praeposita] Si corrigas, Nec, hoc posito, non aliqua esse praeposita, Erit elegantius: neque ab antiquis exemplaribus admodum discedes: siquidem & Massæi liber, Hoc posito, habet.

210.

A T enim dicitis] Sunt qui legant, At enim non dicitis. ego sequor Massæi uetustum librum, in quo scriptum est: At enim

enim ueram dicitis: hoc est perfectam & absolutam.

211.

— V T æquæ pars naturæ negligatur] Mendum subesse manifestum est. quòd si hæc cum superioribus conserantur, sensus ostendet ita legendum esse, Vt ne qua pars naturæ negligatur. ita etiam in Maffei libro scriptum est.

216.

S C I S enim Citieos clientes tuos è Phœnicia profectos] Laërtius in Zenone autor est, Citieos à Phœnicibus originem duxisse. quem ego secutus, emendavi, è Phœnicia, siue à Phœnicia, cum antea legeretur à poetica, scdo errore, & manifesto. appellat autem Pœnulum Zenonem, quasi callidum, & astutum, ut sunt Pœni fere omnes: qui à Phœnicibus nomen acceperunt: qua ratione, Pœnulum Zenonem dixit Cicero, quòd à Phœnicibus esset oriundus.

221.

C O N F E R A M autem auum tuum Drusum] Si Plutarchum audias, corrigendum erit, confëram auunculum tuum Drusum: nam auunculum fuisse Catonis Drusam, Plutarchus in Gracchis, & in Catone Vticensi autor est.

221.

Q U I D enim? sapientia, &c.] Neque in uerbis nitium est, neq; in sententia: recte habent omnia: quiddam tamen ornatiùs elucebit, si totum contines, & ita legas. Quòd enim sapientia, ubi pedem poneret, non habebat, sublati officijs omnibus, officia autem omnia tollebantur, delectu omni & discrimine remotor: (que enim esse poterant rebus omnibus sic exæquatis, ut inter eas nihil interesset?) ex his angustijs, &c. Antiquus Maffei liber nobiscum facit, nisi quòd coniunctionem illam, Enim, à nobis additam, non habet.

224.

STULTORVM] Hanc uocem, quæ antea desiderabatur, interieci, acceptam è libro Maffei manu scripto, sententia comprobante.

234.

ALII censent primum ascitum, doloris uacuitatem] Doloris uacuitatem, in suo libro quidam induxerunt, & asterisci notam, quæ corruptum locum significaret, è regione apposuerunt. nos ea uerba conseruamus, quòd & sententiam sanè bonam efficiunt, neq; in antiquo exemplari Bernardini Maffei desiderantur: ut omittam, quòd libros superioris nostræ editionis tamen credendum est ad propositum manu scriptum exemplar fuisse impressos.

233.

VIRTUTEM ipsam inchoauit: nihil amplius:] Genus loquendi, quo Cicero etiam alibi usus est, ut in Verrem pagina 261. sese ipsum abs te repetit, nihil amplius. Antea legabatur: Virtutem ipsam inchoauit: nihil itaque amplius nostrum est: inuersione uerborum obscurata sententia.

236.

VICINITATIBVS cum ciuibus] Consentiunt in hoc antiqui libri: mihi tamen non est dubium, quin ita emendandum, & distinguendum sit, Vicinitatibus, tum ciuibus. hoc enim quasi progressu serpit charitas generis humani. primi sunt parentes, & nati: sequuntur cognati, tum affines, deinde amici, post uicini, tum ciues, & qui publicè socij atq; amici sunt, postremò humanæ gentis uniuersæ, & hominum inter homines coniunctio.

238.

TIBERINA dissensio festo illo die] Ouidij uersibus adducor, ut pro dissensio legendum putem decursio: hoc
facilius

facilius, quod *Massæi* liber approbat. erat autem festus ille dies, quem *Romani* in honorem *Fortunæ* celebrabant. unde *Ovidius* libro v. 1. *Fest.*

Ite, deam læti fortes celebrate Quirites:

In Tiberis ripa munera regis habet.

Pars pede, pars etiam celeri decurrite cymba,

Nec pudeat potos inde redire domum.

258.

H A E C est non omnia spernentis præter uirtutem, & uirtutem ipsam suis laudibus amplificantis oratio. denique] Si quis nostrum librum hoc in loco cum alijs libris conferet: uidebit, unius literæ mutatio, & punctum loco motum quanto sententiam effecerit aptiorem.

271.

PIERI autem potest] Mallem, *Ferri* autem potest.

286.

P A T R I T A M illam, & autam] Recte *patritam*, non autem *patriam*, ut antea legebatur. id *Nonij* testimonio comprobatur, qui in uerbo *patrita* hunc locum recitat, & affert præterea exemplum ex *Varrone*.

289.

H O C est se ipsum posse cognoscere] *Frigidum*, & plane superuacaneum: itaq; puto esse tollendum, ut *glossam*.

293.

E R R A N T I V M stellarum cursus, progressiones, institutiones] Ex duabus dictionibus, *cursus*, *progressiones*, feci coniecturam, legendum esse, *institutiones*, non, ut antea, *institutiones*: ut *similibus*, & conuenientibus utatur uerbis. sunt autem correctiones quedam: quarum etsi ratio non explicatur, tamen, quibus iudicium est paulò subtilius, facile, cur factæ sint, ipsi per se intelligunt. rudibus autem, & tardis,

b & ijs,

Et ijs, qui sibi omnia minutatim concidi, omniaq; tanquam mansa à nutrice inseri in os uolunt, ego quidem, ut satisfaciam, non laboro.

293.

MOTVS qui animus uidit] Insolens locutio, Animus docuit suum animum similem esse summi opificis. figura esset usitata, Animus docuit se similem esse summi opificis. tollamus igitur mendum, et legamus ex Maffei libro, Motus qui animo uidit.

296.

FONTES scatere, herbis prata conuestirier] Hic, scatere, pronuntiandum est media correpta, ut anapestus fiat, scater her. alioqui uersus claudicabit. sic et Lucretius libro v. Largifluum fontem scatere, atq; erumpere lumen. et infra in eodem libro, Et partim plano scatere, atq; erumpere campo. Plautus etiam, opinor in Cassina, olere, protulit, media contracta: Non omnes possunt olere ungueta exotica.

298.

NEQ VICQ VAM aliud est] Nequicquam pro nihil, non probo: non enim fert Latini sermonis consuetudo. Nihil quidquam aliud est, habet Maffei liber: placet: sic enim locutus est Terentius in Adelphis, Nihil quidquam uidi letius. et Plautus in Merc. Nihil Charine te quidem quidquam pudet.

299.

E GO autem nunquam ita te in hoc sermone dimittam ulla uti ratione, ut mors tibi uideri malum possit.] Neq; sensus, neq; locutio placet. quid enim sibi uult, nunquam te in hoc sermone dimittam ulla uti ratione? quis uerò unquam sic locutus est, nunquam te dimittam ulla uti ratione? uerbum dimitto et Latinū est, et ueteribus usitatum, neq; eodē modo
semp

Semper, sed uarie, cum infinito autem nunquam. itaq; etsi nihil immutauit, ne facerem id, quod faciendum non est, ut mihi plus tribuerem, quam libris manuscriptis: tamen non dubito, quin ita legendum, & distinguendum sit. Ego autem nunquam ita te in hoc sermone dimittam, ulla uti ratione mors tibi uideri malum possit. Cum autem erroris originem quaererem, hanc reperi, quod particulam illam, uti, quae hoc loco adiunctiua coniunctio est, lector opinatus infinitiuium esse modum à uerbo utor, cum superiore membro coniunxit: & ut hoc imperitè, ita illud impudenter, quod, ut, addidit de suo, ut aduerbium, ita, haberet quò referretur: cum, uti pro ut esse positum, non intelligeret.

299.

LABAMVS, mutamusq; sententiam clarioribus etiam in rebus: in his est enim aliqua obscuritas.] Forte rectius hoc modo. Labamus, mutamusq; sententiam. clarioribus etiam in rebus inest aliqua obscuritas,

301.

MIGRARE. A. Spero, &c.] Elegantius, si, notis literarum, quibus personae significatur, inductis, cōtinuata oratione ita legatur. Migrare: spero fore, ut contingat id nobis: sed fac, ut isti uolunt, animos non remanere post mortem: uideo nos, si ita sit, priuari spe beatoris uitae: mali uerò, &c.

302.

QVASI uerò ista, uel quicquam] Qui Viterbi Episcopus fuit, Petrus Crassus, uir bene doctus, & ingenio praestans, putabat esse legendum, Quasi uerò ista uel quicquam, eamq; coniecturam in suo libro scripserat. quam ego uel dissentientibus libris manuscriptis ualde probo. error inde natus est, quòd, uel pro uel, uel tres scribebant: de quo Politianus in Miscell. unde in librū de uniuersitate idē mendū irre-

psit pagina 198. ubi legendum est, ui cum eadem coniunxit, non, uel cum eadem coniunxit.

306.

OMNIA ista perinde ut cuique data sunt, pro rata parte aut longa, aut breuia dicuntur] Legebatur antea, pro rata parte à uita longa. nos sensum secuti, aut longa, correximus, adiuti non nihil à libro Maffei manuscripto, in quo legitur, aut ita: ex quo sum adductus, ut, dictione, ita, in aliū locum translata, sic legendum opinarer. omnia ista, perinde ut cuiq; data sunt, ita pro rata parte aut lōga, aut breuia dicūtur.

308.

ET hoc quidem hoc modo: nihil autem melius æstimo] Ex antiquo libro Maffei legendum puto: Et hæc quidem hoc modo: nihil autem melius extremo: ut hoc totum non ex Socratis oratione sit, sed à Ciccone per interpositionem prolatum: nam neq; in Platonis apologia hæc sunt, & dictio illa, inquit, quæ subsequitur, ideo uidetur esse illata, ut quasi interruptum superioris orationis filum contexeret.

309.

IN quos Symonides] In præpositio, hic accipitur in bonam partem, pro in quorum laudem, ut de Oratore libro 11. Multa in Castorem scripta, & Pollucem. & de natura deorum libro 1. Catulus dilexit Roscium: in quem etiam illud est eius, Constiteram exorientem Auroram forte salutans, & quæ sequuntur. De senectute etiam, In quem, inquit, illud elogium, unicum plurimæ consentiunt gentes populi primum fuisse uirum. His exemplis adducti sumus, ut, In quos, emendaremus, cum, In quo, antea legeretur.

312.

HÆC in errore uersetur] Concinnius, Hic in errore uersetur.

314.

SOLENNES, & statum sacrificium] Statum lego, non statutum, ut habent aliquot impressi libri. sic & in oratione de Arusp. resp. Statas solennesq; ceremonias. & Liuius lib. XL. Proficiscuntur ab Thessallonica Aeniam ad statum sacrificium. manauit autem Latius hoc mendum, ut in ueterum libris sepe, pro statum, legatur statutum.

315.

OMNES amicos laude, & letitia exequi] Et hic, & superiores proximi uersus, omnes senarij sunt iambici. quod si legatur, ut quidam uolunt, Hunc omnes amicos laude, & letitia exequi, syllaba abundabit.

320.

REFELLERE sine pertinacia, & refelli sine iracundia] Mallem sic, Refelli sine pertinacia, & refellere sine iracundia.

324.

SAPIENTIAE contra dolorem, &c.] Corrige cum antiquo libro: Sapienti contra dolorem: si fortis in perferendo, officio satis est.

331.

AUT Philoctetam] Vel in coniectione, AUT, mendum inest, uel aliquid desideratur: itaque placet legere ut est in Maffei libro, Prometheum, aut Philoctetam.

Ibidem.

QVA' te enim malo dicere: sed ille certe non fortis] Hæc si parenthesi circuncludantur, apertior erit sententia.

Ibidem.

LECTULO, &c.] Locus corruptus: nam libro I. de Fin. sequentes uersus non ad Philoctetam, sed ad saxum Lennium referuntur.

355.

NOLITE hospites adire ad me ilico istic] Trochaicus est, in quem non cadit iambus: itaq; non puto eos rectè sentire, qui uerbis aliter collocatis ita legunt, Nolite hospites ad me adire ilico istic: nam in quarta sede iambus esset.

356.

TANTA uis sceleris in corpore hæret] Trochaicus imperfectus: pedem enim desiderat: quem restituere suæ libris manuscriptis nefas est: Tanta uis sceleris meo in corpore hæret, legendum quandoq; sum opinatus: quam opinionem nondum mihi uenit in mentem cur abijcerem: itaq; eam protuli, hoc tamen animo, ut, si quis contra dixerit, pugnare nolim. Versus in pedes ita diuidendus esset, Tanta-uis sceleris me-o in- corpo-r' hæret.

371.

CADENTES] Carentes, antea legebatur: itaq; est in libris manuscriptis: mihi tamē uisum est ut emendare, cadentes: ex Homeri uersu, in quo est, τῶν περσῶν: quod significat, cadunt. uersus autem hi, quos Cicero uertit, sunt Iliados T.

376.

NIHIL mali] Puto rectius, Nihil noui, nam si legas, Mali, ad Cleanthis rationem reuolueris. dixit etiam pagina 217. Animo sic excubat sapiens, ut ei nihil improuisum accidere possit, nihil inopinatum, nihil nouum.

390.

VT sunt alij ad alios morbos] imperfecta similitudo: nam ad particulam, ut, quæ respondeat, uox non est. forte ita corrigendum. Vt sunt alij ad alios morbos procliuiores: itaque dicimus grauedinosos quosdam, quosdam torminosos, non quia iam sint, sed quia sæpe: sic alij ad metum.

395.

ALITER ferat] Opinor legendum esse, ferant: siquidem ad uocem, stultis, refertur.

398.

ADVERSA ratione] Maffei liber, Auerſa à ratione. probo. nam etiam ſuprà, 211. Zenonis, inquit, eſt diffinitio, ut perturbatio ſit auerſa à recta ratione contra naturam animi commotio. & 213. Omnium perturbationum fontem eſſe dicunt intemperantiam: quæ eſt à tota mente, & à recta ratione deſectio, ſic auerſa à præſcriptione rationis, ut nullo modo, &c.

411.

IRA uerò quanquam diu perturbat animum, dubitationem inſaniæ non habet] Mendum eſt in uoce, quanquam ueteres libri, quos ego uiderim, habent, quæ quam, deprauate omnino, ſi reſpicimus, dictio ira quò reſeratur, quò ſi coniecturæ locus eſt, ita legrem: ira uerò, quàm diu perturbat animum, dubitationem inſaniæ non habet.

412.

AT NATURALIS EST.] Obiectio: cui reſpondet quod ſequitur: An quicquam eſſe poteſt ſecundum naturam, quod ſit repugnante ratione: & eſt ſententia, niſi fallor, multo concinnior, quàm ſi legas, ut antea, aut naturalis eſt: cum præcedenti membro coniectens. ut autem hunc locum una deſcripta littera correximus, ſic paulò poſt alium una immutata reſtituimus. nam ubi legebatur, priuſquam eſſet ulla ulciſcendi libido, nos ſenſu meliore emendauimus, priuſ, quàm eſſet ulla, ulciſcendi libido.

423.

PVTATUR dicere, in rotam (id eſt genus quoddam tormenti apud Græcos) beatam uitam non aſcendere] Hic locus in nonnullis exemplaribus antiquis ita legitur. ego ta-

men totum illud, quod parenthesi inclusum est, reieci, sine dubio glossam alicuius esse putans, qui, rota quid esset, exponere uoluerit. quidam tamen eam non agnoscentes, in ordinem Ciceronis uerborum receperunt.

440.

C V I rei refertæ] Concinnius, Cui refertæ.

442.

DEBILITATURVM] Maffei liber, Debilitaturum: utrunq; recte: magis tamen probo, Debilitaturum, propter uerbum, succumbet, quod sequitur.

446.

FACERE non potuerunt?] Iacet uerbum, facere, & planè otiosum hic est. lege sine eo: multo crit elegantius.

449.

Q V I D Q V I D obiectum est] Aut, pro Quidquid, legendum est, Quid: aut, Quidquid, hic accipiendum pro Quidq;: ut apud Lucretiũ libro 11. Inq; suos quidquid rursus reuocare meatus. & libro 1111. Semper enim summum quidquid de rebus abundat. & libro V. Sic unum quidquid paulatim protrahit atq; in medium. Possẽ ex oratoribus loca recitare: sed ego, in Latinis locutionibus ubi quid eiusmodi occurrit, quod sine exemplorũ comprobatione diutius uideatur, libentius poetarum utor autoritate, quàm oratorum: sunt enim poetæ certiores Latinæ linguæ testes, propterea quòd metri ratio facit, ut mutationi non tam facile locus sit: quod in oratoribus contra uidemus.

452.

A T enim non sine ignominia afficere poterit sapientem] Locus recte stellula notatus: mendum enim subesse constat. forte ita, restitui posset. At enim non crit sine ignominia. ignominia afficere poterit sapientem? de sapiente enim est
hæc

hæc omnis oratio. sententia certe hæc uidetur esse: quibus autem uerbis explicanda sit, statuere nostrum non est. studiosi libros antiquos adeant, & eorum ope utentes locum emendent.

433.

OMNEB'QUE id nos] Id, non uideo quid spectet. antiqui scribebant, It. inde mihi orta coniectura est, ut, Item, legendum putarem.

SCHOLIA PAVLI

MANVTII IN SECVNDAM

CICERONIS PHILOSO-

PHIAE PAR-

TEM

Pagina 7.

CAVSAM, id est principium, philosophiæ esse scientiam] Nisi enim scientiæ nobis amor à natura esset insitus, non erat causa cur philosopharemur. scientiam autem philosophiæ causam, & originem esse, inde cognoscitur, quòd de natura deorum uon modo uariæ sunt doctissimorum hominum opiniones, uerum etiam discrepantes. cuius rei causa est scientiæ cupiditas, Cur autem nonnulli hanc lectione adeo non probauerint, ut corruptum exemplar sequi maluerint, non intelligo: nisi si ea, quæ in suo libro manuscripto non uident, ex ingenio, & coniectura esse omnia in animum induxerunt.

7.

QVID est enim temeritate fortius?] Aut hic fortius in malam partem est accipiendum, quasi uiolentius: qua significatione hanc uocem alibi non memini me legisse: aut pro fortius corrigendum scd:ius, quod affirmare sine uetustis

b 5 excimp

exemplaribus non audeo.

7.

Q V O D uero maxime &c.] Receptam lectionem non improbo: neq; enim est cur debeam. sed ut medici non eos solum, qui ægrotant, sed eos etiam, qui satis commode habent, quandoq; curant, ut ad naturæ beneficium addito artis adiumento, quamoptimam ualitudinem, & speciem consequantur: sic nos non ea modo, quæ errorum tenebris inuoluta, minus perspicua sunt, sed siquid etiam eiusmodi est, quod lectorem omnino non lateat, quanto magis possumus correctione illustramus: ut hoc in loco, dixi me receptam lectionem non improbare: neq;, cur improbem, causa est: tamen ad uenustatem, & ornatum quiddam addetur, si ita legas. Quod uerò maxime rem, causamq; continet, utrum nihil agant, nihil moliantur, ab omni curatione & administratione rerum uacent: an contra ab his & à principio omnia facta & constituta sint, & ad infinitum tempus regantur, atq; moueantur: in primis magna questio est.

14.

PHYSIOLOGIAM] Post hanc uocem sequebatur, id est naturæ rationem: quod induximus, uidentes glossam esse ab aliquo adiectam, qui physiologiam interpretaretur.

18.

A' MAGISTRO Platone uno dissentiens] Primum non ab uno, sed à multis dissentiebat: nam philosophi de dijs uarie sentiebant: deinde ab alijs potius, quam à Platone: cuius eandem ferè de dijs fuisse sententiam paulò antè ostendit: quam eius discipuli, Aristoteles, & Ponticus Heraclides, sunt secuti: itaq; uidendum, nam ita legi possit: A' magistro Platone non dissentiens.

19.

ET tamen modo mundū, tum mentem diuinam esse putat] Corrigo, Et tum mundum, tum mentem Deum esse putat: itaq; planè est in Maffei libro, nisi quòd habet, Et cū mundū.

20.

THEOGONIAM, id est originem deorum] Hic quoq; glossa fuit: nam illud, id est originem deorum, quis non uidet adscriptum fuisse, ut Theogoniæ significatio ostenderetur? qua ratione adducti delevinius, eo libentius, quòd quibusdam in antiquis libris expositio illa non est.

Ibidem.

VSITATAS perceptasq; cognitiones] Rectius opinor, insitas perceptasq; cognitiones: nā & in Maffei libro ita scriptū legitur: et pagina etiā 10. Insitas, dixit, deorū cognitiones habemus. Et alibi non semel, atq; etiā Lucretius hac locutione usus est: Vnde (inquit libro v.) insita notities est utilitatis.

24.

NON modo uiderat animo, sed etiam sic tractat, ut manu, doceat] Huius loci correctionē sensus ipse uidetur ostendere: tollet enim omne mendum, si quis ita legat, Non modo uiderat animo, sed etiam sic tractat ut manu, docet.

24.

EXISTAT, & ad deos affluat] Legendum puto, A' deo affluat, sententia ita postulante: de quo dubitandum eo minus est, quòd pagina 24. Cum, inquit, ex ipso imagines semper affluant. & Lucretius nostram coniecturam libro 4. planè confirmat.

31.

QVOD & non prædicanti tam facile quidem credam, sicut] Tam, & sicut particulae non sunt sibi inuicem respondentes: itaque & locutione magis usitata, & sensu aliquanto aptiore legetur: Quod & non prædicanti, tamen facile

facile quidem crederem, sicut mali ædificij, &c. quam lectionem habet Massæi liber manuscriptus.

34.

HVIC pulchrior deo?] Concinnior crit sententia, si legatur : Hui, pulchrior Deo?

35.

IPSVM sibi displicere] Sic libri manuscripti : à quibus non dissentio : uidendum tamen est, num rectius ita legi possit, ipsum tibi displicere.

35.

SIGILLA numerantes] Sensu, ut opinor, meliore, clariore quidem certa legetur, Sigilla uenerantes.

37.

QVAE funditus gens uestra non nouit] Puto legendum esse, Quem : ut subaudiatur, morem : & deinde, argumentis sententiam, non argumenti sententiam,

38.

COR, pulmones, iecur, cæteraq;, detracta utilitate, quid habent uenustatis?] Corrigo, Cor, pulmones, iecur, cætera: quæ, detracta utilitate, quid habent uenustatis? ut à præcedentibus tenui distinctionis nota seiungantur, & ad uerbum, habebit, referantur.

42.

SUPERIOR aër] Antiqui libri & superius aër, & supremum aër, habent. ego rectius legi putarem, superiorem aër : ut subaudiatur, locum teneat : uel, superior aëri: ut insequens membrum spectet.

46

HOMINES non colant] Hominibus non consulant, magis probarem. erat enim hæc Epicuri sententia, deos hominibus non consulere. quod Cotta refellit cum hoc loco, tum in
fine

fine libri, cum inquit: *dij nulla re egentes, & inter se diligunt, & hominibus consulunt.* Item libro 11. pag. 59. Si, inquit, omnibus hominibus deos consulere censemus. Et huius disputationis libro 3. pagina 72. Primum decorum ne providentia mundus regatur: deinde consulant ne *dij rebus humanis.* & alibi in eandem sententiam sapissime: *quæ quia tam manifesta in re minus videntur esse necessaria, prætermittam.*

47.

PRODICVS Chius] Alij videntur legisse in antiquo codice, Prodicus Cius. nos hic hæremus, cum ex pagina 9. autorem huius sententiæ fuisse Perseum appareat. nisi si uelis legere, Perseus Citieus, non Prodicus Cius, literis haud ita dissimilibus, ut correctio temeraria uideri possit. Perseum autem, Zenonis auditorem, fuisse Citicum, Suidas, & Laërtius in Zenone testatur.

55.

DISTINCTIONEM, ueritatem, pulchritudinem, ordinem] Ex ijs, quæ sequuntur, manifestum est, uarietatem potius hic esse legendum, quàm, ut antea, utilitatem: ut illa ratio omittatur, quòd de utilitate, qua homines adducti deos agnoscunt, non in quarta causa, sed in secunda mentionem facit.

66.

BIS bina quid essent] Bina numerum significat, non qualitatem: itaq; sic opinor rectius, Bis bina quot essent, una littera immutata, siquidem quit pro quid ueteres scribebant: quæ deinde multorum errorum causa fuit, describentibus libros hominibus imperitis.

73.

IS RAPVIT Proserpinam] Hærebat antea lector hoc in loco, deprauatione uerborum implicatus. nunc ex
Maffei

Maffei libro correctione adhibita, nemo tam tardus est, qui, uel cursum legens, sensum non percipiat.

81.

SONITV, & spiritu] Qui pro spiritu, legere malunt, strepitu: non animaduertunt ex sua lectione uersum claudicare. hunc autem uersum, & alios consequentes recitat Priscianus in libro de comicis metris.

82.

SICVT inciti, atq; alacres rostris perfremunt] Metire uersum pedibus: uitium deprehendens: quod mutatione parua tollitur, si pro, sicut inciti, legas, Sicuti citi.

93.

VOMITIONE canis purgare alios ibes Aegyptiae curant] Varie legitur in libris manuscriptis: nam pro purgare, & purgante, & purgantes, & purgant, reperitur, & pro canis, canes: ut fortasse ita corrigendum sit: Vomitione canes purgantur: alio se ibes Aegyptiae curant. Cuius rei historiam ex Plinio, & Plutarcho licet cognoscere.

98.

MOLLITVR cibus] Satis aptus elicitur sensus: mihi tamen magis placcret, Molitur: à uerbo molo molis, unde molares dentes. atq; etiam in hoc uerbo Maffei liber l consonantem non genuit.

103.

APERTE tangendi] in libro Maffei lectio probabilior, Pariter tangendi: cuius sententiam, quia patet, ostendere superuacaneum uidetur.

III.

Si mehercule, inquit, Vellei] Aut in his uerbis mendum est, aut quidpiam desideratur, quod si ita corrigas, sanè hercule, inquit, Vellei: non erit, quæ lector offendantur. subaudiatur

dictur enim, paratus uenio: & optime cum sequentibus
sententia conueniet.

119.

SENSVM, & rationem, & orationem, hæc eadem &
caniculam non habere] Antiqui Libri alij habent, sensum, &
rationem, hæc eadem & caniculam non habere: alij, sen-
sum, & rationem, & orationem, hæc eadem orationem, &
caniculam non habere. emendo, sensum, & rationem, orio-
nem, hæc eadem & caniculam non habere.

125.

IDAËIS indigenis] Idæis digitis, alij: utrumque de-
prauatum. sequor Constantij Fanensis, eruditi sanè hominis
& admodum diligentis, sententiam, qui legit, Idæis Da-
ctylis, ex Strabonis libro x. qui scribit, unum ex Idæis Da-
ctylis Herculem fuisse nonnatum. & ex Diodori sexto,
cuius hæc sunt uerba: Primi in Creta circa idem habitauerunt
Idæi Dactyli appellati. & infra, Scribunt unum ex eis ap-
pellatum Herculem. Sic etiam legitur in Maffei libro. Digi-
tis autem, ut idem Constantius recte conijcit, glossa fuit,
uerbo Dactylis superimposita; unde & indigitis, & indi-
genis errore aucto factum est.

131.

CVIVS Abazeæ sunt instituta] Maffei liber Cuius Sa-
bazea: lego, Cui Sabazea: pro, in honorem culus. Sabazius
autem Dionysij cognomen fuit: unde Sabazia sacra: eius
nonnisi etymologiam Suidas exponit in uerbo Σαβάζιος,
& Aristophanis interpres in Auibis, & Vespis. ut fortasse
apud Macrobiū libro 1. Saturn, pagina 141. Legendum sit,
Sabazium, non, Sebadium.

133.

IN Palatio, & ædem Larum] Lares inter res perniciosas
annuunt

annumerari mirabar, cum in Massæi uetusto exemplari scriptum animaduerti, in Palatio, & Orbonæ ad ædem Larum. quæ mihi lectio admodum sanè placuit: quòd, Febris, Orbona, Mala Fortuna, recte & uideri, & dici res perniciosæ possunt. quod si quis hoc argumento contentus non est, & præter antiqui libri auctoritatem, amplius præterea desiderat, Plinium audiat, cuius hæc sunt uerba libro 2. cap. v. 1. nat. hist. Febri sanum in Palatio, dicatum est, Orbonæ ad ædem Larum ara, & Male Fortune Exquilij.

134.

POTTVAM pater, &c.] Septenarium hunc uersum oportet esse, quemadmodum & insequentes reliqui sunt. ut autem legitur, pedibus recte distingui non potest. neque secus habent antiqui libri. sed animaduerti, uersum, nulla mutatione, restitui posse, si ita scribatur, ut incipiat à uerbo, Appropinquat! & duæ præcedentes dictiones, tanquam superioris uersus extrema, seiungantur.

143.

QVINAM Tantalidarum, &c.] Senarij tres iambici sunt: quos nemo hætenus agnouit. mihi cum semper ipsa uerba poeticum quiddā olere uisa sunt, tū multo magis, posteaquam in Massæi libro scriptum legi, satias supplicij, non satietas supplicij. quæ cum animaduertissem, confugi statim ad mensuram: eaq; usus, deprehendi uitium, quod propter continuatum uerborum ordinem latebat. senarios inquam iambicos ex uetere poetâ, esse comperi. qui sunt ita distinguendi:

Quinam Tantalidarum internecioni modus

Parciur? aut quenam unquam ob mortem Myrtili

Pœnis luendis dabitur satias supplicij?

Satias autem pro satietas quandoque ueteres dicebant: unde Lucretius libro 1. i. fessus satiate uidendi. & libro v. uiuabant

Cum

Cum satiata cibi.

152.

IN secundo consulatu] Puto corrigendum, In secundo de consulatu; ut subaudiatur, libro.

158.

AETHEIVM] Plutarchus in Crasso Ateium appellat: quo modo hic etiam legendum puto: quando eum Dion historiæ libro xxxix. C. Ateium Capitonem nominat: Capito autem cognomen Ateiorum, non Aetheiorum fuit. de prænominē, si Dionem sequi uolumus, Caium adscribemus, non Publium.

164.

MINVS mirum est] Hæc tota somnij interpretatio constat è septenarijs: itaq; non intelligo quid spectauerint ij, qui ueterem lectionem mutarunt, et pro, Minus mirum est, legere maluerunt, minus mirandum est.

180.

POLYBVM Corinthium] Polidum Corinthium, Massei liber, minus corrupte, sed ut mendum tamen penitus non tollat: nam est scribendum, Polyidum Corinthium, ex Homeri loco, quem Cicero significat, qui est Iliadis lib. 13. his uerbis:

Ἦρ δέ τις δυχίνωρ πολυῖδς μάντις υἱὸς
ἀφνειὸς τ' ἀγαθὸς τε, κορυμβόθι οἰκία ναίων,
ὃς ῥ' εὖ ἐδίδως κῆρ' ὀλοῖόν ὑδ' ἱνοὺς ἔβαινε:
πολλάκι γὰρ οἱ ἔειπε γέρωρ ἀγαθὸς πολυῖδς,
νόσω ὑπ' ἀργαλέῃ φθιάδι οἷς ζῆ μεγάροισιν,
ἢ μετ' ἀχαιῶν νυστήν ὑπὸ Τρώεσσι δαμῆναι.

181.

DE principum filijs sex singulis Etruriæ populis] Valerius Maximus non sex, sed decem fuisse tradit, qui singu-

c li6

lis Etruriæ populis in disciplinam traderentur.

181.

UT enim Aegyptij, ut Babylonij] Ut Aegyptij, ut Babylonij, libentius legerem: uel, Etenim Aegyptij, & Babylonij.

183.

SOMNIANDI causa excubabant] Videtur esse legendum, Incubebant: quo uerbo & Virgilius, de Latino Rege loquens, in eandem sententiam libro VII. usus est, cum inquit: Pellibus incubuit stratis somnosq; petiuit.

185.

PRAEROGATIVAM etiam maiores omnes iustorum comitiõrũ esse uoluerunt] Non, omnes, sed omne ueram lectionem esse puto: quo modo etiam legitur pagina 125.

186.

TIBI P. Claudius] Puto legendum, App. Claudius: qui fuit P. Clodij frater, augur peritissimus, qui etiam de augurali scientia libros edidit. quod si, hunc esse Appium Claudium, probabitur: constabit ex hoc loco, uel ijs, qui iuuenes admodum essent, Romæ olim fieri augures licuisse, quippe cum triennio ante Appij Aedilitatem Cicero Consul fuerit, Aedilitas autem consulatum quinquennio præcesserit: qui ante XLIII. etatis annum nemini, nisi extra ordinem, dabatur: eoq; anno qui consules fiebant, suo anno consules fieri dicebantur: quod alibi Cicero sibi contigisse dicit. sed hac de re & plenius, & distinctius in eo libro, quem de magistratibus Romanis aggressi sumus.

187.

ROMVLVS pulcher in alto Quærit Auentino] Liuius aliter: non enim Romulum, se Remum in Auentino obseruasse tradit.

194.

VERISIMILE est] Ordinē uerborum & sententiam secuti sic emendauimus : cum antea legeretur, uerisimiles.

195.

PERMISTI cum corpore animi] Nihil muto, neq; mutandum censeo : fuit tamen, cum dictionem, animi, crederem abundare.

196.

UT enim Ceos] Particulæ, ut, non uideo quid respondeat, omnino in Ciceronis scriptis nonnulla deprehenduntur, quæ non habent quò referantur : sed utrum id scriptoris, an librariorum uitio sit assignandum, ignoro. hic quidem unius literæ mutatione restitui poterit, Etenim Ceos.

213.

INDUCITIS] Duo uerba, quæ sequuntur, Captiones, & Explicetis, facile me adducunt, ut legendum putem, Induitis : qua ratione item in Verrem dixit, induere se in laqueos : & Lucretius libro IIII. Ac nos in fraudem induimus frustra nimis ipsi,

236.

AUT ea ne ipsi quidem dii significare possunt] Mihi hoc totum frustra uidetur inculcatum : quorsum enim, cum idem significet id quod dixit, Aut, quid euenturum sit, ignorant?

237.

NEGANT enim id esse alienum maiestatis deorum, scilicet causas omnium introspicere] Apparet, hæc præcedentibus esse attexenda, locumq; ita corrigendum : Negant etiam id esse alienum maiestatis deorum, scilicet, causas omnium introspicere. quo enim ordine Chrysippus, Diogenes, & Antipater rationes, cur diuinatio esset, attulerūt : eodem ordine eas ipsas rationes conatur Cicero confutare. Negat etiā, inquit,

quit, id esse alienum maiestatis deorum, casus omnium introspicere, ἐπεὶ πάντες: quasi dicat: Maxime est alienum maiestatis deorum, casus omnium introspicere, ut uideant quid cuiq; conducat. & dixit casus potius, quam domos, ut humilitate uerbi maior esset ironia: domos enim principes uiri habitare solent, casus non solent, quæ agrestium propriæ sunt. Dictionem autem illam, scilicet, ita accipimus, ut per ironiam posita sit, non ut, id est, significet. Neq; Maiestate, lego, pro maiestatis: cum alienus etiam generandi casu coniungatur: ut libro I. de Finibus 31. Quis alienum putet eius esse dignitatis, quæ mihi quisq; tribuit? & de Vniuersitate 198. Naturam fugientem, & eius copulationis alienam. & Sallustius in Cat. Domus D. Bruti propinqua foro, neq; aliena consilij propter Semproniam. & Lucretius libro V. I. Alienaq; pacis eorum. & infra, Nec tamen hæc ita sunt aliarum rerum aliena.

239.

Q V O R V M interpres] L. Cottæ: de quo Suetonius in Iulio Cæsare his uerbis. Percrebuit fama, L. Cottam xv. uirum sententiam dicturum, ut, quoniam libris fatalibus contineretur, Parthos nisi à Rege non posse uinci, Cæsar Rex appellaretur. Ex quo Ciceronis locus illustratur, & simul intelligitur, libris sibyllinis interpretandis xv. uiros præfuisse.

240.

Q V A E Ennius fecit] Puto hoc inducendum, ut glossam præcedentis uerbi.

253.

STIRPES omnes eijciendæ sunt] Elidendæ, non dubito quin corrigendum sit, ut cum uerbo, stirpes, & cum uerbo item, propagandæ, quod in superiore membro positum est, in trallatione consentiat. Sic etiam locutus est Tusculanarum questionum libro III. pagina 108. Stirpes, inquit, ægritudinis,

itudinis, trunco everso, omnes elidenda.

257.

QVID autem magnum, & naufragum illum sine nomine in riuo esse lapsum?] Tollenda stellula nota, nescio quo modo è regione posita. sensus est: quid mirum est, naufragum quoq; illum in riuo esse lapsum: intulit autem post uocem magnum, particulam, &, propterea quòd iam exemplū de Daphita, & de Philippo confutarat: quasi diceret, præterea.

281.

DISPUTARI solent nimirum ista] Vetustum exemplar Maffei; Disputari solet nimirum ista: unde mihi orta coniectura est, nimirum ista, glossam fuisse, eamq; omnino esse inducendam: quòd tamen prius non adducar ut faciam, quàm id mihi per antiquos libros licere perspiciam.

285.

VNDE enim illa] Rectius ex antiquo libro, Vnde est illa: nam coniunctio, enim, non ita cum præcedenti, aut eum insequenti membro coheret.

285.

ATTICE * uidetur] Tale quidpiam suspicor deesse. Ut opinor: ut ita continuata oratione legatur. Attico, ut opinor, uidetur, mihi quidem certe, ex natura ortum esse ius.

293.

ESSE uoluerunt] Rectè, noluerunt, legit Iurisconsultorum princeps Alciatus in libello de quinq; pedum præscriptione. & paulò post, Sed nos tres arbitri.

295.

SUIS, omnibusq; natura coniunctos] Suis coniunctos, non uideo quo sensu legatur. rectius uideretur, sibi.

298.

EOSDEM migrare] Eos demigrare, credere esse corri-

gend

gendum : & paulò post, Videar adduci, pro uideam adduci.

299.

C V M pro Ambio] Quis hic Ambius fuerit, ignoratur: neq; pro eo Cicronem, aut Pompeium dixisse, comperimus: utrunq; autem pro Balbo: pro quo extat luculenta Ciceronis oratio: itaq; corrigo, Cùm pro Balbo, approbante Maffei libro manuscripto.

299.

Q V A M ex Quinto [sepe audio] Ineptum, si ad amœnitatem refratur: potius referendum uidetur ad id, quod sequitur de Thebano Epirote: & pro, Quam, legendum, Quemadmodum: quam uocem ita scimus à librarijs nonnullis apice superimposito contrahi solere, ut interdum uel Quam, uel aliud simile potius, quàm quemadmodum, significare uideatur.

304.

N E U E nouos, sed ne aduenas] Veram lectionem esse puto, Ne'ue nouos, & ne aduenas: parua admodum, & propè nulla mutatione: siquidem, set, ueteres scribebant, pro sed: & sepe hoc mendi genus deprehendimus, cùm alicuius uerbi prima litera ex ultima antecedentis sumpta, & repetita est. Maffei liber habet, Ne'ue nouos, siue aduenas. antiquitatem magis oleret, Ne'ue nouos, ne'ue aduenas.

305.

T E M P L A liberata & efflata] Ex antiquorum testimonio, & autoritate legendum est, Effata. nam M. Varro de Lingua Lat. Hinc, inquit, effata dicuntur, quòd augures finem auspiorum coelestium extra urbem agris sint effati. hinc effari templa dicuntur. ab auguribus effantur, qui in his fines sunt. hinc fama nominata, quòd Pontifices in sacrando sati sint finē. Et Gellius lib. x i i l. cap. x i i i. de pontificio

rio his verbis. Pomœrium quid esset, Augures populi R. quæ libros de Auspicijs scripserunt, istiusmodi sententia definiunt. Pomœrium est locus intra agrum effatus, per totius urbis circuitum penè muros, regionibus certis determinatus: qui facit finem urbani auspicij. Et in eodem cap. neque postea D. Julius, cum pomœrium proferret, intra effatos urbis fines incluserit. Pomœrium est circa murum locus, quem in condendis urbibus quondam Hetrusci, quæ murum ducturi erant, certis circa terminis inaugurato consecrabant. Vti appareat, effari, et consecrare idem esse. Præterea Livijs lib. 1. Iovis Statoris ædem uotam, ut Romulus ante uouerat: sed fanum tantum, id est locus templo effatus iam sacratus fuerat.

306.

V T tu rogas] Allusit ad tabellas, in quibus scriptum erat, uti rogas. Vide ad Atticum lib. 1. et Livijs lib. 33.

308.

MALAE Fortune, detestatur æq;] In antiquioribus libris, Mala Fortune detestatur. ut existimem uerbum, detestatur, esse inducendum, ueluti glossam ab aliquo adscriptam ad id, quod sequitur, Quæ omnia eiusmodi repudianda sunt: ut ostenderet Ciceronem eiusmodi omnia detestari.

312.

EVMOLPIDAE QVAE NOSTRI] Aut corrigendum, Eumolpidæq; uestri: aut in nominibus personarum error est: nam Eumolpidæ sacerdotes erant Athenis. repetam igitur quod supra est, idq; ut est in Maffei libro, perscribā. Versatur oratio. at uerò, quod sequitur, quo modo aut tu assentire, aut ego reprehendam? M. sane quæro Tite, quid tandem id est? Att. De nocturnis sacrificijs mulierum. M. Ego uerò assentior, excepto præsertim in ipsa lege solenni

C 4

sacri

sacrificio ac publico. Att. Quid ergo aget Iacchus, Eumolpidēq; nostri, & augusta illa mysteria, siquidem sacra nocturna tollimus? non enim populo R. sed omnibus bonis, firmisq; populis leges damus. excipis, credo, illa, quibus ipsi initiati sumus. M. Ego uerò, & C. Hoc totum uacare mendo existimamus. nam illud, sanè quæro Tite, refertur ad memoriam. quæro, inquit, quid sit quod in lege sequitur. deinde, quasi reminisci non posset, infert. quid tandem id est?

316.

IVRISCONSULTVS] Solæcismus uidetur esse, cum ad uerbum, Dispartiuntur, quod est numero multitudinis, refertur.

321.

ASTIM cum illo] Ex Maffei libro legendum est, ne in Astico sepeliretur. Asticus autem locus erat Athenis, ubi liberi homines sepeliebantur, cum alibi mercedem pro sepulcro penderent.

321.

DOMVS QVE funeris] Dominusq; funeris, opinor emendandum: quemadmodum etiam in oratione in Vatinium dixit, Dominus epuli.

328.

SENATORI, qui nec aderit, aut causa, aut culpa esto] Apparet, quidpiam desiderari. non enim adesse solum iubebatur senator, sed etiam loco, & modo dicere. quod Cicero pagina 192. ubi hunc locum exponit, planius ostendit his uerbis. Huic iussa tria sunt: ut adsit: nam grauitatem res habet, cum frequens ordo est: ut loco dicat, id est rogatus: ut modo, ne sit infinitus. uidetur igitur ita esse corrigendum: senatori, qui nec aderit, nec loco, nec modo dixerit, aut causa, aut culpa esto. Quod cum in antiquis libris, ut conijcio, script

scriptum esset, glossam duobus illis uerbis, Loco, & Modo, quidam superimposuit, & scripsit, Loco senator, modo orator: quod deinde irrepsit in alienum locum, & tanquam à Cicerone dictum accipi cœptum est. itaq; etiam uideo non nullis in suo libro imprimi placuisse. qui etiam id, quod sequitur, Causas populi teneto, cum præcedentibus coniunctum deprauarunt, ut legeretur, Loco senator, & modo orator causas populi teneto: Cum, teneto, legendum sit, & ad senatorem tantummodo referatur, non, ut ipsi crediderunt, ad senatorem & oratorem. hoc autem ita esse probatur ex Ciceronis uerbis pagina 192. sic enim inquit. Quodq; addit, Causas populi teneto: est senatori necessarium nosse Rempublicam.

332.

PERTVRBANDAS] Tollenda asterisci nota sine causa apposita.

333.

SAPIENTIA maiore nihilo uide] Alij, Nihilo uideris, sensu mihi quidē parum probato. Maffei liber habet, sapientia inde maiorum non'ne uides, quod: ut putem esse legendum: sapientiam maiorum non'ne uides, quod concessa &c.

333.

Q V O D si is casus, &c.] Hic locus ex Maffei libro ita uidetur esse corrigendus. Quod si is casus fuisset rerum, quas pro salute Reip. gessimus, ut non omnibus gratus esset, & si nos multitudinis uis furentis inflammata inuidia pepulisset, Tribunusq; aliquis in me populum, sicut Gracchus in Lenatem, Saturninus in Metellum, incitasset: ferremus o Quinte frater: &c.

335.

Q V I eas frangere deberent, cupiditatis eiusdem teneren-

c 3

tur?

SCHOLIA IN PARTEM II.

tur:] Etsi tencor cum genitiuo legitur apud Plautum: tamen
 & ad sententiam, & ad usum loquendi magis placeret hæc
 lectio: Qui eas frangere deberent, eisdem tenerentur.

336.

QVAECVNQVE mutatio morum extiterit, ean-
 dem in populo secuturam] Cum de præteritis oratio sit, ap-
 paret legendum esse, In populo secutam.

336.

INDICANDO quin in lege] In uerbo, quin, mendum
 esse constat: neque uetusti libri discrepant. forte, itemq;
 legendum sit.

337.

FLETUS] Fluctus, recte putat esse legendum Hierony-
 mus Ferrarius iuuenis percruditus. est autem sensus: Facie-
 bat Gratidius Arpini, quod post Romæ filius eius Marius
 fecit. hoc autem translatis uerbis eleganter expressit.

337.

AC nostro quidem, qui cum] Si relatiuum, qui, tollatur,
 mendi nihil supererit. non enim assentior ijs, qui illud, Ac
 nostro quidem cum præcedenti membro connectunt: ex quo
 inepta planè, atq; insulsa fieret sententia. noster autem sine
 substantiuo quadoque ueteres usurpabant, ut Terentius in
 Phorm. Noster, quid ageret, nescire: & Cicero in epist.
 fam. 2.36: Quod nostra tibi gratias agit.

339.

SAEPISSIME, nullo] Ex antiquo libro particulam,
 Cum, interpono: ut legatur, sæpiissime, cum nullo &c.

339.

DILIGENTIAE memoriam esse] Corrigo ex Massæi
 libro & ex sensu, Diligētis memoriæ esse: nam illud, diligen-
 tiæ memoriā esse, frigida habet sententiā, & per absurdam.

OPEM

340.

OPem referre] Opem reip. ferre, coniecturam secutus emendo. erroris origo, ut opinor, ea fuit, quod in antiquis libris cum scriptum esset, R. P. ferre, pro Reipublicæ ferre, ab imperitis immutatum est, & scriptum referre.

340.

SERVI, & latrones] In antiquis libris, Servi atq; patroni, & , Servi & patroni tui, legebatur: nos, Servi & latrones, emedauimus: ut tamen, si quis melius attulerit, libenter cum secuturi simus.

340.

SEQUITUR de captis pecunijs, de ambitu legis] Adintus à uetere scriptura emendo: Sequuntur de captis pecunijs, de ambitu leges. duo enim capita, quorum alterum ad captas pecunias, alterum ad ambitum pertineret, leges appellatut paulò antè, cū dixit, Leges præclarissimæ de XII. tabulis translatae duæ, quarum altera priuilegia tollit, altera de capite ciuis rogari, nisi maximo conûtatu, uetat.

344.

EXPLICANDUM uidetur, esse cognitio] Verba Platonis in Timæo hæc sunt. ὡς ἄρα τῆς λόγης, ὡς πέρ ἐστιν ἐξηγῆται, τῶν αὐτῶν καὶ συγγενῆς ὄντας. ex quibus apparet legendum esse, cognitio: non, cognitio: ut fortasse ita locus restituendus sit. In omni oratione, cum ijs rebus, de quibus explicatur, uidetur esse cognitio.

345.

RECTE ne igitur, &c.] Videtur ita corrigendum. Recte ne igitur unū mundum dixerimus: an fuit, plures & innumerabiles, dictu uerius & melius? transiulit enim Platonis locum totidem uerbis: quem subiiciemus, ut, si quis uelit, conferre possit. πόθεν ποῦ ὁρθῶς ἐνα ἑρᾶνδον προσήνεκα μὴ, πολ

ἢ, πολλὰς καὶ ἀπείρους, λέγειν ἢ ὀρθότερον.

346.

DEIVNCTA] Ex sensu, & ex Platone corrigo, De-
iuncta.

347.

ALTERA gigneretur] Alter, legendum esse & sen-
sus, & uerba Platonis ostendunt. mirum autem, tam multis
mendis hunc de uniuersitate librum ad hunc diem refertum
fuisse, cum ex collocatione Platonis non ille quidem ubique,
sed certe plurimis in locis potuerit emendari.

347.

CONCLVDVNTVR : & globosus] Rectè : neque
mutatione opus est. Græcè tamen sic : διὸ καὶ σφαιροειδής.
quod est, Quare & globosus.

347.

QVOD eius præstabat iudicio dissimilitudini similitu-
do] Sensus requirit, ut legatur, Quod eius : idq; potius Græca
uerba significant : νομίσας μυεῖω κάλλιον ὁμοίον ἀνομοίς.

348.

INGRESSVS corpore sustineret] Maffei liber, In-
gressurus corpus sustineret. ueram lectionem puto, Quibus
ingressus corpus sustineret. Græca uerba, ἔδ' ὅλως τ' περὶ
τὴν βίαν ἐπικρείας.

348.

FIGURAE eius] Antea, Figuratus. nos Græca uerba
secuti, Figura eius, emendauimus, & proxime, cohiberet
maxime, cum antea legeretur, cohiberet. maxima. quo loco
sententiam distinctio mutabat.

348.

QV I erat] Græca lectio, ὅςτος αἰὶ λογισμὸς θεῶν : ut iū-
deatur legendum, Qui semper erat.

N A T

349.

NATURAN'QVE illam, quam alterius diximus, uel cum eadem coniunxit] Vel, expungendum: *Ἔ*, ui, reponendum. τὴν θατέρη φύσιν δύσμικτον ἕσαν ἐς ταυτὸ συναρμοσθῆναι.

349.

PERMISCENS cum materia] Distinguendum à superioribus, *Ἔ*, Autem, addendum: ut sit, Permiscens autem cum materia. μίγνυς δὲ μετὰ τῇ ὁσίᾳ.

350.

ATQVE ita cum alterum esset exteriorem amplexus orbē] Et sensus, *Ἔ* Græca lectio indicat hæc duo uerba desiderari, Alterum interiorem: ut hic ordo sit, Atq; ita cum alterum esset exteriorem, alterum interiorem amplexus orbem. quod etiam ex insequenti membro clarius ostenditur, cum subiiciat, illum eiusdē naturæ, hunc alterius nominauit. Græca uerba Platonis hæc sunt: καὶ τὸ μὲν ἔξω, τὴν δ' ἐντὸς ἐποιᾶτο τὸ κύκλον, τὴν μὲν οὖν ἔξω φορὰν ἐπεφύμισεν εἶναι ταυτῆς φύσεως, τὴν δ' ἐντὸς τῇ θατέρᾳ.

350.

EAMQVE, quæ erat eiusdem, detorsit à latere in dextram partem: hanc autem citinam *Ἔ* à media] Ex Græcis uerbis uidetur emendandum, Eumq;, qui erat eiusdem, detorsit à latere in dextram partem: hunc autem alterius, à media *Ἔ* c. est enim de orbibus oratio, ut in Platone perspicitur. *Ἔ* uerbum, citinam, non est in Maffei libro, sed, Itē, pro eo.

350.

RATIONIS, contentionisq; *Ἔ* c.] Totum hunc locum opinor ita esse corrigendum: Rationis contentionisq; (ἀρμονία Græcè) compos *Ἔ* particeps: quo nihil ab optimo *Ἔ* præstantissimo sempiternarum rerum *Ἔ* sub intelligentiam cadent

cadentium genitore melius procreatum. λογισμὸς δὲ μετέ-
χουσα καὶ ἀρμονίας ψυχῇ. Ἐν οὐτῶν αἰεὶ τε ὄντων ἔπὶ
τῷ ἀρίστῳ, ἀρίστη γινώσκουσα ἔν τῷ γονυθθέντων.

Ibidem.

Q V I P P E qui, &c.] Hic locus ex Græcis uerbis ita cor-
rigendus. Quippe qui ex eadē iunctus, alteraq; natura, adiū-
cta materia, tēperatione triū partiū, proportionē cōpactus, se
ipse conuersans, cum materiā mutabilem arripuit, & cum
rursus indiuiduam atq; simplicem, in se omnis mouetur, &c.

351.

R A T I O autem uera] Alij, Ratio autem utraque, non
recte. iisdem enim uerbis Græca lectio respondet: λόγος
δὲ ἀληθής.

351.

S I N E uoce, & sine ullo sono] Siquis Græcam lectionem
sequatur, intelliget addendum, reuoluta, φερόμενος ἀντὶ
φθόγγος καὶ ἡχῆς. & quod sequitur, legendum, cum eam
partem, non, cum eandem partem: ex Græcis uerbis, ὅταν
μὴ πειρὶ τὸ αἰσθητὸν γίνεταί.

Ibidem.

O R B I S illius generis alterius] Vt hoc totum sine inter-
spiratione cum superioribus continuetur, & omnia refe-
rantur ad illud, Tum opiniones: crederem legendum, Orbisq;
illius generis alterius: ex Græcis uerbis, καὶ ὁ τῷ θατέρῳ
κύκλος. quæ etiam uocem, illius, uacare significant.

351.

I T A uim suam] Recte à superioribus intervallo distin-
ctum: nam ad quinquaginta uersus intercepti sunt.

351.

Q V A N D O igitur, &c.] Hoc totum si cum Græco con-
feras, intelliges ad hunc fere modum esse restituendū, Quan-
do igitur

do igitur unumquodq; eorum syderum cursum decorum est adeptum, quibus erat motus temporis consignandus: colligataq; corpora uinculis animalibus animantia orta sunt: tum imperio parere didicerunt.

353.

TERTIVM * terreſtre quartum] Reſtituo, Tertium aquatile, terreſtre quartum. hæc enim Græca uerba: τρίτη δὲ ἔνυδρον εἶδος: πέζον δὲ καὶ χερσαῖον, τέταρτον.

Ibidem

CVM'QVE ſimilem uniuerſitatis naturæ efficere uellet] Nihil muto, tamen magis arrideret, Vniuerſitatis figuræ, quàm, uniuerſitatis naturæ. ὅς δὲ παντὶ προσηκάζων,

Ibidem

COMITE'QVE cum ſapientia quamoptimæ mentis effecit] Adſcribam Græca uerba, quibus Latina haud planè reſpondent. τίθηςί τε εἰς τὴν τῆς κρατίστης φρόνησιν, ἐκείνῳ ξυνεπόμενον.

Ibidem.

HVNC uarietate diſtinctum] Ex Maſſei libro, & ex Platone, Hæc uarietate diſtinctum, reſtituo.

Ibidem.

IAM uerò terrā, &c.] Græca uerba recitemus, ut quomodo Latina ſint reſtituenda, uideamus. γὰρ δὲ τροφὸν μὲν ἡμετέραν, εἰς λυμένῳ δὲ περὶ τὸν διὰ παντὸς πόλον τεταμένον, φυλάκα καὶ δημιουργὸν νυκτὸς τε καὶ ἡμέρας, ἐμχανήσατο περὶ τὴν καὶ πρεσβυτάτῳ σωματέρῳ ὅσα ἐντος ἕρῳ γέγονε. Ex quibus apparet, Latinam orationem ita eſſe corrigendam. Iam uerò terram, attricem noſtram, quæ traiecto axe ſuſtinetur, diei noſtisq; eſſectricem, eandemq; cuſtodem, primam & antiquiſſimam corporum uoluit eſſe eorum, quæ intra cælum gigneretur.

Maſſei

Maffei liber nonnihil hanc emendationem adiuuat: nam pro eorum qui, habet eorumq;: cum uera lectio sit, eorum quæ.

Ibidem.

R V R S V S' Q V E emersi errorem incutiant rationis expertibus] Corrigo, terrorem incutiant, uel, ut est in Maffei libro, horrorem incutiant. καὶ πάλιν ἀναφανόμενοι φόβος καὶ σκημα ἢ μετὰ ταυτὰ γενησομένων τοῖς διαμαρμένοις λογίζεσθαι πέμπουσι.

354.

V S V R P A R E, atque appellare uidemus] Passiue puto esse legendum, usurpari atque appellari uidemus. nam in Platone, λεγομένης ἰσμῶν.

Ibidem.

N O N sunt dissoluta me inuito] Alij, Hæc sunt indissoluta me inuito. Corrigendum puto, Hæc sunt indissolubilia me inuito. hoc enim Græca uerba significant: ἃ δι' ἐμῶν γινόμενα, ἅλυστα ἐμῶν γε θέλοντος. id est, quæ per me facta sunt, non dissoluuntur, si ego uolucro. Cicero uertit illud, ἐμῶν γε θέλοντος, me inuito. quod tamen eandem habet sententiam, quam haberet, me uolente: ut, qui considerabit accuratius intelliget.

355.

T E N E A T autem oportebit, ut eodem nequid absit, quæ à me ipso effecta sint, quod deorum uitam possit adæquare] Corruptus locus, et fortasse mutilus: quem ex Græcis uerbis qui uoluerit emendabit. δὲ δὲ, ἃ μέλλει τίλει καὶ ἰκανῶς εἶναι. δι' ἐμῶν δὲ ταῦτα γινόμενα, καὶ βίη μετασχόντα, θεοῖς ἰσάζουσιν αὐτὰ. ac fortasse non absurdè, mutatione certè parua, sic corrigi possit. Teneat autem oportebit, ut ex eo nequid absit. sed quæ à me ipso effecta sint, deorum uitæ possint adæquare. nam et Maffei liber uerbum, Quod, inducit.

S V P

355.

SVPERIS QVE permiffionis] Fortè, ſuperiorisq; permiffionis. τὰ τῶν πρόσδεῖ ὑπόλοιπα κατεχέτο μί-
γγωρ.

Ibidem.

NISI quòd, &c.] Plato ſic. ἀκίρατα δὲ ἐκείτι κτλ τῶν-
τα ὡσαύτως, ἀλλὰ δούτορα καὶ τρίτα: quæ referun-
tur ad uerbum ὑπόλοιπα: ut uideatur in Cicerone legen-
dum: Nifi quòd nō ita incorruptas, ut eæ quæ ſemper idem,
ſed à dijs ſecundas ſumebat atq; tertias.

355.

CVM autem animis corpora cum neceſſitate inſeuiffet,
cumq; ad corpora neceſſitate tum abſceſſio fieret, tum ac-
ceſſio, neceſſe erat, &c.] Trallatio cum Græcis uerbis non
planè congruens. Quòd ſi uerius uertere quis uelit, ita ſcri-
bet. Cum autem animos corporibus neceſſitate inſeuiffet,
cumq; ad corpora tum acceſſio fieret, tum abſceſſio: primo
neceſſe fuit ſenſum exiſtere unū, communemq; omnium, ue-
hementiore motu excitatum, coniunctumq; naturæ. Quam
lectionem & antiqui libri quadam ex parte probant. Græ-
ca autem uerba hæc ſunt. ὁ πότε δὲ σώμασιν ἐμφυτο-
θῆεν δὲ ἀνάγκης, καὶ τὸ μὲν προς τοί, τὸ δὲ ἀπὸ τοί τὸ σώ-
ματος αὐτῶν, πρῶτον μὲν αἰσθησιν ἀναγκᾶν εἶναι μίαν
πάνσιν ὅκῃ βιαίως παθημάτων ξύμφυτον γίνεσθαι.

356.

ALIOS in terra, alios in luna] Terram & Lunam
accuſandi caſu, rectius legetur. Græca quidem uerba ſigni-
ficant, Solem & Lunam, non Terram & Lunam. τὸς μὲν
ἑς ἥλιον, τὸς δὲ ἐς σελήνην.

356.

DEINDE ut huic animanti, &c.] Si Græca uerba ſe-
d
quatur

quamur, ita corrigemus: Deinde ut huic animanti principes se ducesq; præberent, uitamq; eius pulcherrime regerent, & gubernarent, nisi si ipse sua culpa sibi aliquid miseriæ quæretet. καὶ πάντ' ὅσα ἀκόλεθα δεινούς ἀποδρασάμενοις ἀρχεῖν, ἢ ἤγ' αὖτις οὐκ ἔστιν ὅτι καλλίστα καὶ ἀριστα τὸ θνητῶν διακυβεύοντων ζῶον, ὅτι μὴ κακῶν αὐτὸ ἐαυτῷ γίγνοιτο αἴτιον.

357.

MODO huc, modo illuc] Post hæc uerba, ubi spatium in nostris libris est, amplius L X X X. uersus desiderantur.

357.

CUM ignis oculorum cum eo igne, qui est ob os offusus, se confudit, & contulit] Non nihil deest: nam in Platone sic, τὸ περὶ τὸ πρόσωπον πυρὸς, (ὅ) περὶ τὸν ὄψιν πυρὸς, περὶ τὸ λαῖον καὶ λαμπρὸν συμπαγεῖ γιγνομένης.

357.

ADIVVANTIA causarum] Lego, Adiumenta causarum, & ex Massæi libro, & ex Platonis uerbo: quod enim ille dixit, ξυμπαγία; rectè uertit Cicero, adiumenta causarum.

IN PRIMA CICERONIS PHILO-

SOPHIAE PARTE, VBI ERRA-

tum est, aut aliquid prætermis-
sum,

Lector ita corrigat

et restituat.

Primus numerus paginam, secundus
uersum indicat.

| | | |
|--------------------------------|--------------------------------|---------|
| Dicturos: sed ad ea. pagi- | expetendis, quid fug. | 95.15 |
| na, 16. uersu 4 | exposita, ut ab ipsis, qui, | 96.1 |
| cum commouebantur 46. 7 | extremum sit, ita ferri. | 97.18 |
| definitio, effatum 49. 6 | delectus, ut aut reijciend. | |
| quem isti tardum 50. 3 | 103. 23 | |
| domum reducerunt 77.19 | ad eam non possim. | 103. 26 |
| consentiens, quid repugnans | ne statuā qdē dicturā. | 105.25 |
| 81. 4 | laudabiles cō referri | 107. 1 |
| præbeus, ea qua effi. 82. 27 | concordia quadam. | 108.22 |
| Pomponium. Zeno igitur nul | à se ipse dissidens, secūq; | 113.1 |
| lo modo 86. 16 | neq; uerò ipsam | 116.18 |
| uirtutis incideret 86.18 | sed inuidiosum nomē | 122.28 |
| arbitrarentur, hic nec id ullo | nō ut nos nō intellig. | 124.20 |
| modo fieri posse differe- | Aristoteles, qui uirtutis usu- | |
| bat, nec uirtutis usum mo- | ra | 126.10 |
| do, ut superiores, sed ip- | illi perpetienti. | 144. 23 |
| sum habitum 87. 7 | maioribus tuis, et | 147.28 |
| qua quidq; 87.23 | beatæ uitæ domina | 153.1 |
| u: sum appellemus licet. 88.1 | Epicurus comparat se, si po- | |
| dixisse: breuiter 89.3 | test | 155.28 |
| quicquam esse 89.31 | debilitari, dolore frāgi | 156.7 |
| omnis, cohorsq; 94.20 | perceptarum | 157.14 |
| hic docci. di 94.24 | obruentur | 160.5 |
| | d 2 | habe |

| | | |
|---------------------------------|----------------|-----------------------------------|
| haberes, ad corpus diceret | git: his nulla | 246.30 |
| pertinere) sed | 160.31 | utiles. at illud latius: est enim |
| neq; afferre, quo mel. | 169.27 | omnis abstin. |
| gloriam, ut ob ea, | 176.17 | secundæ res sunt maximè, tum |
| quosdam, qui quamuis | 181.5 | maximè Meditari |
| Diogenes censet | 184.15 | appetas, qui mortalis |
| promota, uel, ut | 185.30 | dixi fore, ut |
| dignitatem (id enim | 185.25 | ita esse dies |
| dicitur, cōmuni officio | 188.9 | aspectu parietinæ quā |
| Cyro extructum | 194.15 | lesisse iniuria. Excand. |
| ain tandem | 195.2 | bilis, i corpore morbi |
| necesse est, earum | 105.4 | inueterauerit, |
| uitarum nobis | 210.31 | nam pertinet |
| initia proponi necesse | 213.6 | similibus quoq; uerb. |
| profecta, uti iisdem a. q. ille | | at sine hac glad. |
| uterentur | 213.3 | cōtrariarūq; perferendarū, |
| cures, at modo | 223.9 | aut omnino negl. |
| auditor Polemo | 227.16 | timore. Quamuis licet infe- |
| et i anellis (ex Nonio | 228.4 | elemur. |
| non continentur? | 257.20 | naturale, quod |
| præter eos, qui eandē | 271.23 | miseranti, alia inuideti |
| nam istud ipsum | 274.5 | illud non uideatur |
| etiam dicimus uiuere | 291.5 | sic nimis elati |
| inclusus cognoscere, | 291.28 | sapere, quē sanari, |
| carā animū putamus | 292.27 | est, ut ei illud quod cupiat |
| deum non uides, | 296.20 | ostendatur |
| somno suspensam. | 311.19 | est etiam illud |
| ultra id | 320.8 | sibi uitia inesse, |
| dolore deuictus | 341.25 | quæ stabilitatis aliquid |
| feruntur, quorum ita | 346.29 | 30 |
| insipientibus omnibus contin | | uti p. h. cuiusmodi |

ERRATA, AVT PRAETER-
missa in secunda philosophiae
parte.

| | | |
|--------------------------------|-------------------------------|--------|
| Solum indocti, sed etiam docti | Plato sic ad somnum | 171.9 |
| pagina, 9. uersu 4 | educareturq; | 177.4 |
| tam autoritatis | 10. 26 ergo: & non, si sign. | 178.30 |
| nihil esset, nisi animus | 17.9 Posidonius facit, | 194.7 |
| nisi Chesippum | 39. 11 proditis, dum | 211.30 |
| talem conformationē | 43. 13 faucibus rursis, cantu | 219 |
| itaq; Claudius | 52. 14 Audiui. Hic apud maio. | 225.9 |
| nobilitatis, auguriorū | 52. 25 omittamus | 230.31 |
| recedunt: tū antecedūt, | 67. 31 dormire. Iam Pythag. | 243.2 |
| enim cœlo | 73. 5 abstinere | 243.6 |
| ea est enim, | 73. 23 quod abhorret | 134 |
| respergit: resflat: Ita | 81. 24 ista casu non | 250.21 |
| esse possemus, | 104. 30 ullo somnio | 251.2 |
| non sit | 118. 1 ista enim aui uolat | 252.4 |
| diuina dicimus, | 119. 7 quā solebat | 255.26 |
| numeras deos, eosq; | 124. 18 ponere aliquid | 256.16 |
| genealogis | 126. 7 illo naufrago | 256.29 |
| Aegyptij Saitæ | 131. 22 oēs à physicis irrid. | 264.22 |
| ut mēs, ut spes, ut fides | 132. 8 uellet sine præpositis | 270.7 |
| cur quidq; ita appellatum sit, | putat | 271.2 |
| 132. 30 | tamen isti | 156 |
| malæ fortunæ | 133. 6 scriptum est à te de. | 278.12 |
| mihi tradidit | 134. 6 nomine à suum | 279.27 |
| cum, aut machinam | 37. 2 seculis cōpluribus ante | 280.7 |
| persequi, ijdem | 144. 28 haberentur? nihilo. | 288.14 |
| docti probauerunt | 147. 27 pictas, ubi aut bene. | 288.28 |
| equidem noui | 150. 14 etiam iustitia | 290.25 |

| | | | |
|------------------------------|--------|--------------------------------|--------|
| Ain tandem, | 292.30 | perfectis absolueret, | 347.15 |
| fratris mei germ. | 297.27 | est autem unus ex omnibus | |
| publici iuris essent, | 309.19 | 350.23 | |
| dignissima autem dona aues | | uidebantur: omneis enim or- | |
| sunt & formæ. | 315.18 | bes e. q. facilitatis * infle- | |
| ius coherendi dato | 327.29 | xione uertebat | 352.3 |
| irroganto: de capite | 328.12 | celeraret: alterum, quod in | |
| qui eo non ten. | 330.9 | anticam partem | 353.15 |
| cum uideret eorū | 335.24 | deos concursiones | 353.26 |
| Consule de C. Carbonis sedi- | | labuntur, quibusq; | 253.30 |
| tionem | 339.27 | principatum, uobisq; | 355.18 |
| sequitur de captis | 340.29 | dimense, & | 358.24 |

PAVLVS MANVTIVS

ALDI F. LITERARVM

STVDIOSIS

S. P. D.

SANè, quod ego in rem uestram nauare possim, quàm
 Sexiguum sit, intelligo. Sed quod possim, in eo non com-
 mittam ut meum studium, aut diligentiam desideretis. Loci
 erant obscuriores multi in familiaribus (ut appellantur)
 Cicronis epistolis: eos, quantum in nobis fuit, dedimus ope-
 ram ut interpretationibus quàm potuit breuissimis illustra-
 remus. Erant item deprauati, quos emendare conati sumus.
 quid præstiterim, ignoro: uos legendo iudicabitis. Vt ut
 autem iudicabitis, gratiam tamen ab ijs, qui grati sunt, opi-
 nor aliquam habeo: quoniam quidem mihi uestræ utilitatis
 cupidissimo non aggrediendi uoluntas defuerit, sed perfi-
 ciendi facultas. Valete.

PAVL

PAULI MANVTII

SCHOLIA IN FAMILIA-

RES CICERONIS EPI-

STOLAS.

Ex Epistola 1. Libri 1.



QUOD commodo Reipub. facere possis] Olim ita castigauimus, cum aliter in omnibus impressis legeretur. Sunt autem uerba, quibus ueteres utebantur, ut id, quod faciendum decernerent, ita demum fieri uelle ostenderent, si modo Reip. commodo fieri posset. Caesar lib. 1. Comm. Quoniam M. Messala, M. Pisone Coss. Senatus censuisset, uti quicumque Galliam provinciam obtineret, quod commodo Reip. facere posset, Heduos ceterosque amicos populi Rom. defenderet, se Heduorum iniurias non neglecturum. Et lib. v. scribit Labieno, si Reip. commodo facere posset, cum legione ad fines Neruiorum ueniat. Item lib. v 1. Labienum, Treboniumque, si Reip. commodo facere possint, ad eam diem reuertantur. Cicero item ab Brutum, epistola v. Decreui hoc amplius, ut tu, si arbitrare utile fore, et est Rep. esse, perseguere Dolabellam bello: si minus id commodo Reip. facere posses, in iisdem locis exercitum contineres. Ad Appium autem epistola v 11. lib. 111: Quod, inquit, tuo commodo fieri possit, utriusque nostrum magni interest, prius ut te conueniam, quam decedas. Et libro x 111. simili sententia dixit, quod sine molestia tua facere possis. Ad Atticum autem epistola 111. lib. 1. quod commodo tuo facere poteris, uenias ad id tempus. Itemque alibi sepius, quod tuo commodo fiat, quod sine peccato meo fiat.

quibus ex locis, ueterem hanc, atq; usitatam fuisse locutionem, cognoscere quiuis potest. tot autem exemplis, manifesta praesertim in re, non essem usus, nisi fuisse uiderem qui nostram lectionem parum ueram existimantes, legi mallent, quod commodè rem facere possis.

Lib. I. Epistola 2.

LENTULI Cos.] In libris quibusdam manuscriptis legitur, Lucij Cos. non omnino absurdè: potest enim intelligi de L. Philippo Lentuli Marcellini in Consulatu collega.

Eadem Epistola.

QUATENUS de religione dicebat.] Sensus hic est, cum Bibulus sententia sua duas res complexus esset, de religione, & de tribus legatis: postulatum est, ut eius sententia diuideretur: idest ut singulis de rebus separatim referretur. ac de religione quatenus dixit, ut scilicet ne contra Sibyllinos libros decerneretur, qui Regem Aegyptium cum exercitu reduci uetarent: assensum (inquit) est. caput illud, de tribus legatis, qui Regem reducerent, improbatum. dixit autem, frequentes ierunt in alia omnia, pro frequentes disenserunt. neque solum, ire in alia omnia, sed & discedere, & transire, eodem sensu ueteres dicebant. libro x. ad Plancum. Cum (inquit) senatus reliquit, & in alia omnia discessit. Hircius autem prope finem v l l l. de bello Gallico libri, Discessionem (ait) faciente Marcello, senatus frequens in alia omnia transijt. sunt autem uerba, quibus, cum discessio facienda esset, minister publicus praebat, cum ita diceret. Qui haec sentitis, ite in hanc partem; qui alia omnia, in illam. & in alia omnia potius, quam in contraria, dicebat ominis causa. Festus Pomp. in dictione Ques. inde factum, ut, ire in alia omnia, idem significet, quod contra sentire.

Eadem

Eadem Epistola.

MULTIS partibus plures] Sunt qui ita exponant, id-
disse Consules in Hortensij sententiam plures ituros à mul-
tis partibus, id est hinc, & illinc, parum scilicet agnoscentes
purissimam, & ornatissimam locutionem, qua eloquentissimi
eius ætatis uiri suis in scriptis eleganter usi sunt. M. Cælius
libro harum epistolarum v i i i. Turpe tibi crit, Patiscum
Curioni decē Pantheras misisse, te non multis partibus plu-
res. Item Cæsar: Quoniam numero multis partibus esset in-
ferior. Multis partibus plures, & multis partibus inferior.
dixerunt, pro eo quod est, multò plures, & multò inferior.
Cicero item lib. i i i. de finibus, multis partibus malit, pro
multò malit. Suetonius quoque non malus Latinitatis autor,
in Iulij uita eodem loquendi modo usus est.

Libro i. Epistola 3.

T. A M P I V S] Antea, T. Appius, corruptè legebatur:
duo enim prænomena simul esse non possunt, ut si dicas,
Marcus Caius, aut Cneus Lucius. Ampiorum autem fami-
liam Romæ fuisse, notissimum est.

Libro i. Epistola 4.

PRIDIE eius dici s. d. t. l. s.] Dicit quod suprà in
Epistola i i. in qua ita scripsit: De tribus legatis, frequentes
ierunt in alia omnia. sed cum ibi factum id esse dicat die, qui
consecutus est Idus Ian. hic autem die, qui x v i. Cal. Febr.
præcessit: fuere, qui, dum arbitrantur Ianuario mensi, ut
nunc, ita tum alterum & x x x. fuisse dies, corruptum esse
locum crederent, uidentes hanc diem, ut quidem ipsi nume-
rabant, aliam esse ab ea, quæ est in epistola i i. cum tamen
eandem esse oporteret, quòd absq; dubio locus hic alter de
tribus legatis repetitio prioris esset. Quòd si ad rationem
eius anni, quo scripta est epistola, supputassent: & locum ca-

rere mendo, & eandem, quàm in 11. epistola diem significari, cognouissent: fuit enim tunc Ianuarius mensis tantummodo x x i x. dierum. postea Iulius Caesar annum corrigens, binos addidit, & , ut tricenos singulos haberet, qui antea tantummodo x x i x. habuerat, effecit. autor Macrobius.

Eadem Epistola.

Ego tibi à ui] Timebat, ne Tribunus aliquis per uim legem ferret, qua Ptolemæi Regis restitutionem Lentulo eriperet. epistola 11. libri 11. ad Q. fratrem eadem de rescribens, Quid futurum sit, inquit, latrocinio Tribunorum, non diuino: sed tamen suspicor per uim rogationem Caninium perlaturum.

Libro 1. Epistola 3.

Hic quæ agantur] Aut hoc est alterius epistolæ initium: aut quæ sequuntur, non eodem die scripta sunt, quo superior epistolæ pars. sæpe autem accidit, ut literas non continua, sed crebro repetita scriptione conficiamus, singulis diebus noui aliquid appingentes: id quod in epistolis ad Atticum scriptis sæpiissime factum uidemus.

Libro 1. Epistola 9.

NON modo præmissis] Ita legendum est, & ita in codicibus uetustissimis habetur. sed cum locutio primo intuitu durior uideatur, hinc factum est, ut ueterem lectionem hactenus omnes contempserint, quam nos eo libentius restituimus, quòd ea Ciceronem alibi quoque non semel usum esse animaduertimus: epistola enim v. libri x. ad Atticum, Regnum (inquit) non modo Romano homini, sed ne Persæ quidem cuiquam tolerabile. & ad eundem scribens, Mihi non modo irasci grauissima iniuria accepta, sed ne dolere quidem impune licet. libro autem de Oratore 1. Neque solum inscientiam meam, sed ne rerum quidem magnitudinem perspexit.

spicit. harum autem epistolarum lib. 1 x. Hoc tamen scito, non modo me, sed ne ipsum quidem principem scire, quid futurum sit. quanquam hic quoq; inculcata erat dictio, non: quæ in libris manuscriptis non est.

Eadem Epistola.

BONORVM omnium consensus] Antea, consensus. nos, consensus; restituumus ex ueterum librorum fide. alij, uetustos omnes libros, consensus, habere scripserunt. quod aliter esse deprehendimus.

Eadem Epistola.

SI IIS pro me stante pugnare licuisset] Septimum abhinc annum, cum hos epistolarum libros, quam diligentissimè tum potuit, castigarem, hunc locum ita, ut legitur, ex codicibus manuscriptis emendauimus, cum antea corruptus esset, ut bonus sensus elici nullus posset.

Epistola eadem.

PRIMVM illa furta] Præter historię fidem: neq; enim illa furta muliebrium religionum Ciceronis exilium sunt consecuta. itaq; Vbalдинus Bandinellus, optimus non iudicandi modo, sed etiam dicendi magister, qui in his Ciceronis scriptis loca sanè multa felicissimè restituit, iam pridem arbitratus est legendum, illa furta. nos etsi coniecturam doctissimi hominis ita probemus, ut nihil acutius, aut etiam uerius excogitari posse credamus: quoniam tamen in omnibus manuscriptis libris, illa furta, legimus, ueterem lectionem immutare non sumus ausi.

Epistola eadem.

CVM QVE eum nec persuadendo, nec cogendo regi posse uidisset] Libentius ita legerem, Cumq; eum non persuadendo, sed cogendo r. p. u. insert enim, cum persuaderi posse diffederet, cogi fas esse non arbitraretur. quoniam
autem

autem manuscripta exemplaria cum lectione, quæ impressa est, omnia consentiunt : nihil immutavi : tantum sententiam meam testatam esse uolui : ut ij, qui uetustiores codices nati fuerint, hunc locum ne contemnant, sed uariam lectionem, si qua fuerit, diligenter expendant.

Epistola eadem.

P A R pro pari] Antea, cum legeretur, par pari, uersus erat mancus, qui nunc integer est, addita à nobis syllaba pro, ex uetustissimo codice Pauli Boti Regiensis, hominis tum religiosi, tum etiam literati. itaq; etiam in Terentio uersus est restituendus.

Epistola eadem.

LIBERALITATEM] Alij, libertatem. ego nihil mutò. uidi enim codicem per antiquum, quem habet adolescens nobilis & literatus Bernardinus Maffeus, in quo liberalitatem scriptum erat. quam uocem eo libentius conseruauì, quòd subijcit paulò post, cum sine suspitione tuæ cupiditatis non possis illius cupiditatem refutare: quòd enim dixerat, liberalitatem, antitheton opposuit, suspitione cupiditatis.

Eadem Epistola.

FACILITATE autem, quod uellem] Alij aliter legunt. mihi, quæ lectio in nostris libris est, magis probatur: nam & sensum, ut opinor, habet meliorem : & in uetustis aliquot codicibus ita scriptum animaduertimus.

Libro i. Epistola ultima.

C V R enim tibi hoc non gratificer, nescio] Sensus horum uerborum ex titulo pendet: cum enim ita inscripsit, V A L E R I O I U R I S C O N S V L T O, subiunxit, nam cur te iurisconsultum non appellem, nescio, etiam si iurisconsultus ualde non sis, iocans uidelicet cum eo familiarius, quod etiam in reliqua epistola facit. & libro tertio ad Appium scribens,

L. Val

L. Valerium, inquit, iuriconsultum ualde tibi commendo, sed ita etiam, si non est iuriconsultus. quoniam autem sunt, qui huius epistolæ initium desiderari potius, quàm esse hoc, quod legitur, existiment: aliud huic simile Ciceronis exemplum ex epistolis ad Atticum scriptis afferemus. ita igitur libro III. M. T. C. S. D. Q. CAECILIO Q. P. POMPONIANO ATTICO. Quòd quidem ita esse, & auunculum tuum functum esse officio, uehementissimè probo. quorum uerborum sensum hic quoq; ex titulo regi, nemini est obscurum: dicit enim se probare ita esse, id est, eum ab auunculo adoptatum, & heredem factum, appellari non, ut antea, T. Pomponium Atticum, sed (ut in adoptionibus fieri solebat, in quibus eius, qui adoptabat, & prænomen, & nomen, & cognomen, & aliquando etiam agnomen ij, qui adoptabantur, sumebant, nomen, quod ante habuerant, deriuantes, ut in anum desineret: cognomen tamen suum, ut antea fuerat, retinebant: sed post eius cognomen ponebant, qui adoptarat, si modo id ille habuisset) Q. Cecilium Q. F. Pomponianum Atticum: ut nemo iam de epistola ad Valerium dubitare possit.

Eadem Epistola.

PARTIM te superbum esse dicunt, quòd nihil respondas, partim cõtumeliosum, quòd male respondeas] locus est in his uerbis & abstrusus, et elegans: uult enim innuere, ideo nihil eum respondere, non quòd superbus sit, sed quòd aut eum nemo cõsulat, cum homines bonum iuriconsultum non existiment: aut si quis consulat, nullum auferat responsum ob eius ignorantiam: ideo autem male respondere, non quòd contumeliosus, sed quòd imperitus, & indoctus.

Libro II. Epistola I.

QVODQVE in omnibus tuis rebus, meis optatis fortuna

tuna respondet : breue est , quòd me tibi præcipere meus in te amor cogit] Hic locus antea perperam interpunctus distrahebat sensum : quem nos , distinctionibus immutatis , tanquam in suam sedem reduximus , est autem hic. quod me facere meus in te amor cogit , ut tibi præcipiam : id faciam breuiter , quando omnibus tuis in rebus meis optatis fortuna respondet.

Libro 2. Epistola 5.

IN SVFFRAGIIS studia] Dictionem, studia, sustulimus : suprà enim dixit, studium : è qua uoce sequentes genitiui reguntur.

Libro 2. Epistola 9.

DE TE, quia, quòd sperabam : de Hillo, (balbus enim sum) quòd non putaram] In epistola, quæ tertia est VIII. libri. Cælius de Hirro competitore loquens ita scripserat. spero te celeritèr auditurum & de nobis, quod sperasti : & de illo, quòd uix sperare ausus es. itaq; Cicero respondens, iisdem ferè uerbis eadem repetit : & quia Cælius scripserat, de nobis, quod sperasti : de illo, quòd uix sperare ausus es : rescribit : de te, quia, quòd sperabam : de Hillo, (balbus enim sum) quòd non putaram. facietè autem, cum repeteret uocem illam Cælij, illo, aspirationem addidit, & subiunxit (balbus enim sum) Hirrum significans, cuius nomen propter balbutiem exprimi à se non posse fingit. in sequentibus autem cum, r, literam expedite proferat, sed balbi, inquit, non sumus.

Eadem Epistola.

DIVISVS aquarum diuortijs] plerosq; latet huius loci sensus. & uidi doctos alioqui uiros, qui sic interpretarentur : fuisse fluuium, qui montem Amanum interflucns diuideret, & Cicéroni, ac Bibulo communem faceret : cum dixerit
Cicero,

Cicero, nō, diuisus fluuio, aut diuisus aquis, sed, diuisus aquarum diuortijs. quā illi uocē parum diligēter expēderant. diuortium aut aquarū ita fit. cadunt in montē aquae pluuię. is mons cū sit procliuius, utrinq; defluant, & decurrāt, necesse est. ita fit, ut diuidatur, & earū quasi diuortiū fiat. itaq; dixit de Oratore libro 1. ut ex Apēnino flumini. sic ex communi sapientium iugo sunt doctrinarum facta diuortia. Ad Atticum autem idem scribit, quod ad Caelium: inquit enim libro v. ad Amaranum contendit, qui Syriam à Cilicia aquarum diuortio diuidit. Linius etiam libro x x v i i i. ubi loquitur de Cn. Manlio, propē, inquit, ipsis iugis ad aquarum diuortia castra posuisse: id est, ad eum locum, unde aquae duas in partes diuisae incipiunt defluere. à quo igitur loco ex Amano monte Ciliciam uersus aquae delabebantur, ad eum usque locum Cilicia pertinebat. & ex altera montis parte, eadem Syriam, quam Bibulus regēbat, erat ratio. terminum enim habebat eum locum, unde in eam ex Amano defluere aquae incipiebant.

Libro 2. Epistola 11.

Q V I N Q V A T R V S] Dictum opinor nominandi potius, quā (ut Florentini crediderunt) generandi casu: nam hanc uocem tantum multitudinis numero memini me legisse. fortē etiam legi possit, quinquatribus: ut intelligatur dies, quo gesta sunt res, non quo allata: cum inferat, citiora nondum audiebamus. nam in libro manuscripto, quem habet uir doctissimus Hieronymus Ferrarius Corrigiensis, legitur, quinquat. ut etiam pro gladiatoribus, gladiat. uetustis in codicibus quandoque scriptum uideas.

Libro 2. Epistola 15.

E X E M P L O] Antea, exemplum. nos ex uetustis libris, exemplo, sextū abhinc annum correximus & impressimus.

Eadem

Eadem Epistola.

PONTINVS] Nam is quidem superiore honore usus erat: fuerat enim Prætor Cicerone Cos. itaq; dixit ad Atticum epistola III. lib. VI. Fratrem solum habeo Prætorium: Pontinus enim iam à me discesserat.

Ibidem.

QVI OMNEIS Cassios, Antoniosq; complexi sunt] Alij. pro omneis, legunt iuuenes. quam uocem nullis in libris manuscriptis reperio. nos ueterem lectionem conseruamus. cuius hic est sensus, Cælium Quæstorem præposui prouincie, non tam ipsius quidem causa, quàm ut reliquorum eiusdem familie gratiam inirem, exemplo s. Pompeij, & Cæsaris, qui cum, alter Q. Cassium Longinum, alter M. Antonium, delegissent, uniuersam Cassiorum, & Antoniorum gentem sibi adiunxerunt.

Ibidem.

DE MATRINIO] Locus est obscurus: cuiusmodi in ipsius Ciceronis scriptis alij quoq; sunt. quare etsi sensum non percipio, tamen ueterem lectionem libenter conseruo. omnino & codices sunt, in quibus legitur, De matrimonio: sed uetustiores habent, De Matrinio. quæ uox quid sibi uellet, cum munus constaret: fuisse opinor qui Matrinio dele- rint, & matrimonio ex ingenio reposuerint. fortè autem, cum ad Cælium Aedilem scribat, de Matrinio scriba Aedilitio, cuius meminit in oratione pro Cluentio, quidpiam significauit. sed nihil affirmo.

Libro 2. Epistola 16.

NON ENIM te cœlaui sermonem. sed non ne tum prouidisti] Sic antea. postea alij aliter emendarunt. ego, cum in uetere libro scriptum uiderem, non enim te cœlaui sed nomen tuum prouidisti: castigauit. non enim te cœlaui. sed non

sed non ne tum prouidisti, &c.

Eadem Epistola.

SED EGO fortasse uaticinor] Non est hic uaticinor pro diuino, sed pro ariolor, & quasi deliro, ut etiā in oratione pro Sestio, uaticinari eos atq; insanire dicebat.

Libro 3. Epistola 3.

PRO nostra constantissima uoluntate erga te] Nihil muto. alij, cur Ciceronis in Appium uoluntas appellari constantissima posset, dicunt se nescire, cum ea magnis simultatibus interrupta sit. Cicero autem id agit, ut ostendat, etsi Appij consuetudine propter inimicitias P. Clodij non sit usus, nunquam tamen ei se fuisse inimicum, neq; suam in illum pristinam uoluntatem unquam fuisse immutatam. Epistola etiam huius libri 1 x. ita scribit, Conscientia meae constantis erga te uoluntatis. Itaq; de nostra lectione non arbitror esse dubitandum.

Eadem Epistola.

C. PONTINVM legatum] Ciceronis Ciliciae Procos. Quaestores suere L. Mescinius, C. Caelius: Legati Q. Cicero eius frater, C. Pontinus, M. Anneius, L. Tullius: Tribunus mil, Q. Fuffidius: praefectus euocatorū Antonius: praefectus fabrum Q. Lepia: scriba M. Tullius: accensus Pausanias: apparitor M. Marcilius, de Quaestoribus, legitur i his epistolis de Legatis, de Tribuno mil, de praefecto euocatorū, de praefecto fabriū, de scriba. Et ad Attic. de accēso, de apparitore.

Lib. 3. Epistola 8.

CVM ad urbem esses] Antea, isses. nos esses, castigauimus ex libris manuscriptis, & ex alijs ipsius Ciceronis locis: inquit enim ad eundem Appium scribens: Ad Urbem te otiosissimum esse arbitrabar. Et ad Atticum lib. v 11. Trebatius quidem scripsit, se ab illo 1 x. Cal. Febr. rogatum

c

esse,

esse, ut scriberet ad me, ut essem ad urbem. Et alibi dicebatur autem de ijs, qui cum potestate provinciali reuersi, aut in prouinciam profecti nondum essent. autor Pedianus.

Libro 3. Epistola 10.

SI CLAM, magis aperte inimicus esse] Cum antea legeretur, sic iam magis aperte inimicus essem. Petrus Dantesius Parisiensis, uir doctrinae singularis, cuius ego iudicium tanti facio, ut tum demum aliquid probem, cum ipsi probaui, animaduertit corruptum esse locum, & sententiam secutus, nihil adiuantibus uetustis libris, ex ingenio felicissime correxit.

Eadem Epistola.

AD ME autem adire quosdam memini, nimirum ex Epicteto, qui dicerent] Licet alij credant quod libet, Ego tres illas dictiones, nimirum ex Epicteto, Ciceronis esse non existimo, neq; haecenus in uetustis codicibus inueni: ut mirari non satis possim, Florentinis qui uenerit in mentem affirmare, in omnibus eas esse libris manuscriptis: cum ego in nullis haecenus quidem legerim: quanquam & multos, & uetustissimos habuerim.

Eadem Epistola.

QVAE à me perfecta, quaeq; instituta sint, cognosce] Florentini, quae à me perfecta. nos ueterem lectionem seruamus: dicit enim, exponere se uelle non solum quae pro Aspio iam perfecit, sed etiam quae instituerit. Exposuit autem, opinor, in commentario, quem literis adscriptum mittebat.

Libro 3. Epistola 12.

ANTE diem IIII. Non. Sext.] Perinde est, ac si dixisset, IIII. Non. Sext. id ex libri XVI. Epistola v. ad Tironem intelligi facile potest. ante diem IIII. Non. ueteres dicebant, id est die tertio ante Nonas. nam cum dicitur, IIII. Non. con-

cisa locutio est, quæ integra esset, si diceres, III. die ante Non. quæ non admodum utebantur antiqui, sed eius loco, ante diem III. Non.

Libro 4. Epistola 5.

AN illius uicem (credo) doles?] Fortè melior lectio, At illius uicem c. d. ut per ironiam sine interrogatione dicta sint.

Libro 4. Epistola 9.

CONIVNCTVM esse periculum suo cerneret] Alij hanc lectionem uidentur suspectam habuisse. nos eam in uetusto codice Ioannis Scalæ, & in alijs manuscriptis libris inuenimus.

Lib. 4. Epistola 12.

BONIS] Nobis, emendassent, ut Hieronymo Ferrario placet, nisi uetusti omnes codices repugnarent.

Lib. 4. Epistola 13.

CERTA res nulla] Scripsimus, ulla, ut in antiquioribus libris legitur. locutionem esse usitatam intelliget qui uiderit ea, quæ diximus in illum epistolæ penultimæ libri I. locum, Non modo præmijs.

Eadem Epistola.

VT TE horter, & obsecrem] Nihil muto: sic enim in VIII. uetustissimis exemplaribus scriptum esse uideo. Florentinorum tamen lectionem non improbo: etsi eam in libris manuscriptis ipse quidem nondum inueni.

Libro 5. Epistola 2.

MVTIA] Pompei magni uxore, Scauolæ filia, quam postea dimissam, quod adulterium cum Cæsare commisisset, M. Scaurus Syllæ priuignus in matrimonium duxit, Pedianus 69. Suetonius 14.

SCHOLIA

Eadem Epistola.

TE audisse credo] Ita legitur in octo uetustis codicibus. hoc autem ideo dicimus, nequis credat ex ingenio sic esse locum emendatum, propterea quòd alij in duobus, quos ipsi habuerint, uetustis libris aliter legi dixerint.

Epistola eadem.

IN ALIQUO magistratu] Vetusiores codices habent, in animo: ex quo legendum esse, minimo, existimat Vbaldinus Bandinellus: quam & nos ueram huius loci lectionem esse credimus. more enim suo contrarijs contraria reddidit, cum dixit, Ego Consul, qui Remp. conseruaram, ea sum affectus iniuria, qua minimo magistratu nemo unquam improbißimus ciuis.

Libro 5. Epistola 9.

CUN VARDAEIS] Antea, Vardacis, legebatur. nos in libris manuscriptis, lectionem, quam impressimus, inuenimus, neq; de ea dubitandum quicquam censuimus, cum à Plinio Vardæos inter Dalmatiæ populos, in qua Vatinius bellum gerebat, numeratos uideremus.

Libro 5. Epistola 12.

IGNOTIS nota faciebant] Ignotis pro ijs, qui non noverant, actiue posuit, ut etiam Liuius lib. 111. notos gratia eorum, turbam indignitas rei uirgini conciliat. & Curtius: Ignoti iumenta agebant. Plautus autem in Pseudolo, Noui: notis prædicas. notis, dixit, id est ijs qui noverant. itemq; Cicerò in oratione pro M. Cælio.

Lib. 5. Epistola 13.

ITAQUE hoc etiam] Atq; hoc etiam, legendum putat Hieronymus Ferrarius, sensu omnino meliore tamen nihil immutandum duxi, cum libri omnes manuscripti cum impressis consentiant.

Libro 5. Epistola 14.

QVAM à me discesseras] Vetustos codices, quibus ego
nunc multis ad harum epistolarum emendationem utor, ita, ut
impresimus, habere uidi. itaq; aliorum lectionem non sequor:

Libro 5. Epistola 19.

M. CICERO RVFO S. D.] Aut mendosus est huius,
et sequentis epistolae titulus, et pro Ruffo, legendum, Me-
scinio: aut Rufus Mescinio cognomen fuit. Mescinius qui-
dem hic sit, necesse est: cuius fratrem fuisse M. Mindium,
scribit lib. xiii. quem epistola sequenti ad eundem hunc
Rufum scribens fratrem eius esse dicit.

Eadem Epistola.

QVARE tu] Ita in omnibus impressis: sed in omnibus
manuscriptis, Que tu. docti locum diligentius considerent:
ego, hoc adnotare, mei officij esse duxi.

Libro 5. Epistola penultima.

M. TVLLIVS scriba meus] Hic est M. Tullius cogno-
mento Laurea, Ciceronis libertus, qui Academiam uillam
uersibus, quos recitat Plinius libro xxxi. celebravit.

Eadem Epistola.

QVAM scribe meo] Vetusti codices habent, quam da-
rem. unus tamen est, et is quidem omnium fere optimus, in
quo scriptum sit, quam tibi. ego ita conijcio, cum olim in ue-
tere libro scriptum esset, quam Tullio, descriptors fecisse,
quam t. ut una litera, quemadmodum etiam in titulis episto-
larum, Tullij nomen significaret. quod imperitiores postea
cum ignorarent, scripsisse, quam tibi. ut fortasse ita sit le-
gendum, cui potius id negotij, quam Tullio darem. uoces illae
certè, scribe meo, uetustis in libris non leguntur.

Eadem Epistola.

LEGATVM meum, praefectumq; Q. Leptam] Induxi

has duas dictiones, Q. Leptam : primum quod in antiquo libro non sunt : deinde, quod Ciceronem, si praefecti nomen ponere uoluisset, legati fuisse omisurum, uerisimile non est. postremo cur nomen ponat, cum ad Mescinium Quaestorem suum scribat, qui et praefectum, et alios, qui cum Cicerone in Cilicia fuissent, optime nouerat?

Eadem Epistola.

VT TUA, quam tu deposueras, Sestius.] Haec est antiquissimi libri lectio, ex qua nihil immutandum, ut Florentini crediderunt. est autem sensus. quam ego pecuniam deposui, Pompeius abstulit : quam tu, Sestius. quod uero de tua, qua Sestius est usus, sollicitus es, propterea quod adscriptum cuperes, à te iussu meo esse depositam: de hoc (inquit) quod labores, nihil est : erit enim s. c. erunt tuae literae, quae pecuniam istam Sestio traditam esse testabuntur.

Eadem Epistola.

IN pecunia exacta ita efferre] Ex uarietate duorum codicum haec lectio sumpta est. cuius hic est sensus. Prouinciae rationes Cicero retulerat. id eius Quaestor Rufus se absente fieri noluerat: pecuniae enim nescio quid à se in prouincia exactum in libro rationum scribi cupiebat, existimans, nisi id cum reliquis Ciceronis rationibus referretur, eius rei potestatem se deinceps non habiturum : quod ei fuisset inuidiae, quasi publicam pecuniam uoluisset auertere. itaq; commotus est. Cicero autem non esse ait, cur irascatur : nam licet ipse rationes iam retulerit, Ruso tamen facultatem non adinu de pecunia referendi, quam exegisset. in pecunia, inquit, à te exacta non aequum fuit, ex eo quod ego meas rationes retulerim, ut ita te efferres, itaq; mecum insolenter, et iracunde ageres : neq; enim, cur id facias, causa ulla est: nisi quid me fallit : sunt enim alij peritiores.

Epistola

Epistola eadem.

EX PROVINCIA decessimus] Vetusii codices omnes, decessimus, habent. nos unà litera in e commutata decessimus pro decessissimus è sensu scripsimus. alij codicis antiqui lectionem, quæ parua omnino diligentia restitui potuit, in suum librum coniecerunt.

Libro 5. Epistola ultima.

COMMODA omnia] Melius ita opinor, quàm communia omnia. itaque olim impresimus, secuti libros aliquot manuscriptos, quorum unum sancti perantiquum Hieronymus Ferrarius habet.

Eadem Epistola.

ET ENIM cum esset] Alij, ut enim, quam lectionem nos non admodum probamus: particula enim, ut, quæ respondeat, uox non erit. ex codice igitur Bernardini Massæi, etenim, emendauimus.

Libro 6. Epistola 6.

QVARE ad eam spem &c.] Inconsequens, & obscura locutio. ex quo uereor, ne corruptè totus hic locus legatur. ac fieri tamen potest, ut ita scripserit Cicero, & inciderit in uitium, quod Græci σολοικωπαίς appellant cuius generis nonnulla cum in reliquis eius scriptis, tum in libris maxime contra Verrem deprehenduntur: quæ Pedianus adnotauit.

Libro 6. Epistola 7.

MULTA Deos uenerati] Nihil est immutandum, ut alij crediderunt: nam etiam alibi nomen pro aduerbio positum est, ut, cum dicitur, multa peccas, & multa egeo. Cicero de nat. Deo. pro Muræna: Topicorum autem initio, cum (inquit) mihi, meisque multa sæpe cauisses. Gellius lib. 13. cap. 23.

Eadem Epistola.

ELATVM] Antea, latum: nos castigauimus elatum, meliorem, ut opinor, sensum secuti, quàm qui, latum, scribunt.

nostram autem lectionem accepimus ex libro manuscripto Bernardini Maffei, nobilissimi adolescentis, qui in studijs liberalium disciplinarum summa sua cum laude uersatur.

Libro 6. Epistola 10.

RECUPERES] Antea, receperis: nos, recuperes, aliquot iam annis emendauimus, & impressimus. codex uetus scriptum habet, reciperes, & in alijs etiam exemplaribus, i, literam pro, u, sæpius reperiās.

Libro 6. Epistola XIX.

SIMVL accipi] Vetustorum librorū hæc est lectio: cuius etiam Florentini meminerunt. sed quoniam sæpe etiam libros manuscriptos esse corruptos intelligebant, neq; de dictione, simul, præter codicum auctoritatem quicquam habebant, quod sequerentur: uulgatam lectionem immutare non sunt ausi. nos nō dubitamus, quin rectè, simul, pro simul ac, in exemplaribus antiquis scriptum sit. cuius uocis ex ijs, qui soluta oratione scripserunt, exempla non afferam: (nam si quis erit, qui locum ubiq; deprauatum esse contendat, & pro simul uel simul ac, uel simul atq;, legendum dicat: quibus argumentis contrā pugnabimus?) sed è poëtis, in quibus eam uocem in aliam mutari carminis ratio non patitur. dixit igitur Virgilius libro Georg. IIII. Taygete simul os terris ostendit honestum Pleias: & Lucretius libro I. Cui simul infula uirgineos circumdata comptus, Ex utraq; pari malarum parte profusa est: & Horatius epistola x. libri I. Viuo, & regno, simul ista reliqui. Quibus in locis, simul, dictum esse pro, simulac, licet animaduertere.

Libro 6. Epistola 20.

NUMERVM regionū] Aliquot iā annis ita impressimus, cum ex antiquissimis exemplaribus hæc lectio sumpta esset. Quam tamē Florētini nō receperūt, credo quòd in suo codi-

re scriptum uidebant, regionum : cuius uocis quæ possit esse sententia, nō intelligo. de muneribus autem regionum, id est de ludis regionatim urbe tota edendis, Suetonius in Cæsare.

Eadem Epistola.

IN QVO sit spes] Non uideo, cur quicquam mutari debeat, ut Florentini uoluerunt : cū & ita legatur in codicibus uetustissimis, & sensus meo iudicio sit apprime commodus : nam cum dixisset, quod eo labore assequi uis, nullo modo assequere : intulit, aliquid uidebimus in quo sit spes, id est quod nos assecuturos sperare possimus.

Libro 7. Epistola 1.

PATEFECISTI Seianum] Cū loquatur de ludis, non displicet uetusti codicis lectio, in quo pro, Seianum scriptum est, scenam. sensus erit : non puto te nostros ludos desiderasse, cum ex cubiculo tuo Stabianum prospiceres, quod tibi scenam referre, & tanquā scenæ conspectus delectare te posset.

Eadem Epistola.

P. METIVS] Hic est P. Metius cognomēto Tarpa, qui ea, quæ in scena recitanda erant, prius iudicabat. eius meminit Horatius in epi. de arte Poëtica, & Sat. x. lib. 1.

Eadem Epistola.

HOMINI politico] Vetuscos codices, in quibus ita legatur, habet Ioannes Scala, habet Hieronymus Ferrarius, habet Bernardinus Maffeus, habet Paulus Botus, habent alij, quos nō necesse est cōmemorare. itaq; nihil muto. alij in suo libro imprimi uoluerūt, homini polito, affirmantes in oībus uetustis codicibus ita legi. Epistola eadem.

FRUCTVM ullum laboris expecto] Veteres omnes libri pro, expecto, habent ex his peto. Florentini legunt, ex his expecto. mihi nostra lectio magis probatur, ut quæ à ueteri scriptura minus recedat : nam & exspecto, & exscribo,

et exsupero, et alia huiusmodi cum, s, litera ueteres scribebant, ut ex antiquis monumentis licet cognoscere. uide Quintilianum lib. 1.

Libro 7. Epistola 2.

DE BURSA] Hic est T. Plancus Bursa, frater L. Planci, ad quæ sunt epistolæ lib. x. accusatus est ambitus, et condemnatus à Cicerone, cui antea Tribunus pl. in causa Milonis aduersatus fuerat, et in cõcionibus magnā inuidiam concitabat. postea rerū potitus Cæsar eum, et omnes lege Pompeia damnatos restituit. Dion, Pedianus, et alij: in his autem epistolis lib. 9. epistola 10. et libro 12. epistola 18.

Libro 7. Epistola 3.

OPTAREM, multæ causæ] Sic antea. nos ex libris manuscriptis uocem, causæ, sustulimus, ut purior et elegantior sit lectio.

Eadem Epistola.

ME VOLVISSE etiam reliquis omnibus: postquam non potuerim, mihi ipsi finem fecisse belli] Hic locus antea in omnibus impressis perperam distinctus sensum peruertebat.

Libro 7. Epistola 5.

M. FVRIVM] Variè legitur in libris manuscriptis. Florentini, M. Orfium, impresserunt, arbitrati cum esse, de quo in epistola x 1. libri 11. ad Q. fratrem. quod mihi secus uidetur. ex hac enim epistola, qua Trebatium cõmendat, eum ante Trebatium iuisse ad Cæsarem manifestum est. cum autem ad Q. Fratrem scribit, dicit se eas literas M. Orfio dedisse, cum iam Trebati in exercitu Cæsaris esset: quod in ipsædem literis postea significat, cum inquit, Trebatium ut ualde ames, uehementer te rogo.

Eadem Epistola.

LEPTAE legatum] Crederem legendum esse, leg. 111. legatum,

legatum, id est, legionis tertiæ legatum. forte enim librarius scripserat. leg. t. pro legionis tertiæ: quod deinde is, qui legebat, cum non intelligeret, ex duabus dictionibus unam fecit, et scripsit, Leptæ.

Eadem Epistola.

Q V O D familiam ducit] Quod caput est, quod in eo summum est: ut referatur non ad Trebatium, sed ad id quod dicit, in iure civili singularis memoria, summa scientia. cum enim Trebatium à multis rebus laudasset: memoriam, et scientiam in iure civili, cæterarum laudum, quibus Trebatius abundaret, quasi familiam dixit ducere: translatione sumpta à rectoribus familiarum, quos domestici omnes ueluti duces sequuntur.

Epistola eadem.

P U T I D I V S C V L I] Paulò, quàm satis est, diligentiores. excusat enim se, quòd in Trebatio commendando plura uerba consumpserit, quàm Cæsaris humanitas patiatur. putidum autem appellat Cicero, in quo nimia diligentia reprehendi possit, ut de Oratore lib. 111. nolo exprimi putidius, nolo obscurari diligentius. et de off. lib. 1. literæ neque expressæ, neque oppressæ, ne aut obscurum esset, aut nimis putidum. legitur autem in nonnullis manuscriptis libris, blandiusculi: sed in antiquioribus, quos secuti sumus, putidiusculi.

Libro 7. Epistola 9.

P R O P T E R eius occupationes nihil sum ausus scribere] In duobus uetusissimis codicibus non est uox illa occupationes: sed eius loco spatij aliquantum est relictum. ex quo credimus, à recentioribus, quorum imperitia deprauati leguntur ueterum scriptorum libri, uocem, occupationes, esse repositam. nos, quid ea dictio, quam in exscribendo librarius omisit,

S C H O L I A

omisit, significare potuerit, assequi coniectura non possumus. Græcam quidem uocem deesse crediderim. id enim uerisimilius est, quàm Latinam: ut etiã alibi cognoscitur in ipsius Ciceronis scriptis, ubi Græcum desideratur ex scriptorum inscitia, qui cum id legere non possent, omittebant, relicto spatio, ut ab alijs aliquando reponeretur.

Libro 7. Epistola 10.

AVT CONSOLANDO, aut cōsilio, aut re iuueno] Senarius integer è Terentij Heautontimorumenos translatus in hunc locum. sic enim in ea fabula, actu 1. scena 1. cum Mitione loquens Chremes inducitur: istuc, quicquid est, fac me, ut sciam: Ne retice: ne uerere: crede inquam mihi: Aut consolando, aut consilio, aut re iuueno. Terentius porro, ut opinor, à Plauto paucis immutatis accepit. apud quem in Pseudolo, actu primo, ita loquitur Pseudolus seruus: Fac me certum, quid tibi sit: iuuabo aut re, aut opera, aut consilio bono.

Libro 7. Epistola 11.

OMNIBVS, unde petitur] Debitoribus. ita etiã de oratore libro 1. homo ex disertorum numero postulabat, ut illi, unde peteretur, uetus atq; usitata exceptio daretur, cuius pecuniæ dies fuisset. apud iurisconsultos frequens est locutio.

Libro 7. Epistola 12.

FIDUCIAE, INTER bonos bene agier? quis] Ita legitur in libro manuscripto. & sanè crediderim, non aliter hunc locum esse scribendum. etsi priorem lectionem conseruari. uoces enim illæ, UT, & OPORTET, quæ sunt in impressis, additæ sunt ab imperito, qui locutionem parum integram crederet: cum alibi à Cicerone iureconsultorum formulas sine uerbo citari non animaduertisset, ut de offic. lib. 111. In fiducia, (inquit) inter bonos bene agier? codices enim

enim nectusti non habent, v. t. & ibidem paulò post. cum dicitur, inter bonos bene agier, quicquam agi dolose, aut malitiose potest: in Topicis etiam: ubi eadem hæc usurpantur uerba. manuscripti codices ab impressa lectione dissentientes, nostram sententiam confirmant, quam etiam Romæ doctissimis hominibus probavi.

Libro 7. Epistola 13.

TREVIROS uites censeo: audio capitales esse:] Ut unicuique quod suum est, tribuamus, Petri Bembi, hominis & dignitate, & omnium uirtutum cognitione clarissimi, epistolam, qua huius loci sententiã diligentissimè, & ornatissimè exposuit, adscribemus. non enim eos imitari placet, qui ex aliena industria sibi laudem aucupantes, quæ ab alijs didicerunt, edunt pro suis.

Petrus Bembus Bernardino Sandro S. Quod hodie mane querenti tibi à me de illis Ciceronis ad Trebatium uerbis: Treuiros uites, censeo: audio capitales esse: malletm, auro, argento, ære essent: respondi, iocum esse, & multiplicem, & festiuium: qui quidem iocus in antiquis, & numis, et scriptoribus deprehenderetur: itaq; quoniam eramus in uia, ut neque libros, neque numos haberemus, reicci te in alium diem: id, ne te diutius torqucat, est eiusmodi: ut ioci causa: quod quidem Cicero ad illum scribens more suo ferè semper facit: & Treuiri, & capitales in ambigui genere sint posita, nam cum uideatur monere illum, ut uitet Treuiros Galliæ populos, qui capitales, bellicosiq; sint: ludit cum in Treuirorum, tum in capitalium uerbo. erat enim Romæ magistratus, Triumuiroi capitales: qui etiam Treuiri dicebantur. sed quoniam hoc ipsum Triumuiroi nomen iterum in ambiguo poni poterat, cum essent etiã apud Romanos Triumuiroi pecuniæ cudendæ: quos ita inscribebant: A. A. A. FF. hoc est,

est, Auro, Argento, Aere Flando Feriundo : iocatur iterum in hoc uerbo, luditq; Cicero, ut mihi quidem uidetur, bellissime, addens, mallet Treuiros istos esse pecuniosos, quàm bellicosos: ut Cæsare eos uincente, tu ditesceres. itaq; infert, mallet esse Treuiros auro, argento, ære: quàm scilicet capitales. Triumuiros autem etiam Treuiros solitos dici, Lilius satis locuplex esse testis potest: cuius sunt hæc in lib. quartæ decadis x. Colonia Grauisca eo anno deducta est in agrum Etruscum de Tarquiniensibus quondam captum. quina iugera agri data. Treuiri deduxerunt C. Calphurnius Piso, P. Claudius Pulcher, C. Terentius Hister. Quod uerò Triumuiri pecuniæ sic, ut dixi, inscriberentur: est apud me numus æreus per antiquus ita scriptus C. PLOTIVS III VIR A. A. A. FF. sunt & alij numi aliorum nonnumum, eiusdem tamen tituli: quos inspicies, cū uoles. Hæc ad te scripsi, cum domum rediissem, & numos, ac librum sumpsissem amore tui admonitus. Vale. Prid. Idus Iun. M. D. XXXIII.

Libro 7. Epistola 16.

NON NIMIS φιλοθέωρον] Aliter antea in omnibus impressis. nos, ut in nostro libro legitur, emendauimus, & impressimus septimum abhinc annum. iocans enim ut solet, dicit se Trebatium non reprehendere, quod non nimis spectandi cupidus fuerit, id est, quod in Britanniam profectus non sit, ut essedarios spectaret. tacite autem ut ignauum, & pusilli animi subaccusat, qui Cæsarem in Britanniam sequi ad bellum noluerit.

Eadem Epistola.

RESPONDERE] Negat, inquit, esse qui pericunctentur: cum homines te iureconsultum imperitum existiment. iocatur enim in uerbo respondere: quasi dicat: negant te habere, cui respondeas, cum s. nemo te consulat.

GRAECVLAM tibi misi cautionem Chirographi mei] Puto sensum esse. commendavi te Cæsari literis Græcè scriptis.

Eadem Epistola.

QVAM hæc scribere.] Suspicio mendum subesse. mihi enim perobscurus est sensus. & ut liberè dicam quod sentio, legendum crederem, quàm exscribere, nulla propemodum mutatione facta. depravationis enim origo, ut opinor, ea fuit. describendis libris sæpe duos præficimus, qui legat, & qui de legente excipiat, ut scilicet celerius, & certius id muneri conficiatur. cum autem is, qui legeret, protulisset, exscribere, credidit scriptor, exscribere, dictum esse: itaq; fecit in libro. alius deinde errorem, quem per imprudentiam commissum debuit tollere, temeritate auxit, una dictione in duas diuersas, priori duabus literis, quas falsò desiderari credidit, adscriptis, h, & a, ut legeretur, hæc, sensu fortasse commodo, sed, ut dixi, mihi perobscuro. quòd si legatur, exscribere, hoc dicet. uideo te parum ditescere, cui charta desit, in qua tuas formulas, aut aliud quidpiam exscribas. ea enim si suppedicaret, nunquam profectò ad nos in palimpsesto. inferret enim an hoc significas, nihil fieri, fringere te, ne chartam quidem tibi suppeditare? dixit autem, quod delere malueris. quàm exscribere, per iocum significans, non habuisse Trebatium in quo exscriberet id, quod delebat. itaq; se mirari quid fuerit in illa chartula, quasi molestè ferat id perisse: chartæ enim inopiam ostendi, cum scribat in palimpsesto. idem error in 111. epistolam VII. libri ad Atticum irrepperat: ubi enim antea legebatur fides laureatos hæc ferre ex Italia, nemo non uidet legendum esse, exferre, ut ex uetustis codicibus Florentini reposuerunt.

Eadem

Eadem Epistola.

M. AEMILII Philemonis] Cum in libris manuscriptis uariè legeretur: (quidam enim Meulij, quidam Metilli habent) ausus sum emendare M. Aemilij: procul enim dubio libertus fuit adoptatus in Romanam familiam, ut alij multi. cum autem Metriliorum mentionem nondum inuenerim: & codicum uetustorum uarietate, in quibus ueræ lectionis quasi quædã uestigia cernuntur: & Pediani uerbis, qui eiusdẽ (ut opinor) liberti meminit, adductus sum, ut, M. Aemilij, corrigerem. libet autẽ ipsius Pediani locũ recitare, ut studiosis quærendi labor absit, is igitur ita in argumento orationis pro Milone. Munatius Plancus Tribunus pl. produxerat in concionem M. Aemilium Philemonẽ, notum hominem, libertum M. Lepidi. ita tamen hoc sentimus, ut afferentibus alijs meliora, perlibenter de nostra sententia discessuri simus.

Libro 7. Epistola 20.

DOCTOREM tamen, lumenq; desiderant] Omnino in omnibus libris manuscriptis, pro lumenq;, legitur, unumq;. ego tamen libentius legerim, usumq;, id est exercitationemq;, ut dicat idem, quod suprà, nullam artem literis sine interprete, & sine aliqua exercitatione percipi posse.

Libro 7. Epistola 21.

RUFIO mediusfidius tuus] Tuus, inquit, quod eiusdem esset gentis: Rufio enim Trebatorũ cognomen fuit. id ex lapide, qui Romæ est in porta Latina: sic enim in eo scriptum legitur. C. VIBIVS C. F. MACER, C. TREBATIVS RUFIO FACIVND. CVRAVERVNT.

Eadem Epistola.

HABET lucum] Sunt, qui, lucum, ideo male legi credant, quod neque luci capax esset priuata domus, & luci, qui sacri essent, non sine scelere incidi possent. nos existimamus,
lucum,

lucum, non intra parietes, sed ante ædes Trebatij fuisse: neq;
Cicronem impiè consuluisse, qui cum à Trebatio cædi uel-
let: quomodo enim rectè, & sine piaculo id fieri possit, do-
cet M. Cato in primo de Re rustica.

Libro 7. Epistola 24.

MANEAT Damasippus in sententia] Ut emat, quem-
admodum dixit, quæ mihi non placuerint. est autem is, de quo
Horatius Satyra I I I. libri I I. Insanit ueteres statuas Dama-
sippus emendo.

Libro 7. Epistola 25.

CAPIVS (opinor) olim, Non omnibus dormio] Aliàs
ita emendauimus, cum libri omnes non modo impressi, sed
etiam manuscripti hoc in loco mendosi legerentur: quidam
enim Citius, quidam Cepio, alij aliter habebant. nos ex Fe-
sto Pompeio locum restituimus, qui adagium, Non omni-
bus dormio, natum esse à Capio quodam scribit, qui Para-
rencho diceretur, quod simularet dormientem, ut impunius
uxor eius mœcharetur.

Eadem Epistola.

RESPONDI, nullo modo me facere posse, cum uel-
lem.] Elegantior lectio, quàm quæ antea in impressis libris
erat. hanc lectionem etiam Florentini in suo libro scripse-
runt: sed, quomodo eam interpunctis distinxere, non eo sensu,
quo nos, uidentur acceperisse.

Libro 7. Epistola 26.

VEREOR, ne in Catonem, Cato in nos] Hanc lectio-
nem cum alij uetusti codices habēt, tum is, qui est apud Ber-
nardinum Massicum. sensus est. uereor, ne nos scribamus in
Catonem, & cum nostris scriptis laudemus: Cato autem
laudatus exitio nobis sit, Cæsare nos, quod ipsius inimicum
laudemus, male mulctante: quasi dicat, uereor, ne Catonem

f extoll

extollamus, ipsi autem deprimamur. & dixit, in Catonem, (subaudi scribere) idest in Catonis laudem, ut de oratore libro 11. & de natura Deorum libro 1.

Libro 7. Epistola 28.

GALLO S. D.] Florentini, & alij credunt hunc esse M. Fabium Gallum, qui de coniuratione Catilinæ, quæ ab Allobrogibus acceperat, ad Ciceronem detulit. sed est amicissimus meus, uir sanè his literis, quæ humaniores appellantur, instructus, sed maximarum doctrinarum cognitione præstantior, qui hunc potius existimet esse P. Sestium, pro quo extat oratio, cui cognomen fuerit Gallo: fuisse enim hoc Sestii gentis cognomen. intelligitur ex oratione pro Milone, ubi ita scribit: Sacrarium, quod est in fundo T. Sestij Galli. Tribunatum autem plebis & petiisse Sestium Ciceronis restituendi causa, & pro eius salute gessisse, ex ipsius Ciceronis scriptis notissimum est. quod item de M. Fabio dici non potest: neque enim is, quo tempore Cicero exulauit, Tribunus fuit: ne alijs quidem temporibus, quod sciri possit. nam quod infra dixit, si falsa fuerunt, quæ tu ad me detulisti: significat ea, quæ Sestius C. Antonij Consulis Quæstor ad Ciceronem Consulem de ipso Antonio Consule suo detulit: sic enim in oratione pro eodem Sestio habita. Quæstor C. Antonij collega mei fuit sorte, sed societate consiliorum meus. impediō nonnullius officij, ut ego interpretor, religione, quo minus exponam, quanta ad me detulerit. Hæ rationes faciunt, ut amicissimi hominis sententiæ libenter acquiescam.

Libro 7. Epistola 29.

NON solum suis erga me] Has uoces uetustis in libris alij dixerunt se non inuenisse. nos inuenimus in codice Bernardini Massæi, Hieronymi Ferraij, Ioannis Scalæ,

Libro 7. Epistola 31.

SALVIS rebus] Potius, Rep. nondum afflictâ, quàm, ut quidam uolunt, sine bonorum imminutione. sic enim dixit etiam ad Sulpitium epistola 1. libri 1111. Vtinam Serui saluis rebus colloqui potuissimus inter nos.

Libro 7. Epistola ultima.

PENNIGERO, non armigero in corpore] non dubium est intelligi de auibus, Quas Philoctetes configebat tardus celeres, stans uolantes. Florentini tamen in suo libro, pinnigero, legi maluerunt, contra Quintiliani sententiam, qui pinnae de auibus dici non uult.

Eadem Epistola.

ILLIS interioribus literis meis, quibus sepe uerecundiores me in loquendo facit] Iandiu suspicatus sum hunc locum esse deprauatum: neque enim si ita legatur, sensus elici bonus possit. Hieronymus autem Ferrarius Corrigiensis, qui quidem Ciceronis scripta, quantum intelligi possunt, et intelligit, et scriptis ipse suis mirifice exprimit, arbitratur esse legendum, illis interioribus literis, eis, quibus sepe uerecundiores me in loquendo facis. cuius sententiae nos facile acquiescimus: ita enim et aptus colligetur sensus, et erit locutio sanequam elegans, qua in suis scriptis ita frequenter Cicero est usus, ut eius exempla huc afferre putidum prope sit.

Libro 8. Epistola 4.

LENTULI Cruris] Hic est, opinor, L. Lentulus Cruscellus, qui anno sequenti Cos. fuit cum M. Marcello. puto autem illum et Cruris, et Cruscelli cognomine indifferenter appellari solitum.

Ibidem.

NOSTRI equites] Cum in libro manuscripto legretur, equ. facile in eam opinionem descendi, ut, equites, legen-

dum esse existimarem. nostri autem, inquit, quod erat ipse ex ordine equestri, ut ex oratione qua cum Cicero defendit, cognoscitur.

Ibidem.

RATIONE, & insidijs usus uideretur in euitandis eorum consilijs] forte melius, ratione, & consilio usus uideretur in euitandis eorum insidijs.

Ibidem.

LAELIOS] Forte Lollius, qui Cesaris amici fuerunt, quemadmodum Antonij; nam Laelij Pompeiani. qua in opinione magis sum confirmatus, postquam in epistola IIII. libri V. ubi, Laelium, impressum erat, uetustissimos codices, Lollium, habere uidi.

Ibidem.

MEA porro comitia quem euentum sint habitura] Sic antea in omnibus impressis. nos uocem, comitia, sustulimus: quae subintelligitur, ut etiam cum dixit, Praetorijs morae quaedam inciderunt.

Libro 8. Epistola 5.

QUODAM, scilicet iam omnia] Codex uetustus Ioannis Scale sic habet, quodam omnia in Sicilia: Bernardini Maffei, Quodam uicilicet omnia: Qui est in Medicea bibliotheca, Quodam incilicia omnia, uulgata lectio non est in libris manuscriptis, uidendum an ita legi possit, Quodam incili iam omnia.

Libro 8. Epistola 6.

CONFECTA, omnia scd., & inhonesta sunt] Hoc in loco uetusti codices inter se discrepant. nos eum, quem habet Ioannes Scala, ut minus deprauatum secuti sumus: sic enim in eo legitur: confecta omnia scda, & inhonesta sunt. ex quo adducti sumus, ut, una litera immutata, legeremus: confecta, omnia scda, & inhonesta sunt.

Eadem

Eadem Epistola.

TABERNARIIS] Aquarum ius penes Aediles, & Censores erat. itaque cum tabernarij publicas aquas in suum usum deducerent, Caelius, qui tunc temporis Aedilitatem gerebat, ea de re cum tabernarijs & aquarijs pugnavit: coniectionem etiam de aquis scripsit, cuius meminit Frontinus libro 11. de aquæ ductibus.

Libro 8. Epistola 7.

PAULA Valeria] Alij, an hæc Bruto nupsit, dubitare videntur, propterea quod libro x 1. Pollam Bruti uxorem fuisse perspiciant. ego nupsisse existimo, & eam ipsam esse, quæ libro x 1. appellatur Polla: ut, quemadmodum ab aula olla, sic à Paula Polla dicta sit.

Eadem Epistola.

NON DVM retulerat] Si ita legatur, subintelligi poterit, dotem. sed mihi non displicet amicissimi mei coniectura, qui ita legendum putat, mundum retulerat. mundus autem muliebris qui sit, exponit Liuius lib. x x x i i i. munditiæ (inquit) ornatus, & cultus, scæminarum insignia sunt. hunc mundum muliebrem appellarunt, maiores nostri.

Libro 8. Epistola 8.

M. TVCCIVM accusatorem suum etc.] Huius loci sensum, & si obscurissimus est, tamen declarare conabimur. Reorum causæ ordine agebantur: nam quæ tempore prior fuerat, eius prior item locus erat. excipiebantur tamen eæ causæ, quæ cum causis iam iudicatis coniunctionem aliquam habebant, ut earum quasi appendices quædam uiderentur: eiusmodi enim causis, etiam si post multas alias delatæ essent, tamen primus locus erat constitutus. itaque in oratione pro Cluentio, Fabritium (inquit) reum statim fecit: utq; ei locus primus constitueretur, propter causæ coniunctionem im-

petrauit. propterea causæ coniunctionem, inquit, quòd Fabritij causa eadem erat, quæ Scamandri, qui antea cõdemnatus erat. & infra in eadem oratione: apud eosdẽ iudices reus est factus Oppianicus, cum is duobus præiudicijs iam damnatus esset. ab iisdẽ autem iudicibus locus ei primus est cõstitutus. Hoc ideo factũ est, quòd Oppianici causa coniunctionem habebat cum Fabritij, & Scamandri causa, quos iudices iam damnauerant. Excipiebantur etiam causæ de ui, quæ primo loco agebantur, onus alijs causis, quæ tempore priores fuerant. sic Milonis causa, quòd erat de ui, extra ordinem est acta. sic M. Cælius, cum Atratini patrem de ambitu reum fecisset, de ui postea accusatus, causam ipse prior dicere coactus est. sic etiam C. Sempronius cum A. M. Tuccio esset accusatus, & causam suam eo anno nollet agi (forte quòd ex ijs, qui tunc iudices erant, aliquos se habere inimicos intelligeret) accusauit accusatorem suum lege Plotia de ui, eo consilio, ut, interposita extraordinaria causa, tempus tereretur, & suæ causæ iudicium, cum eius agendæ spatium non esset, in annum sequentem necessariò reijceretur. Extraordinarius autem reus is dicebatur, cuius causa non ordine, ut aliæ causæ, sed primo loco semper ageretur: & inde extraordinaria causa, quæ statim ante omnes causas ageretur, ut cum erat de ui, uel coniunctionem habebat cum aliqua causa antea iudicata.

Eadem Epistola.

L A T E R E N S I S leges ignorans, pronuntiauit quòd singuli ordines iudicassent] Cum ex tribus ordinibus, qui res iudicabant, duo Seruilium absoluisent, unus condemnasset, uniuersorum autem iudicum æquo numero sententiæ fuissent, Laterensis, qui ordines, non sententias respiceret, absolutum credidit, seq; eum in tabulas dixit absolutum relaturum.

rum. postea cum in lege reperisset, non ex ordinum numero, sed è iudicum maiori parte uel absoluendos, uel condemnandos esse reos: non retulit, ut dixerat, in tabulas absolutum, ordinum iudicia perscripsit. fusius autem explicabimus, propterea quòd obscurior est sensus, ita ut cum pauci uiderint, nemo certè ostenderit: non enim, in quo Laterensis Prætor deceptus sit, animaduertuerunt. quod nos pluribus uerbis, ut etiam tardiores intelligant, ostendemus. Iudicia penes treis ordines erant: qui quidè tres ordines ex senatoribus, equitibus, Tribunis ærarijs constabant: fieri autè poterat, ut quem duo ordines absoluissent, unus condemnasset, is tamen non absolutus, sed condemnatus iudicaretur, hoc modo. Eunt in consilium senatores x x v i. equites x x v. Tribuni ærarij, x x i i i i. ex senatoribus absoluunt reum, x i i i i. condemnant, x i i. ex equitibus absoluunt, x i i i. condemnant x i i. ex Tribunis ærarijs absoluunt, i i i i. condemnant, x x. si ex ordinum numero iudicaretur reus, absolutum apparet, quippe cum ex tribus ordinibus absoluerint duo, senatorius, & equester. cum autem lex, quod iudicum maior pars iudicaret, id ius ratum esse uelit: condemnatum reum, nemo est, quin uideat, cum sententias graues habuerit x l. i i i i. absolutorias x x x i. Prætor autem Laterensis cum ex more pronuntiare deberet, quot sententijs absolutus, quot esset condemnatus reus: leges ignorans, de numero iudicum nihil, de ordinibus, quid singuli iudicassent, pronuntiavit, ac se in tabulas absolutum dixit relaturum. postea cum lege perspecta, erratum intelligeret: dubius animi, quid ageret: quòd neque contra legem, neque contra id, quod pronuntiarat, uellet facere: neque absolutum, neque damnatum retulit: tantum ordinum iudicia perscripsit. ex quo paulò post infert Cælius: sic nunc neque absolutus, neq;

damnatus Seruilius, de repetundis saucius Pilio tradetur.

Epistola eadem.

A' Q V O D A M suo emissario] Florentini in uetusto codice legi dixerunt, à quodam suo rustetio. ueram lectionem esse puto, à quodam suorum S. Tetio, quam excogitauit amicissimus meus, homo ita omni laude cumulatus, ut ego ei quàm paucissimos comparem, neminem certè anteponam. Tetios autem & liberos, & amicos Claudiorum fuisse, è qua gente erat Appius, ostendit Asconius, ubi in oratione pro Milone locum illum exponit: Hæc insidiata Pompeio est. quanquam ibi tantum de Damione Clodij liberto loquitur. sed Damionem Tetiæ gentis fuisse, ostenditur ad Atticū 56. itaque hic Cælius de Appio loquens, accusatus, inquit, est à quodam suorum Sexto Tetio: nam cum, Sextus, antiqui significare uolebant, uel Sex. scribebant, uel S.

Epistola eadem.

L. IULIVS L. F. POM. Annalis] Ex xxxv. tribubus, aliquam (ut inquit Pedianus) necesse erat, cuiuscunq; esset ordinis, ciuis Romanus obtineret. is autem ostendebatur à prænomine suo, à nomine (nomine autem familia significatur) à patris prænomine, à tribu, à cognomine, ut Philippica 1 x. Ser. Sulpitius Q. F. Lemonia Rufus. Lemonia enim tribus est ablatiui casus, ut sit, ex Lemonia, ut inquit Asconius. in lapidibus autem antiquis ferè semper, in libris aliquando prioribus tantummodo literis significari tribus animaduertas, ut in hoc S. C. ubi enim legitur, Pom. sciendum est, Pontinam intelligi (nam & Pontina, & Pomptina in lapidibus antiquis, & uetustis libris scriptum est) ubi Pop. Popiliam: ubi Pup. Pupiniam: ubi An. Aniensem: quod cum antea non esset exploratum, alij pro An. Capito, duabus uocibus coniunctis legebāt Ancapito: Bernardinus autem

tem Rutilius, qui nuper Venetijs obiit, in suis adnotationibus credidit, antiquas notas fuisse, quæ significarent, Atteij nepos. in quo quàm deceptus sit, non attinet dicere. si enim ab auctore ostendendus aliquis erat, non ab eius nomine, sed à prænomine ostendebatur. Florentini autem in calce operis, ubi corrigunt impressorum errata: locum, qui rectè habebat, deprauarunt: cum enim legeretur, An. Capito: legendum potius crediderunt, A. N. Capito. quos alij postea imutati, in eundem errorem inciderunt, Aniensem tribum non agnoscentes, quæ duabus modo literis, ut iam dixi, scripta fuerat. quæ me ratio mouit, ut ubi, Puphirrus, una tantum uoce antea legebatur, duabus in nostro libro scriberem, Pup. Hirrus, id est, Pupinia Hirrus: tribus enim ante cognomen ponebatur, ut etiam alibi licet uidere. quoniam autem hanc tribuum cognitionem non ita facilem esse perspicimus (nam & Volaterranus, & Alexander, qui dies Geniales scripsit, & alij, quos non necesse est commemorare, parum uidentur in suis libris earum numerum, & nomina tenuisse) studiosis non fore prorsus inutile, aut iniuncundum arbitramur, si quæ in hanc rationem dispersa in ueterum monumentis leguntur, coacta huc afferamus. Fuerunt igitur Romanæ tribus x x x v. quarum nomina infra scripsimus, & scriptores aliquot, qui de ijs meminerunt, apposuius, ut inde facilius earum, ac certior unicuique cognitio sit.

Aemilia, de qua Cicero ad Atticum 30: Liuius lib. x x x v i i i. Antiq. L x x v.

Aniensis, Cicero pro Plancio, Liuius lib. x. familiarium epistolarum: Antiq. C L x x v. & C x c.

Cornelia, Liuius lib. x x x v i i i. Antiq. C L i.

Claudia, Liuius lib. i i. Virgilius libro v i i. Dionysius Halic. v. Antiq. L x x v. & C x i i i i.

- Collina, Varro lib. I I I I. de Lingua Lat. Plinius lib. X V I I I.
cap. I I I. Sex. Pompeius, Antiq. X X V I I.
- Crustumina, siue Clustumina, nam in antiquis & lapidibus,
& libris sæpißime per I. scripta legitur. Cicero pro Plan-
cio, & pro Balbo, Antiq. C X X X I I I.
- Esquilina, Varro lib. I I I I. de Lingua Lat. Plin. lib. X V I I I.
Cap. I I I. Sex. Pompeius in litera v.
- Falerina, Liuius lib. I X. Antiq. C X X.
- Fabia, Horatius epistola v I. libri I. Suetonius in Augusto.
Antiq. L X I. & C. C C X L I I I.
- Galeria, Liuius lib. X X V I I. Plinius libro V I I. cap. X L I X.
Antiq. L X X X I X. & C X L I I.
- Lemonia, Cicero pro Plancio, & Philippica I X. Sex. Pom-
peius, Antiq. L X C I. & C L I.
- Metia, Cicero ad Atticum lib. 4. epist. 14. Liuius lib. X X I X.
Valerius Max. lib. 2. cap. 4. de Cl. Nerone Sex. Pom-
peius.
- Narniensis, Cicero in Rullum, Liuius lib. v I. ubi corrupte
legitur Arniensis, & lib. X X I X.
- Otriculana, Cicero in Rullum, ubi mendose legitur Otri-
culana.
- Oufentina, Liuius lib. I X. Sex. Pompeius in litera v. Antiq.
X X I X. bis, & L X I I.
- Palatina, Cicero in Verrem I I I I. Asconius in I I. contra
Verrē. Varro lib. I I I I. de Lingua Lat. Plin. lib. X V I I I.
cap. I I I. Liuius libro X X. Sex. Pompeius in litera v. An-
tiq. X X I X. bis, & L X I I.
- Papiria, Sex. Pompeius, Antiq. L X I I. & C X X X V.
- Polia, Liuius lib. X X I X. Valerius Max. lib. I X. Antiq.
C X. C X I I I. C X L V I I.
- Popilia, Valerius Max. lib. I X. Familiarium epist. lib. V I I I.
Sex.

Sex. Pompeius, Antiq. CCCIIIC.

Pontina, siue Pompina, utroque enim modo scribitur: Cicero ad Atticum lib. 4. epist. 14. Liuius lib. VII, Sex. Pompeius, Antiq. CLXXVI.

Publicia, Liuius lib. VII. Antiq. LXVI. LXXXI. interdum etiam scribitur Poblicia.

Pupinia, Cic. ad Q. fratrem lib. 2. epistola 3. Familiarium epist. lib. V III. Liuius dec. III. lib. V I. Sex. Pompeius.

Quirina, Asc. pro Cornel. Cicero pro Quintio, ubi antea mendo se legebatur Quirinas. Familiarium epist. lib. V III. Sex. Pompeius, Antiq. XV. XLIII.

Romulia, Sex. Pompeius, Cicero in Verrem II. item in Rullum, Asconius: Varro lib. IIII. de Lingua Latina. Antiq. CLXV. & in lapide, quem Ferraria uidimus.

Sergia, Asconius contra Anton. & Catil. Antiq. XLXIII. Suburrana, Plinius lib. XVIII. Cap. III. Varro lib. IIII. de Lingua Latina, Sex. Pompeius in litera s. & littera v.

Sapinia, Liuius lib. XXXI. & XXXIII.

Scaptia, Suetonius in Augusto. Sex. Pompeius, Liuius lib. VIII. Antiq. CCCCLXXVI.

Stellatina, Liuius lib. V I. Antiq. CX. CL.

Sabatina, Liuius lib. V I. Sex. Pompeius.

Terentina, Cicero pro Plancio, Liuius lib. V I. Familiarium epist. lib. VIII. Antiq. CXL. CCCXXXVI.

Tromentina, Sex. Pompeius, Liuius lib. VI. ubi corrupte legitur Promentina: Antiq. CVII. & in Lapide, qui Caietæ est, in quo ita scriptum legitur, L. ATILLIO L. F. TROMEN.

Velina, Cicero ad Atticum lib. 4. epist. 14. & in Bruto Horatius epistola V I. libri I. Persius, Antiq. XIX.

Volit

Volitina, Cicero pro Plancio, Antiq. LXXV. CLV. & in lapide, qui Venetijs est in turri sancti Vitalis, in quo ita scriptum est, CN. NUMERIVS CN. F. VOL. FRONTO.

Veientina, Cicero pro Plancio.

Veturia, cuius mentionem in autoribus fide dignis nondum inueni.

Hæ sunt xxxv. tribus, in quas Vrbs dispartita erat. ex hoc autem numero quatuor tantum urbanæ fuerunt, Palatina, Esquilina, Collina, Suburrana, in quas, ut inquit Plinius, transferri ignominie esset, dictæ à partibus Urbis, in quæ habitabant. reliquæ omnes rusticæ, Laudatissimæ, eorum, qui rura haberent: quæ propriæ ingenuorum erant, cum urbanæ libertinorum essent, ut autor est Asconius 92. & L. Florus in epitome libri xx. Asconium autem, ubi in iii. oratione in Verrem illud exponit, v. ET XXX. TRIBVS, cur de nominibus Sabinarum plures tribus esse factas dixerit, mirari non satis possum. cum à Sabinis non tribus, sed curiæ nomina acceperint, ut inquit Liuius lib. 1. & Sex. Pompeius de uerborum significatione libro iii. tribus autem unde dictæ sint, uel ex eodem Pompeio, uel ex alijs facile est cognoscere. Urbem autem in xxx. curias à Seruio autem Tullo, qui multis annis post Romulum regnauit, in iii. tantum tribus diuisam esse constat, quæ xxxv. numerum expleuere. Dionysius autem Halic. lib. ii. in iii. partes multitudinem omnem, ac trium rursus eorum partium in denas partes unanquam; à Romulo diuisam esse scribit: uocatas autem partes maiores, tribus: minores, curias. M. Item Varro libro iii. de Lingua Lat. agrum Romanum in iii. partes, unde tribus appellata sit, diuisum fuisse scribit, ex quibus exemplis manifestum est, & tribus

tribus à curijs diuersas fuisse, & à Sabinis mulieribus non tribus, quæ Romuli ætate 111, modo fuerunt, sed curias esse nominatas. Illud multò magis animaduertendum, diligenterq; considerandum censeo, cur L. Florus in epitome libri xix, duas tribus multis post exactos reges annis adiectas esse dicat, Velinam, & Esquilinam: cum Esquilina ex 1111. tribubus una fuisset, in quas Seruius Tullus urbem diuiserat. libro etiam vi. Liuius ita scribit: Tribus 1111. ex nouis ciuibus additæ, Stellatina, Tromentina, Sabatina, Narniensis: cæq; xxxv. numerum explere. post autem libro vii. duas tribus ait additas esse, Pontinam, & Publiciam, & duas item libro ix. Oufentinam, & Falerinam: ut uideatur à se ipso dissentire: nisi si, additas, & adiectas, pro additas (ut quidem ego accipio) dictum uelis. Quæ de tribubus diccremus hæc habuimus. Vbi autem scripsimus, Antiq. librum, qui Romæ olim est impressus, cui titulus est, Antiquæ Urbis epigrammata. significauimus. chartarum autem eiusdem libri numerum subieciimus, ut facilius, quæ uolumus, reperi possint.

Libro 8. Epistola 8.

AD EX Cal. Mart.] Forte, ex ad Cal. Mart. idest, ex Cal. Mart. quod paulò post ostendit. usus est hoc loquendi modo & M. Varro libro i. de Re rustica. etsi libri omnes impressi eo loco deprauati leguntur. ubi enim est, extant ad vii. Idus Febr. extant ad vii. Idus Maij, extant ad iiii. Idus Sept. extant ad iiii. Id. Nou. manuscriptum exemplar habet, ex ad vii. Id. Febr. ex ad vii. Id. Maij, ex ad iiii. Id. Sext: ex ad iiii. Id. Nou. itaq; legendum est. significat enim, ex eo die, qui dicitur, ad vii. Idus: & ex eo die, qui, ad iiii. similiq; locutione usus est ad Atticum 47. nuntij nobis tristes nec uarij uenerant ex ante diem Non. Iun. quod idem est ac si dixisset,

xisset, ex Nonis Iunijs, ut supra ostendimus. Illud est animaduertendum, quod ubi in impressis libris legitur, ad I I I I. Cal. ad V I. Id. ad I I I. Non. & similia, plerunq; in uetustioribus libris pro ad, legitur, a. d. quæ notæ significant ante diem. quod imperiti descriptores cum ignorarent, pro, a. d. scripserunt, ad.

Libro 8. Epistola 9.

CURIONEM prorsus non mediocriter obiurgatus. hac repulsa se mutauit] Obiurgatus, uidetur hic esse uerbum deponens. quod alibi non memini me legisse. itaque libentius ita legerim, Curionem prorsus non mediocriter obiurgat. s. hac repulsa se mutauit. ut una litera s. scilicet significetur.

Eadem Epistola.

SOLEs libenter, ut ego, maiorem partem nihil curare] Locus ita interpungendus. & est antiqua locutio, qua etiam usus est epistola ad Pætum libri I X. decimaquinta. Intellixi tamen (inquit) idem, quod his intelligo literis, non existimasse te mihi licere, res has non omnino quidem, sed magnam partem relinquere. & alibi sæpius. Cæsar autem initio libri I I I I. de bello Gallico, Magnam partem lætæ, atque pecore uiuunt. & Lucretius libro I I I. hæc uulnera uitæ. Non minimam partem mortis formidine aluntur.

Ibidem.

AGROS, quos. fructuarios habent ciuitates] Ita legitur in duobus libris manuscriptis Ioannis Scalæ. alij, uetustis in codicibus non, habent, sed, habet, se legisse dixerunt.

Libro 8. Epistola 11.

NUMERARETUR] Assentior amicissimo meo, qui legendum putat, numer' daretur. subintelligitur autem, hostium in prælio cæsorum. hostibus enim paulò antè lego ex codice Bernardini Massæi, non, ut quidam uolunt, hostijs.

Eadem

Eadem Epistola.

DECRERANT qui inique transigi uolebant] Manuscripti libri, quidam decerant: alij, deferant: alij aliter habent. ex tam uaria lectione adducti sumus, ut, decrerant, legendum crederemus. loci autem sensus hic est. Domitius, & Scipio, cum de Ciceronis supplicationibus transigi, molestè, & iniquè ferrent, easq; Curionis Tribuni pl. intercessione impediri cuperent: simulatione beneuolentiæ supplicationes Ciceroni decreuerunt, ut ea re Curionem, qui omnibus eorum actionibus acriter aduersari solitus erat, ad intercedendum elicerent. quibus interpellantibus uenustissimè Curio respondit, se eo libentius non intercedere, quòd quosdam, qui decernerent, (significabat autem Domitium, & Scipionem) eo animo esse intelligeret, ut confici minime uellent.

Libro 8. Epistola 12.

VIX HOC erat Pola elocutus] In uetusto codice, qui est Florentiæ in Medicea bibliotheca ita legitur, ut impressimus. huius lectionis alij quoque meminerunt. sed eam minus integram existimarunt, offensi, ut opinor, in uoce, Pola, quòd eam se alibi uidisse non meminerant. est autem ea Seruii accusatoris cognomen, de quo ad Q. fratrem epistola penultima 11. libri, his uerbis: Vercor, ne homo teter, & ferus Pola Seruius ad accusationem ueniat. uix igitur (inquit Cælius) hoc elocutus erat Pola, Appium, scilicet, & Domitiū summis Circensibus ludis meis lege Scantinia me postulandum curare: cum ego eadem lege Appium Censorem postulauim. ac (ut, quod sentio, liberè dicam) suprà quoq; ubi legitur, palàm Seruium: legendum potius, Polam Seruium, crediderim. sed hoc est coniecturæ. manuscripti enim libri, quos & Venetijs: & Romæ uidi multos, palàm, ut est in impressis, habent omnes: à quibus dissentire non temerè debemus.

Eadem

SCHOLIA

Eadem Epistola.

COEPI *facellum*, in domo quod est, ab eo petere] Censorum erat curare, ut *facella* non in domo cuiusquam essent, sed populo paterent. itaque *Liuius* libro x l. ubi loquitur de *Lepido* & *Fuluio* Censoribus, *Complura* (inquit) *facella*, publica'que *sacra* occupata à priuatis, ut paterent, essentq; populo, curarunt. *Cælius* autem, ut ostenderet *Appium* Censorem officio suo deesse, patere coepit ab eo, ut *facellum* in domo priuata ne relinqueretur: cuius rei cura *Appij*, qui Censor erat, esse debuerat. sed libentius intellexerim de *facello*, quod ipse *Appius* occupasset: ex quo grauior ei concitata esset inuidia, occupatis rebus à Censore, quas Censor ab alijs occupatas populo restituere deberet.

Libro 8. Epistola 13.

STOMACHO est scilicet *Pompeius Magnus*] Libentius legerem, *Stomacho* est *Magnus*, ut duæ illæ dictiones, scilicet *Pompeius*, inducantur, tanquam inanes, & superuacaneæ. non à *Cælio*, sed ab imperito scriptæ: qui cum inter legendum in eam uocem, *Magnus*, incidisset, existimans eam obscuriorem fore, nisi alijs ipse uerbis illustrasset, suprâ scripsit, scilicet *Pompeius*. postea qui librum exscripserunt, imperiti, ut id genus hominum esse solet, neq; quod adulterinum fuit, agnoscetes, in contextum glossema receperunt.

Libro 8. Epistola 14.

DE AGRI modo, de ære alieno] Libentius ita lego, quàm, ut alij uolunt, de agris modo. forte autem id fieri uolebat *Appius*, quod maiorum memoria uoluerat *C. Licinius*, & *L. Sestius* Tribuni pl. qui leges promulgarunt, unam de ære alieno, ut deducto de capite quod usuris pernumcratū esset, id, quod super esset, trienio æquis portionibus persolueret

ueretur : alteram de modo agrorum , nequis plus XL. iugera agri possideret.

Libro 8. Epistola 15.

Q V A N T U M ipse catenatus] Legit amicissimus meus, quantum Psecade natus: ut significetur Bellienus uerna: Psecas enim ancilla est : uernas autem eos esse , qui ancillis nascantur , nemo nescit. itaq; dixit : si Bellienus ancilla natus Domitium comprehendere , & strangulare non dubitauit : quid Cesari, qui est Venere prognatus , in uestro Domitio faciendum fuit ? Hæc anicissimi hominis lectio, non dubito, quin à doctis probetur : cum & sensum habeat optimum, & à uetusto codice parum, ac penè nihil discrepet. De Psecade meminerunt Iuuenalis satyra v 1. & Ouidius metamorphoscon lib. 111. cum hæc iam scripsissem , codex est allatus ad me per antiquus , in quo ita scriptum erat, quantum ipsecadenatus.

Libro 9. Epistola 2.

C A N I N I V S idem tuus , & idem noster] Ita in quibusdam exemplaribus antiquis : in alijs autem , Caninius idem, & idem noster. priorem lectionem nō immutauimus, quòd etiam alibi eodem loquēdi modo Cicronem esse usum animaduertimus , ut de diuinatione lib. 11. M. Marcellus idem imperator, idem augur optimus.

Libro 9. ex Epistola 5.

C O N S I L I I nostri, ne si eos quidem, qui id secuti non sunt, non poeniteret, nobis p.p.] Vetusti codices sic habent omnes : tantum in eo differunt, quòd, ubi nos , ne si, scripsimus, habent , nisi. Quam uocem non temerè immutauimus : qui enim aliter fuisset absurdissimus, is nunc, ut mihi quidem uidetur, aptissimus est sensus. quem pluribus uerbis ostendimus : ut si quis eum probabit, (probabit autem, nisi fallor,

quicumq; rectè iudicat) acceptam referat huius loci emendationem diligentia, atque iudicio Hieronymi Ferrarij, præstantissimi iuuenis, qui restituendæ antiquitatis studio quodam adductus incredibili, quotidie ferè præclarum aliquid in literis à se aut animaduersum, aut excogitatum, ultrò ad me defert, ut id aliquando meis typis in communem studiosorum utilitatem diuulgetur. sed ad rem. Consilij (inquit) nostri, quòd & Pompeium in bellum secuti simus, & eo in Pharsalia superato, uictori nos crediderimus: ne tum quidem nobis pœnitendum putarem, si eos, qui minus id secuti sunt, non pœniteret. Significat enim, qui secus fecerint, eos iam pœnituisse. quos si non pœniteret, ego tamè (inquit) nobis pœnitendum non putarem.

Lib. 9. Epistola 12.

MVNVS CVLVM nittere uolui] Verbum, uolui, uetustis in libris alij negant esse. nos inuenimus in antiquissimo codice Vincentij Riccij, & in eo, quem habet Paulus Botus, & in alijs, quos Romæ cum impressis contulimus.

Libro 9. Epistola 15.

INTELLEXI pergratam tibi esse curā meam ualitudinis tuæ] Hunc locum ex libris manuscriptis restituiimus.

Libro 9. Epistola 16.

FACETE dictorum offensionem] Florentini uocem, offensionem, in codicibus uetustis esse negant, quam nos in septem legimus. itaq; nihil immutamus. illi ex ingenio reposituerant, famam. dixit autem, effugere dictorum offensionem, pro effugere dicta, in quæ imprudentes incurrimus, & offendimus.

Eadem Epistola.

ILLOS apud me declamitare, me apud illos cœnitare] Ita legitur in antiquissimo codice Vincentij Riccij: ut iam
existi

existimandum non sit, locum ex ingenio suppletum fuisse, ut nonnulli se credere dixerunt.

Eadem Epistola.

TV AVTEM quod mihi bonam copiam ciures, nihil est] Hieronymus Ferrarius, iuuenis subtilissimi iudicii, legendum arbitratur, bonam copiam iures. hoc sensu: non est, quod te mihi semper prae sto fore, tuiq; bonam copiam facturum esse iures. ut respexerit ad id, quod M. Varro scribit lib. v. i. de Lingua Latina: Debitores nonnulli pro pecunia quam debebant, operas in seruitutem dabant, dum solueret. id Sylla dictator sustulit: uoluitq; ut ij bonā copiam iurarent, id est, ut sui facultatem creditoribus semper esse facturos iuramento promitterent.

Ibidem.

AESTIMATIONEM te aliquam putes accipere:] Allusit ad aestimationem possessionum, quam Caesar per arbitros debitorum causa fieri uoluerat, ut ij creditoribus facilius satisfacerent. qua de re initio libri III. de bellis civilibus, his uerbis. Cum fides tota Italia esset angustior, neq; creditae pecuniae solueretur, constituit, ut arbitri darentur: per eos fierent aestimationes possessionum, & rerum, quanti quaeq; earum ante bellum fuissent, atq; ea creditoribus traderentur. hoc & ad timorem nouarum tabularum tollendum, minuendumq; qui ferè bella, & civiles dissensiones sequi consuevit, & ad debitorum tuendam existimationem esse aptissimum existimauit. Suetonius etiam in Caesare, De pecunijs (inquit) mutuis, disiecta nouarum tabularum expectatione, quae crebro mouebatur, decreuit tandem, ut debitores creditoribus satisfacerent per aestimationem possessionū, quanti quasque ante civile bellum comparassent, deducta summa aeris alieni, si quid usurae nomine numeratū, aut perscriptum fuisset. qua conditione quarta pars ferè

debiti deperibat. Cùm igitur Papirius ex eo Cæsaris decreto magnam à debitoribus plagam accepisset, æstimationis possessionibus, non quanti uenire tunc possent, sed quanti ante ciuile bellum fuissent: iocans, ut solet, Cicero, Ne credas, inquit, cum me hospitio recipias, æstimationem te aliquam accepturum. et dixit, æstimationē aliquam, tanquam si, magnum aliquod damnum, dixisset. Papirius enim æstimationes, idest prædia per arbitros inique æstimata à debitoribus accipiens, crediti iacturā non minimam fecerat. deinde sequitur, Etiam hæc leuior est plaga ab amico, quàm à debitore, hoc est, & tamen, quod ab amico bona tua comedantur, non id tibi æquē graue esse debet, atq; illud est, quod debitorum causa deperdis: à quibus possessiones, quanti uendere nunquam poteris, accipiendæ tibi sunt.

Lib. 9. Epistola 17.

NON MODO me] Codices omnes uetusti hanc lectionem habent, quam, ut incorruptam, secuti sumus. qui autem ea sunt offensi, ex ingenio particulam, non, interiecerunt. uide quæ diximus in illum locum epistolæ penultimæ libri 1, Non modo præmijs, sed ne periculis quidem.

Libro 9. Epistola 18.

AESTIMATIONES tuas uendere nō potes] Hunc locum qui rectè interpretaretur, neminem uideo fuisse. significat autem possessiones per æstimationem à debitoribus acceptas. & quemadmodum suprā, posuit æstimationes pro rebus æstimationis.

Libro 9. Epistola 20.

NEC TAMEN ad hanc insolentiam] Cur alij mendum esse in uoce, insolentiam, existimarint, non uideo: insolentiam enim pro nimijs sumptibus, qui s. fiebant in cœnas, accepit: à quibus se alienum esse dicit: lautitiam tantum querere.

querere. quod etiam supra, Epistola huius libri x v i. his uerbis ostendit: Nec tamen eas cœnas quero, ut magnæ reliquæ fiant. quod crit, magnificum sit, & lautum. insolentiam eodem sensu posuit Philippica i x. magnificè enim (inquit) Ser. Sulpitius maiorum continentiam diligebat, huius seculi insolentiam uituperabat. & in oratione pro Sex. Roscio, Qui in sua re fuisset egentissimus, erat, ut sit, insolens in aliena.

Eadem Epistola.

CUM IN sumptus habebas] Vetusiorum codicum hæc est lectio: quam Florentini etiam receperunt, licet eam (ut ipsi dixerunt) mendosam suspicati. mihi ea uel maxime probatur, ut desiderari nihil credam. dixit autem cum in sumptus habebas, pro eo quod dicimus, cum ad sumptus copię suppetebant, cum pro sumptibus facultates erant, cum erat tibi quod esset in sumptus satis: sic enim hoc loco in sumptus, id est, pro sumptibus; dixit, quemadmodum etiam ad Atticum epistola v. libri v i i i. Tironem Curio commendat, ut ei, siquid opus crit, in sumptum eroget. Epistola etiam, quæ sequitur, eodem libro: sed enim (inquit) uideo in sumptum ab alijs mutuatum. & ad eundem libro x v. uelim cures, ut permutetur Athenas, quod sit in annuum sumptum. imitatur igitur lautitiam tuam, inquit, illam ueterem, cum habebas in sumptum: etsi nunc quidem plura prædia tibi sunt. quæ s. à debitoribus pro pecunia, quam credideras, intuitus accepisti, æstimata ex edicto Cæsaris quanti quæq; ante ciuile bellum fuissent: hæc enim quasi per iocum dicta sunt, ut irrideatur Petus, qui nō habeat in sumptus, ut antea: cum ei possessiones multo, quàm antea, plures sint.

Eadem Epistola.

EX AREIS] Sunt, qui legant, & artis. quorum sen-

tentia non admodum mihi probatur: particula enim, & inanis, atq; otiosa uidetur esse.

Lib. 9. Epistola 22.

P E R V I M uiolat] Antiqui, uiolauit uirginem, pro, uitauit: & cum muliere fuit, pro, concubuit, modeste dicebant. autor M. Varro lib. v. de Lingua Lat.

Eadem Epistola.

P E N I C U L V S] In omnibus ferè manuscriptis libris ita legitur. cuncti tamen impressi, penicillus, habent: quam lectionem ab ijs repositam existimo, qui, quid peniculus significaret, non intellexerunt. quæ quidem uox à Sex. Pompeio libro XIII. bis exponitur. Peniculi (inquit) spongiæ longæ propter similitudinem caudarum appellatæ: penes enim uocabatur caudæ. & inferius. Penem caudam uocabant. hinc peniculos dicimus, quibus calceamenta tergantur. ex quo uel maxime uetusti codicis lectio comprobatur: eundem enim sensum S. Pompeius iisdem uerbis, quibus Cicero, complexus est. Plautus quoq; in Menæchmis, actû 1. Iuuetus (inquit sub persona parafiti) nomen fecit Peniculo mihi, ideo quia mensam, quando edo, detergeo. ut eius uocis significatio obscura iam esse non possit. hunc autem locum ingeniosissimo, atq; eruditissimo iuueni Hieronymo Ferrario debemus.

Libro 9. Epistola penultima.

N V N C A D E S ad imperandum, uel ad parendum potius: sic enim antiqui loquebantur.] Difficilis locus: qui me diu ualde torsit. interpretes enim omnes, alij eum, ut scopulum, cuitarunt: alij, dum uideri uolunt intelligere quod minime omnium intelligunt, ineptiarum nescio quid attulerunt, quod rideri magis, quam refelli debeat. comperi igitur, locutionem esse ueterem, & antiquis usitatam: licet eius non multa habeamus exempla: quibus enim in scriptis ueteres illi

illi dicendi modi frequentius potuissent deprehendi, ea ferme omnia perierunt. itaq; ex unius Salustij uerbis locus hic ad Pætum exponitur. facile enim colligitur, antiquos, ad imperandum, passiuè dicere solitos, ut etiam Cicero ipse exponit. sed ponamus Salustij uerba, quæ sunt in Iugurthino, Iugurtha (inquit) ubi armis, uirisq; , & pecunia spoliatus est: dum ipse ad imperandum Tisdrum uocaretur, rursus coepit flectere animum suum, & ex mala conscientia digna timere. ad imperandum, dixit, id est ad parendum, & ad imperata facienda: quemadmodum Cicero, ades ad imperandum, pro, ades, ut ego tibi imperem.

Libro 9. Epistola ultima.

ET GEMITUM etiam in risus maximos transfero] Hunc locum alij ita, ut nos, iam antè emendarunt. sed interpretis aliter illi distinxerant, ut sensum planè alium efficerent. nos Ciceronem credimus hoc dicere. in conuiuium cum patriam satis luxi, à mœstitia & gemitu uel maximam ad hilaritatem, maximosq; risus me conuerto.

Eadem Epistola.

ILLE BARO] Baro mulier fuit philosophiæ dedita, ut scribit Suidas. ex eo philosophos, qui stolidiores essent, nō philosophos, quòd eo nomine uiderètur indigni, sed Barones uocabant, ut quasi mulierculæ per cōtemptum appellarentur.

Libro 10. Epistola 1.

DE MEDIO cursu] Ex ueteri codice ita emendauimus. sic autè locutus est in fine libri 111. de officijs, eadem de re loquens. si ipse (inquit) uenissem Athenas: quod quidem esset factum, nisi me de medio cursu clara uoce patria reuocasset. item ad M. Brutum epistola, cuius initium est, Messalam habes. itaq; in medio Achaico cursu, cum Etesiarum diebus aufer me in Italiam retulisset.

Libro 10. Epistola 8.

VICTORIAM pararemus] Hæc lectio cū & in libro manuscripto Vincetij Riccij sit, (ut omittā alios) et sensu nō carcat: non uideo, cur quicquā immutetur. alij uocē, pararemus, improbant, & partiremus, ex ingenio legūt, sed, ut quis intelligere potest, rationibus nituntur parum firmis.

Libro 10. Epistola 12.

TVA dignitas affert] Antea legebatur, afferat. nos, affert ex uetusto codice, quem habet amicus meus Ioannes Scala, uir & humanitatis, & eruditionis propè singularis. est autem sensus. ita mihi detur te uictorem complecti Rep. recuperata, ut mihi magnam letitiæ partem tua dignitas affert. uerbum complectar, qui crediderunt esse indicatiui modi: uocem, affert, ut ipsi putabant, emendarunt, ut ego existimo deprauarunt.

Eadem Epistola.

BREUIA, fugacia, caduca existima] In uoce fugacia, uetusti codices uariant. alij, fugatia: alij, fugato, habent. ego, etsi uulgata lectio sensu non caret, tamen libentius legerem, fucata: ut trallatio sit à mulieribus, quarum sæpe nitor non naturalis, sed fucatus est. hæc (inquit) fucata existima, quoniam uerum splendorem non habent, sed collecta sunt inanissimis splendoris insignibus.

Libro 10. Epistola 17.

OBSIDE fide] Sic in omnibus uetustis exemplaribus. & dixit, fide, pro fidei, generandi casu, quemadmodum etiam Salustius in Iugurtha decima parte die reliqua, pro diei. id quod Gellius adnotauit: qui etiam C. Cæsarem, huius die, & huius speciei, dicendum putasse tradit.

Ibidem.

DE tribus fratribus Segauiano probauit.] Ita legitur
in

in omnibus libris manuscriptis. fortè melius, S. Gauiano, ut significetur Sextus Atilius Gauianus, de quo in oratione pro Sestio. sensus erit: In ea re (ut scilicet Lepidus Apellam ad me mitteret) studium mihi suum Gellius probauit: de tribus autem fratribus, (quidpiam significat nobis minus notum, cuiusmodi in epistolis ad Atticum scriptis multa sunt) Sexto Gauiano.

Libro 10. Epistola 19.

GRAVISSIMAE, & maxime fortissimi animi, summiq; consilij] Sic habent omnes impressi libri. nos in nostro ita legi, & interpungi uoluimus: grauiissimæ, & maximæ, fortissimi animi, summiq; consilij: ut animi maximæ res sunt, consilij grauiissimæ.

Libro 10. Epistola 23.

ELAPSUS sum his] Dicitur, his, cum oleret mendum: scripsi ad amicissimum meum, ut is mihi, de ea quid sentiret, exponeret. rescripsit, corruptam se iam pridem iudicasse: nuper autem rarissimæ uirtutis, & summæ nobilitatis hominem, Benedictum Accoltum, Rauennæ Cardinalem, quem ego honoris amplitudinisq; causa nomino, cum has Cicero- nis epistolas succisuius temporibus legendo percurreret, eam emendasse, nempe sic, Elapsus sum bis: ut se dicat Plan- cus periculum bis effugisse: semel, cum ad Lepidum non ac- cessit, neque se unquam cum eo uoluit coniungere: quod si fe- cisset, ipse cum uniuerso exercitu in Antonij potestatem Le- pido prodente deuenisset: iterum, cum audito Lepidi Anto- nijq; aduentu, celeriter se recepit.

Libro 10. Epistola 30.

AMPLIUS passus quingentos] Passuum numerum, quem alij manuscriptis in libris, se non uidisse dixerunt, comperimus in codice perantiquo Vincentij Ricci, iuuenis

S C H O L I A

optimis & literis, & moribus ornatissimi.

Libro 10. Epistola 31.

QVANTAS habuerim contentiones] Antea, conciones. nos, contentiones, emendauimus ex uetusto codice Pauli Boti, & ex epistola sequenti, in qua idem Pollio ita scribit: Nec uerò munus Lepidus urisit me & suis, & Antonij literis, ut legionem trigesimam mitterem sibi.

Eadem Epistola.

QVÆ RES quanti æstimem, si unquam licuerit uiuere in otio, experieris.] Ita legunt Florentini, omnino cum uetustis codicibus: sed locutio est inconsequens, & parum Latina: quam restituere non difficile est: nam si duæ illæ syllabæ, quæ res, iungantur, & locus aliter interpungatur: nihil erit, quod reprehendas. sic igitur in nostro libro imprimi uoluimus. queres, quanti æstimem, si unquam licuerit uiuere in otio, experieris.

Libro 10. Epistola 32.

DUXIT se à Gadibus] Locutio quibusdā uidetur durior: qua tamen & Terentius in Hecira usus est, Vxor (inquit) ubi me ad filiam ire sensit, se duxit foras: & Plautus in Aulularia cum dixit, Ego me deorsum duco de arbore.

Eadem Epistola.

SEX. Varro Procos] Historia mihi quidem ignota, & ut dicam quod sentio, mendum subesse crediderim: nam etiam codicem habeo uetustissimum; in quo hæc uerba non leguntur.

Ibidem.

CIVIS Romanus sum] Cum mihi Hieronymus Ferrarius Corrigiensis hunc locum se habere suspectum dixisset: & ut ueteres codices inspiceremus, rogasset: collatis cum impressa lectione manuscriptis libris, dictionem, natus, ita ut ipse

ipse existimauerat, abundare comperimus. quo factum est, ut eam de nostro expungere ne dubitarem. hanc autem coniecturam ea ratione Ferrarius faciebat, quòd Cicronē v i i. in Verrem libro ita locutum esse meminisset. Cervices (inquit) in carcere frangebantur indignissimè ciuium Romanorum, ut etiam illa uox, & illa imploratio, ciuis Romanus sum, quæ sepe multis in ultimis terris opem inter barbaros: & salutem tulit, ea mortem illis acerbiolem, & supplicium maturius ferret. et infra eodem libro, Nulla uox audiebatur, nisi hæc, Ciuis Romanus sum, & item paulò post sæpiissimè: ut sibi quisque legendo faciliè reperiet.

Ibidem.

DENARIOS quingenos] Nimia uidetur summa: itaq; ex uetusto codice Vincentij Riccij, denarios quinquagenos, emendauit.

Libro 10. Epistola 33.

NON maior tamen, quàm Planco fuit] Hoc dicit. sanè mecum iniquissimè agatur, si propter amicitiam, quæ mihi cum Antonio fuit, durius quicquam homines de me suspicentur: cum eundem Antonium non minus, quàm ego, dilexerit Plancus: cui tamen exercitum credidistis, ut cum Antonio, reliquisq; bonarum partium inimicis bellum gerat. scripsit autem hoc cum indignatione quadam, grauiter ferens, inimicum suum melius erga Remp. animatum existimari. inimicitias autem inter Asinium, & Plancum fuisse, cum alij tum Plinius in præfatione librorum suorum ad Vespasianum ostendit.

Eadem Epistola.

HABERE equitum] Sic omnes libri manuscripti. fortè legendum sit, habere equitatum, ut subaudiatur, quem antè habuerat. equitem enim in pugna nullum amiserat Antonius.

nus. nam etiam epistola huius libri ultima, Equitatum, scribit Lepidus, habet bene magnum : nam omnis ex praelio integer discessit. sæpe autem, à librarijs in scribendo syllabam fuisse omissam, animaduertimus.

Eadem Epistola.

P. VAGIENI] Hæc lectionem in calce operis olim adnotaueram, è coniectura tantum, uetustis libris nihil adiuuantibus: postea in antiquo exemplari, quod Bernardinus Maffæus habet, eam inueni.

Libro 10. Epistola penultima.

IMPERATOR iterum,] In codice Vincentij Ricci, & in alijs legitur, Imperator ter. id est tertium: quomodo etiam dicebatur, Consul tertium. sed siue, iterum, siue, tertium, legas: mihi tamen de loci integritate certum non est. nam quod alij dicunt, in titulis, & monumentis solitos fuisse ueteres notare, quoties à militibus ob rem bene gestam imperatores essent appellati: sanè id assentior: sed factum esse antequam Augustus Remp. opprimeret, nondum comperi.

Eadem Epistola.

IN ciuibus conseruandis] Potius ita lego, quàm, obseruandis. nostram lectionem habet liber manuscriptus Bernardini Maffæi.

Ibidem.

IIII. Cal. Iunij, à ponte Argenteo] Vitiosi sunt hoc loco manuscripti libri: sed boni tamen aliquid habent singuli. in tribus uetustissimis legitur, IIII. Calend. à ponte Argenteo: in eo, de quo mihi Vincentius Riccius commodauit, qui & ipse per antiquus est, III. Cal. Iunij. itaque in nostro libro, IIII. Cal. Iunij, scribere non dubitauit: ut sit dies, quo se cum Antonio coniunxit. libro enim x. epistola, cuius initium est, Nunquam mehercule, ita scribit Plancus. Lepidus desperato

desperato aduentu meo se cum Antonio coniunxit ad 1111.
Cal. Iun. hanc autem epistolam, post eam, quæ sequitur, scri-
ptam esse, nemo non uidet.

Libro 10. Epistola ultima.

x x x.] Lineam, quam super numerum duximus. olim ab
aliquo fuisse omissam credimus, qui, ea quanti esset, ignora-
ret; nam in codice Vincentij Riccij scriptum est, x x x. quo-
modo autem nos scripsimus, triginta millia, significatur.

Eadem Epistola.

M E M I N I autē] Sic, opinor, melius, quàm, ut antea, me-
mini enim. quò enim spectabat uox illa, enim? mihi certè cum
superioribus coherere posse non uidetur. itaq; ea deleta, re-
posui, autem, motus autoritate uetustissimi codicis, quem ha-
bet Vincentius Riccius, in quo, autem, pro enim, scriptum
est. quanquam præcedens dictio mendum habet. non enim,
memini, sed maximè, in eo libro legitur. sed nullus est tam
antiquus codex, qui non multis locis corruptus tamen sit.
itaque uno, aut etiam altero manuscripto libro qui se putant
ueteres scriptores posse restituere, meo iudicio falluntur.
uetustis exemplaribus ad eam rem plurimis opus est. quæ
licet inquinata sint; tamen ex singulis boni aliquid excerpentes,
usu sæpe uenire uidemus, ut ex multis libris, qui mali
sint, bonus tamen liber efficiatur unus.

Libro 11. Epistola 10.

M A L L E me tuum iudicium] Referuntur hæc ad id,
quod dixit, exploratum habes. totum autem huic locum ex
codice Pauli Boti, & Vincentij Riccij emendauimus.

Libro 11. Epistola 27.

Q U I D defuit nostræ familiaritati in maximis rebus?
quonam modo me gererem aduersus Cæsarem, usus tuo
consilio sum.] Distinguo sic. quid defuit nostræ familiaritatis
in max

in maximis rebus quonam modo me gererem aduersus Cæsarem, usus tuo consilio sum.

Libro 11. Epistola penultima.

PATRIAM amicitiae præponendam] Nihil mutò: & si alij ex antiquis codicibus legant, patriæ amicitiam præponendam: sunt enim aliquot manuscripti libri, & ij peructuisti, qui cum impressa lectione consentiant.

Eadem Epistola.

DIGNISSIMO Cæsare] Ita lego ex libro Ioannis Scalæ manuscripto. sensus hic est. munus illud & eius hominis, qui mihi amicissimus fuit, memoriæ præstare debui: & ei adolescenti, qui optimæ spei est, ac Cæsare dignissimus, negare non potui. in quibusdam antiquis exemplaribus legitur, Cæsari repetenti. quod nostram lectionem magis uideatur confirmare.

Libro 12. Epistola 1.

ITA compressum est] Antea, cōpressa est, in libris omnibus impressis. quā lectionem alij sequi maluerunt, quā nostram. nos, compressum, ut est in codice Vincentij Riccij, rectius, quā cōpressa, legi putauimus: ut referatur ad uerbū, manabat: antitheta enim sunt cōprimere & manare: quibus etiam usus est libro ad Atticum 11. orationem illam ita compressam, ut nunquam emanaturam putarem.

Libro 12. Epistola 2.

AD QVEM paratus] Codex antiquus Vincentij Riccij, ad quam apparatus. fortè, ad quam paratus: ut subintelligatur, eadem.

Libro 12. Epistola 13.

NON subita, nec inconuenientia] Ita legitur in libro manuscripto Bernardini Maffei, Ioānis Scalæ, Pauli Boti. quod ideo dicimus, nequis credat in omniibus uetustis codicibus legi, con

gi, conuenientia, ut Florentini in libro suarum explicatio-
num tradiderunt. Vincentij Riccij codex habet, disconue-
nientia. qua uoce Horatius quoq; usus est epistola 1. libri 1.
Aestuat, & uitæ disconuenit ordine toto. itaq; si quis, incon-
uenientia, non probat: disconuenientia, poterit legere.

Eadem Epistola.

C V I Lucilius præerat] Appianus hunc appellat Lucium
Figulum, quod cum ita sit, & cum Figulos non è Lucilia gen-
te, sed potius è Nigidia fuisse compererim: libentius uergerim,
Lucius, quàm Lucilius: nam etiam in uetusto codice Bernar-
dini Maffei, non, Lucilius, sed, Lucius, legitur.

Ibidem.

C A S T R A habet posita Γαλτοῖ] E' ueteri libro Pau-
li Boti sic emendauimus, figura Græca in aduerbijs in loco,
ut κορυδαλλος κορυδαλλοῖ, προβαλινθος προβαλινθοῖ,
φάληρος φάληροῖ, φρεάρρη φρεάρρηοῖ.

Ibidem.

A C R O M A N I Iacride] Vetusti codices alij aliter ha-
bent. sunt qui legendum credant, à Crommyu Acride. alij,
Acamantide. quæ mihi lectio magis probatur, si modo, ut
ijdem dixerunt, in antiquo libro scriptum est, Acomantide.
de quo promontorio Plinius, & Strabo.

Libro 12. Epistola 14.

Q V A M re uera furere eos inueni. quòd uero aliquid de
his scripsi,] Totum hoc non erat in impressis, præterquam
in uno, quem Robertus Stephanus Typographus Parisien-
sis diligentissimus ediderat. quem ego secutus, omnes illas
uoces addidi septimum abhinc annum. eas nunc in uetusto
codice Vincentij Riccij esse uideo.

Libro 12. Epistola 17.

I N I S T A solitudine] Solitudine potius, quàm sollicitu-
dine. &

SCHOLIA

dine, è tribus antiquis libris, & è sensu legendum putui. dixit enim, solitudine, pro summo otio: quod apertius sequenti epistola. Et si (inquit) periniquo patiebar animo te à me digredi: tamen eo tempore me consolabar, quòd & in summum otium te ire arbitrabar, & ab impendentibus magnis negotijs discedere.

Libro 12. Epistola 22.

COLLEGA nostro] Vetus codices nonnulli habent, uestro: quos alij secuti sunt: qui quidem non uideo qua ratione ducti id fecerint: fecisse tamen arbitror non temerè. sed cum in libris itè manuscriptis, collega nostro, legatur: (habet autem unum ex antiquis exèplaribus, in quibus ita scriptum sit, Bernardinus Massèus) Antonium autè Ciceronis in Auguratu collegam fuisse, notissimum sit: priorem lectionem conseruaui, quam eo minus arbitror immutandam, quòd & ad Atticum scribens, epistola penultima libri x. collegam suum appellat Antonium: inquit enim, Misit puerum, se ad me uenire: hoc quidè melius, quàm collega noster Antonius, cuius inter lictores lectica mimæ portatur. & Philippica 11. sume diem: uide, qui te inauguret: collegæ sumus.

Libro 12. Epistola 23.

QVAM turbo deiecerat] Vide Dionè lib. xxxviii. pagina xviii. item libro xl v. pagina cv i. & Iulium Obsequentem in libro de prodigijs.

Eadem Epistola.

QVODDAM græcum tempus seruitutis] Suspicio in uoce, græcum, esse mendum. neque tamen excogitare quicquam ipse potui, quod pro ea reponendum uideretur. Vbal-
dini autem Bandinelli, hominis acutissimi, & scientiarum laude præstantissimi, coniecturam etiam atque etiam probo: cum enim per commodum uidetur habere sensum, tum à ue-
teri

teri scriptura non admodum recedit. nam cum in libris quibusdam antiquis, pro græcum, scriptum sit, cecum, ipse, nihil ferè præter unam literam inmutans, legendum putat, necum, id est necessarium, cecum autem in antiquo libro Vincentij Riccij scriptum est.

Libro 13. Epistola 2.

S V B I T V M est ei remigrare Calend. Quint.] Calendæ (inquit) Quintiles: quo die domo tua, in quam uenerat, ex cui. dum est: nimis subitæ sunt, & propius adsunt, quàm ut ipse possit operibus, quæ instituit, perfectis suo commodo discedere. sciendum autem est, annuas domorum locationes Calend. Quint. apud ueteres fieri solitas. itaq; epistola 111. libri 11. ad Q. fratrem, domus (inquit) tibi ad lucum Pisonis Liciniana cōducta est: sed, ut spero, paucis mensibus post Cal. Quint. in tuam commigrabis. post Cal. Quint. dixit, id est finito locationis tempore, demigrantibus ijs, quibus eam locaueras. Suetonius autem in Tiberio, Senatori (inquit) latum clauum ademit, quem cognouisset sub Cal. Iulij demigrasse in hortos, quo uilius post diem ades in Vrbe conduceret. quòd igitur Euandro, quem statuarium fuisse coniicimus, subitum erat, id est propter breuitatem temporis incommodum remigrare Cal. Quint. ad quā diem opera, quæ multa multis instituisset, absolui non posse intelligebat: quæ moueri loco, & aliò transferri, cum perfecta non essent, commodè non poterant: petit à Memmio Tullius, ut ei de habitatione accommodet, ne cogatur Cal. Quint. ut moris erat, remigrare, quod sine damno facere non posse uidebatur.

Libro 13. Epistola 8.

C V I V S ex filia] Antea, cuius ex familia, in omnibus impressis legebatur. nos septimum abhinc annum, filia, correximus ex oratione pro P. Sestio, in qua C. Albinus filiam
h P. Sest

P. Sestio nupsisse traditur. hunc autem locum, aliaq; item multa à nobis restituta, & iam impressa qui sibi postea uendicarint, uideo fuisse. quam ego laudem illis uel ultro concesserim, modo ne iidem nostrum librum tertio quoq; uerbo reprehenderent: & quod ex illo sumpserunt, id se uidisse dissimularent: quodq; magis doleo, Germanis acceptum referre mallerent. sed quoniam ab hoc concertationis genere natura semper, nunc etiam ratione abhorreo: de Germanis nihil dicam: qui, ut ueterum libros ediderint multos, & optimè de studiosis meriti sint, certè patri meo nunquam in hoc genere uidebuntur comparandi: hunc autem, qui nos occasione undecunq; arrepta perstringere conatur: ut etiam uarias lectiones, quas olim in calcem operis reieceram, tanquam à me probatas reprehendat: etsi de nobis malè existimet, amabimus tamen ut hominem diligentem, & doctum: atq; etiam, siquid opis antiquorum scriptis, quæ deprauata leguntur, attulerit, ex instituto nostro gratias agemus.

Libro 13. Epistola 9.

RUPILIUS P. F. MEN.] Diximus suprà, ciues Roma nos à tribu ostendi solitos: quæ quidem tribus plerunq; in antiquis & lapidibus, & libris prima tantum syllaba scripta legitur: itaq; corruptos opinor hîc esse codices, & pro MEN. legendum MET. ut intelligatur Metia tribus. sed est quod magis placeat: potius enim ita legi uellem, P. Rupilius P. F. AN. ut Aniensis tribus significetur: nam Vincentij Riccij codex habet, P. Rupilius P. Fannius. cuius uitij fuit hæc origo: quòd cum scriptum esset, P. F. AN. imperiti ueteres notas non intelligentes scripserunt, P. Fannius. de tribubus autem multa diximus in VIII. Epistolam VII. libri.

Libro 13. Epistola 10.

DEINDE ut se corroborauit] interpretes uerbi significatum

ficatum non intelligentes, alij aliter exposuerunt. dixit autem, corroborauit, pro, egressus est annos pubertatis, & uir esse coepit, quemadmodum in oratione pro M. Caelio, Cum is iam se corroborauisset, ac uir inter uiros esset. Et in eadem, non modo hæc ætas, sed etiam iam corroborata, id est, non modo adolēcentes, sed etiam uiri. Et suprā, eiusdem orationis initio: Eos, qui non, ut Cælij accusator, adolēcentes essent, sed uiri, robustiores appellauit. alibi etiam in hanc sententiam eodem uerbo usus est.

Lib. 13. Epistola 12.

SED ut hanc addam] Alij aliter. nos sic emendauimus ex uetusto codice Bernardini Massæi.

Libro 13. Epistola 15.

PERVSTVM, etiamnum] Cum antea legeretur, perustum & inanem, nos ex uetustis codicibus, & è sensu olim emendauimus, perustum etiamnum. sed quoniam Vincentij Riccij codex habet, perustum inmani: alij autem, perustum inanem: non absurdè etiam legi posset, perustum, inani gloria uolunt incendere. quod autem dixit, & iam, uide num legi possit, at hi me.

Libro 13. Epistola 17.

QVAM maximus postea commendatione c.a.] etsi codices omnes ita scriptum habeant: ego tamē legendum credidcrim, quam maximus potest, mea commendatione c.a. uel; quam maximus post mea commendatione c.a.

Libro 13. Epistola 21.

IN OMNI genere officij diligendus] Quid, si legatur, in omni genere officij diligentiss. id est, diligentissimus? qua ratione etiam dixit in oratione pro M. Caelio, uiro omnīs officij diligentissimo. & pro Cluentio, in omnibus officijs retinendis diligentior esse nemo potest. sed hæc

eruditorum iudicio permittimus: incerta enim in re affirmare quicquam, & immutare, tum temerarium est, tum periculosum.

Libro 13. Epistola 24.

IS QVE se literis meis] Sic antea in omnibus impressis. emendavi ex codice Vincentij Riccij; unisq; se literis meis: nam cum iam ante commendarat.

Libro 13. Epistola 37.

PUBLICE possidentur] Legem apud Calatinos fuisse crediderim, quæ cauere, ne quicquam publice, nisi publico nomine, possideretur. Hippiae autem bona alieno nomine, ut puta cuiuspiam absentis, uel pupilli, publice possidebantur.

Lib. 13. Epistola 42.

BYLLIONES] Impressi libri, Belliones, habebant: manuscripti, Bulliones. itaq; nihil dubitandum putauimus, quin esset uera lectio, Bylliones: u enim literam pro y scribebant antiqui: & ita in uetustis codicibus persæpe legitur: ut Sulla pro Sylla, murrha pro myrrha, & alia huiusmodi. Bylliones populi sunt supra Epidamnium, quorum meminit Strabo lib. v i i. dicti à Byllide, quæ est ciuitas in Illyrico, de qua Stephanus de urbibus.

Libro 9. Epistola 30.

MVLT A in illum mea: quodq; maximum est,] Hanc lectionem puriorem, & elegantiorē existimamus, quàm quæ antea in omnibus impressis habebatur. eam accepimus ex libro manuscripto Vincentij Riccij.

Libro 9. Epistola 32.

CICERO REGI S.] Opinor hunc Regem aliquem fuisse gentis Martiæ, cuius cognomen fuit Rex: itaq; etiam Clodij sororis uir Q. Martius Rex appellatus est, autore Plutarcho in Cæsaris uita. ad Attic. etiam lib. i. Epist. x i i.

cum

cum dicit, Ille autem Regis hereditatem spe deuorat, eum, quem diximus, Q. Martium Regem intelligit.

Lib. 14. Epistola 4.

PRAETEREA magnopere nemo ceterorum seruorum. ea causa est, &c.] Sic antea in libris impressis. ego distinctione tantum locum restituo, ut ita legatur. praeterea magnopere nemo. ceterorum seruorum ea causa est, ut si res &c. quoniam autem non ita apertus uidetur sensus, pluribus uerbis exponemus. Cicero ueritus amissionem seruorum cum tota re, manumisit eos hac conditione, ut, si per legem Clodiam bonis omnibus priuandus esset, ij suo beneficio liberti essent, si modo id per Clodium licuisset: sin autem lex seruos non adimeret, & ut ad ueterem dominum pertinerent, concederet: seruirent, ut antea, praeterquam pauci, quos benemeritos omnino liberatos uellet. dicit autem, ceterorum seruorum, intelligens suos: nam ex Terentiae seruis neminem manumiserat: tantum ijs, eam facturam esse, ut quisq; esset meritis, promiserat.

Lib. 14. Epistola 6.

POLLICEM] Antea, Pollucem: nos septimum abhinc annum emendauimus, Pollicem, ex uetustis codicibus, & lib. XIII. ad Atticum: quo in lib. circa finem ita scribit. Pollex quidem, ut dixerat; ad Idus Sext. ita mihi Lanuij pridie Iduum praesto fuit, sed plane pollex, non index.

Libro 14. Epistola 7.

ID EST Apollini, & Aesculapio] Hoc totum suspicor in margine ab aliquo fuisse scriptum, qui uellet nomen eius Dei ponere, quod Cicero significat. deinde qui librum exscripserunt, Ciceronis uerba falso existimantes, receperunt in contextum quod glossematis uice fuit. nihil tamen immutauit, quando manuscripti libri, ut impressum est, omnes habent.

Libro 15. Epistola 1.

A' TARCONDIMOTO] Sic habent uetusti codices: à quibus non uideo cur hoc in loco dissentiendum sit: præsertim cum & Dion in fine libri XL I. & L. Florus initio belli civilis inter Cæsarem, & Pompeium gesti, Tarcondimotum cum appellent: mendosè enim in Floro, Tarcondimotus, duabus uocibus impressum est, cum in libro manuscripto una sit.

Eadem Epistola.

CONSVETVDINEM] Putat legendum esse Hieronymus Ferrarius, mansuetudinem: quòd etiam infrà libro XV. Epist. IIII. Quæ copijs (dixit) & opibus tenere uix possumus, ea mansuetudine, & continentia teneamus: & ad Atticum libro V. Episto. XV IIII. socijs incredibilis uidetur & nostra mansuetudo, & abstinentia.

Libro 15. Epistola 4.

PRAESENTIA, magnitudine, & animi, & consilij] Est hæc, ut opinor, huius loci uera lectio: quam ex antiquis exemplaribus accepimus: quibus in omnibus, præsentia, legitur, non, ut quidam uoluerunt, præstanti, aut præsentì. Quamobrem autem, præstantem, aut præsentem magnitudinem, Latine dici posse crediderint, non uideo. sed hoc argumento, etsi firmissimum est, niti tamen nolumus. una tantum ratione refellantur, quòd à libris manuscriptis dissentiunt. quorù nos auctoritatem in dies magis, magisq; facimus: permulta enim, quæ in ijs primo intuitu uideantur absurda: post, ubi diligentius animaduverteris, commodissimè dicta reperiuntur: ut hoc in loco, qui statim, uerbum illud, præsentia, quid sibi uellet, aut quò spectaret, non perceperunt, uitiosum credentes immutarunt: est enim ita dictum præsentia, magnitudine, & animi, et consilij, tanquam si dixisset, præsentì

præfenti animo, magno consilio: ut præsentiam animi, magnitudinem consilij esse uoluerit: quemadmodum etiam alibi, præsentem animum sæpiissime dixit: etsi ubiq; ferè eandem uocem imperiti deprauarunt, præstantem, non præsentem, legentes. præsentiam quoq; animi dixit in oratione pro Milone & Cæsar belli Gallici libro v.

Eadem Epistola.

SACERDOS] Quid sacerdos hic significet, Hircij uerbis ostendemus: sic enim scribit de bello Alexandrino lib. iiii. Comana, uetustissimum, & sanctissimum in Cappadocia Bellonæ templum, quod tanta religione colitur, ut sacerdos eius Deæ, maiestate, imperio, & potentia secundus à Rege consensu gentis illius habeatur: id homini nobilissimo Nicomedi Bithynio adiudicauit. Appianus autem in fine Mithridatici, Commagenis (inquit) Archelaum sacerdotem præfecit, quæ dignitas habetur regia. Strabo etiam initio libri xii. idem tradit.

Ibidem.

A DOLESCENS & equitatu, & peditatu, & pecunia paratus, & toto, ijs, qui nouari aliquid uolebant] Sunt, quos offendat hæc lectio. ac fuit, cum ego quoq; corruptum locum existimarem. nunc de mendo nihil suspicor: dixit enim, & toto, id est, & ea re, quæ summa est: deinde exposuit, totum illud quid sit: ijs, qui nouari aliquid uolebant: à quibus maxime timendum erat, quòd adolescentem uel leuibus rationibus ad bellum possent impellere. adolescens (igitur dixit) & equitatu, & peditatu, & pecunia paratus, &, quod summum est, ijs, qui nouari aliquid uolebant. sic etiam ad Atticum, est totum, quid Calend. Mart. futurum sit, pro, est summum, est maximum, in eo sunt omnia, quid Cal. Mart. futurum sit.

h 4

Eadem

Eadem Epistola.

TIBARANI] Forte, Tibareni, de quibus Plutarchus in Lucullo, & Plinius, ubi Temiscyræ regionis gentes persequitur: nam Tibaratorum mentionem nondū inueni.

Eadem Epistola.

RES, quas Consul in urbe gessisset] In quo ita legatur, uetustum habet codicem magnæ spei adolescens Iosephus Tramezinus. Consul autem, idest Cicero: commemorantur enim quæ pro Ciceronis dignitate & dixerat, & fecerat Cato. quis sit autem is, quem clarissimum, atq; optimum uirum appellat, intelligere nondum potui. Cæsarem quidem, ut alij existimant, non arbitror. quem Cicero nunquam optimum uirum uocasset, ad Catonem scribens Cæsaris inimicum, præsertim cum tota ferè epistola eius beneuolentiam quasi aucupari uideatur, quo facilius supplicationem obtineret Catone comprobante.

Eadem Epistola.

CVM hæc te tertia iam epistola ante oppressit,] Alij, ante operis sit, durius omnino, & sensu, ut ego existimo, non admodum probabili. quid enim? adeo longa est hæc epistola, ut opus uideri possit? nam quòd illas dictiones, schedam aut literam, epistolarū numero respondere negant: id ego illis concedo: sed referri dico ad illam uocem, epistola: ut quasi Cassium reprehendat, qui schedam, aut literam nondum dederit, cum epistolas iam tres acceperit. legitur autem, ut nos impressimus, cū in alijs libris manuscriptis, tum in eo, quem habet Vincentius Riccius: qui quidem liber uetustissimus est: ut Græcas dictiones, quæ sunt in uetustis codicibus perquam raro, maiusculis literis scriptas habeat.

Libro 15. Epistola 16.

QVOD uelis ipsa currunt] Corruptus locus: quem
sanare

sanare non potuimus, ueterum exemplarium ope deserti: prorsus enim omnia, quæcunque uidi, cum uulgata lectione consentiunt. Vincentij Riccij codex hoc in loco etsi deprauatus, ab alijs tamen diuersus est: habet enim, quod in his incurrat. Florentini autem in suo libro emendarunt, quod uel ipsa occurrunt. quam lectionem etsi laudamus ut ingeniose excogitatam, non tamen sequimur, neque satis ei confidendum credimus, cum à uetustis codicibus, etiam quos ipsi habuerunt, discrepet. nam quod Germanios in suo pro, currunt, occurrunt, impreßisse dicunt: id ego eos fecisse tantummodo coniectura ductos facile crediderim: non enim hic solum, sed in reliquis etiam Ciceronis scriptis multa eos arbitrato suo uideo mutasse.

Libro 15. Epistola 18.

T V A quidem in culina, mea molesta est.] Notissimum est, ex Epicureorum familia Cassium fuisse. itaq; per iocum Cicerone dicit eius Philosophiam in culina uersari. quod sequitur, mea molesta est, legit amicissimus meus, mea in palæstra est: ut sit sensus: tua tibi philosophia uoluptatem suppeditat, mea mihi curas, & labores. culina enim uoluptatis est, & otij: palæstra molestiæ, & contentionis. in codice Vincentij Riccij pro molesta est, legitur, molestia est.

Libro 15. Epistola 19.

H Δ Ο Ν Η Ν uerò, & ἀναλυσίαρ] Robertus Stephanus Parisiensis, quo ego, secundum patrem meum, in emendandis atq; edendis ueterum scriptis neminem fuisse, aut esse arbitror diligentorem: hanc uocem, ἀναλυσίαρ: ubi legabatur, διαξίαρ: in suo libro impreßerat. quæ uox sensum cum haberet meliorem, quàm uulgata illa prior: ipse item in meo libro septimum abhinc annū eam impreßi, existimans, Robertum, siquid immutasset, id fecisse codicum antiquorum

autoritate testimonioq; adductum. alij postea non ineptè emendarunt, ἀταραξία: etsi uetusti codices repugnent. unus tamen Vincentij Riccij liber habet, ἀταξία.

Eadem Epistola.

HABET damnatos, quos pro illo nobis restituat] Lege Pompeia damnatos Cæsar restituerat. eos nunc latenter significat, cum tamen de ijs loqui uideatur, qui ad sectiones faciendas Syllæ mortuo essent surrogandi.

Libro 15. Epistola penultima.

AD AMOREM meum aliquantulum discedens addidisti] Antea legebatur, aliquantum olim. nos cum in libris manuscriptis & aliquantulum olim, & aliquantum olim, legeremus: aliquantulum, emendare non dubitauimus. neq; enim, ut opinor, habere locum hic potest uox illa, olim: cum ex ipsa epistola, Trebonium non multò antè Roma profectum esse, colligatur. atque etiam sensus erit commodior, si, aliquantulum, quàm si, aliquantum olim, legas: ut ostendatur, Ciceronis amorem erga Trebonium summum, & maximum iam fuisse, cui quamminimum addi potuerit.

Libro 16. Epistola 9.

CASSIOPE] Antea, Cassoden. nos ex Plinio, & Strabone Cassiopem restituimus: etsi hunc quoq; locum alij sibi uendicarunt tribus annis postquàm nos impressimus.

Libro 16. Epistola 10.

FVERVNT omnino. & ipse] Distinctionem mutauimus, ut legatur, fuerunt. omnino & ipse.

Libro 16. Epistola 24.

ACCURRAM. sed s.] In uetustioribus libris scriptum est, sed si. ego arbitror legendum, sed si. quam silentij notam qui non agnouere, scripserunt, si. deinde alius cum uidcret, si, locum hic habere non posse, fecit, s. id est scilicet. sic etiam
in de

in de Oratore lib. I. I. pro, st, scriptum erat, si quod mendum
 VII. abhinc annum sustulimus. in Plauto etiam, ubi legen-
 dum est, st, modo si, modo ast, modo at, uulgò legitur. Te-
 rentius quoq; in Phormione hac nota usus est: quem locum
 citat Veliùs Longus grammaticus.

Eadem Epistola.

SEMAS quid egerint] Alij, sed quod egerint, Dolabel-
 le procuratores fac ut admoneantur. ego illa uerba, Dola-
 belle procuratores fac ut admoneantur, à se ipsa regi pu-
 to, nec aliunde pendere: uerbum enim, admoneantur, ad pe-
 cuniam refertur, quam Dolabella Ciceroni debebat: itaque
 intulit, appellabis etiam Papiam: quod item creditorum uer-
 bum est. fortè igitur legendum, sciemus, quid egerint: ut o-
 mnino à sequentibus discludantur.

Libro 16. Epistola ultima.

QVIBVS alteri Cesenam,] Locus procul dubio cor-
 ruptus: neque enim adeo tum ignobilis, aut obscura fuit
 Cesena, ut tanquam abiecta res nominari debuerit. uetus
 codex Vincentij Riccij sic habet, quibus gesa, uel quibus su-
 tianarum tabernarum fundamenta credas. deliberent eru-
 diti, quomodo sit legèdum. Liuius quidem libro IX. de Cen-
 sennia meminit oppido non admodum celebri: ut fortasse
 non ineptè pro, Cesenam, Censenniam, hic legi possit.

PAULI MANVTII

SCHOLIA IN EPISTOLAS

AD ATTICVM, AD BRV-

TVM, AD QVINTVM

FRATREM.

Libro I. Epistola I.

CAETERA spero prolixa esse, his dantaxat urbanis cōpetitoribus] Puto sensum esse. reliqua spero mihi fore facilia in Consulatu adipiscendo, si tantummodo competitors habeam, quos suprà dixi. & appellat urbanos per ironiam, quasi lautos, eodem sensu, quo Appium epistolarum, quæ famuliales dicuntur, libro III. Te, inquit, hominem non solum sapientem, uerum etiam (ut nunc loquimur) urbanum. prolixa autem dixit, id est facilia, & ampla, ut etiam alibi.

Libro I. Epistola 6.

SATISDARI, amplius abs te non peti.] Ita lego ex codice Bartholomæi Caualcantis. Itaq; etiam locutus est epist. fam. lib. XIII. Siquid satisfidendum erit, amplius eo nomine non peti. Et apud iurisconsultos frequens est locutio.

Ibidem.

DECEPISSE] Alij, decidisse. Caualcantis liber manuscriptus habet, decepisses. sed hoc erratū sæpe in libris uulgatis deprehēdimus: ut in fine dictionis addita sit litera, quæ sequentis dictionis prior est. itaq; uocē, decepisse, quæ in libris est à patre meo impressis, cōseruauī, cum eadē in uetustis codicibus esse animaduertērē. quod, inquit, de Tadiano negotio apertē, atq; ingenuē, ipsum te decepisse, & errasse, confitearis: id ego Tadio & gratum, & iucundum esse intellexi.

Libro I. Epistola 9.

TEVCRI illa] Nō arbitror hic multa deesse, sed potius

tius perpauca, aut fortasse etiam nihil, ut, Teucris illa, principium epistolæ sit: nam paulò post insert, ut ad prima illa redeat: id est, ad id, quod primū cœpi scribere: ut appareat epistolæ primam partem fuisse, in qua de Teucride ageretur.

Eadem Epistola.

LIBERTVM mitto: Tito mandavi:] Verba sunt non, ut alij putant, Ciceronis, sed Antonij, qui pecuniæ, quam promiserat, Ciceroni numerandæ tempus differret his uerbis: libertum mitto (subaudi, qui numeret). Tito mandavi (ut scilicet ipse tibi pro me satisficeret, aut quidpiam huiusmodi). Antonij igitur, quem Teucridem appellat, σκύψης hæ sunt, atque ἀναβολαί: sic enim lego ex libro Bartholomæi Caualcantis, non, ἀναβολάς.

Libro I. Epistola 10.

RELEVARIT?] Refertur ad uocem, grauiorem: neq; sensum arbitror esse ostendendum, cum omnibus pateat. alij tamen, releuerit: quos secuti non sumus.

Libro I. Epistola 11.

VIDERO hominem. ualde petitur. renauabo operam.] Fortè legendum sit, uideo hominem ualde pœnitere: nauabo operam. nam in codice Caualcantis ita scriptum est, ualde petitur ire nauabo.

Libro I. Epistola 13.

NOSTI caluum, ex Nanneianis, illū laudatorem meum] M. Crassum, ut puto, significat, tribus modis eū describens, primum à caluitio, deinde ex Nanneianis cum appellans, postremò cum dicit, illum laudatorem meum, de cuius oratione erga me honorifica ad te scripseram. epistola enim x 1. surrexit, inquit, Crassus, ornatissimeq; de meo Consulatu locutus est, ut ita diceret, se, quòd esset senator, quòd ciuis, quòd liber, quòd uiueret, mihi acceptum referre. quoniam
uero

uerò Crassus Sylle Dictatoris temporibus ingentes sibi diuitias comparauerat bonis proscriptorum paruo pretio emendis, Nanncij autem ex ijs fuere, qui proscripti sunt, quorum bona à Crasso empta esse uerisimile est, indeq; cum non mediocriter fuisse ditatum: per iocum appellat cum ex Nanneianis, quasi dicat, Nanneiorum facultatibus ditatum. Nanneios autem Sylla Dictatore proscriptos, & interemptos fuisse, cognoscitur ex libro Q. Ciceronis, quem ad M. fratrem scripsit de petitione Consulatus.

Eadem Epistola.

CALVVM, & Plautum, & Spongiam] Iudicum cognomina: quos quasi per cōtemptum nominat: nam, Caluus, & Plautus, & Spongia, cognomina sunt à partibus male affectis, & à uitijs imposita.

Eadem Epistola.

PATRONO tuo, qui Arpinateis aquas concupiuit: nosti enim marinas] Sororem Clodij patronum appellat: ea enim amatorum gratia multum poterat, & Clodium saepe non secus ac patronus defendebat. cuius etiam opera Sex. Clodium, in oratione pro Caelio scribit, absolutum.

QVI Arpinateis aquas cōcupiuit: quæ me hominem Arpinatem, quem tu derides, sibi coniugem optauit. Plutarchus in Cicerone. NOSTI enim marinas: nam ibi saepe ipse stuprum & fecisti, & passus es.

Eadem Epistola.

CVM REX] Q. Martius Rex, cui una è sororibus Clodij nupserat, in testamento nullam Clodij mentionē fecit. Clodius autē fore sperauerat, ut heres ab eo relinqueretur.

Eadem Epistola.

CVIVSMODI diuifores haberent] Nihil muto: nam est hic habere pro habitare: ut etiā apud Plautum in Bacch. quis

quis isthic habet? & digestorum libro v i i i . titulo i i . quidam Iherius, qui habet post horrea mea. & epistola i x . libri sequentis, uideo iam, quò inuidia transeat, & ubi sit habitura, pro habitatura: cuius uersi significatum qui non intellexerant, ibi quoq; scripserunt, habitatura: itaq; etiam in libris aliquot manuscriptis corruptè legitur. pro, c v i v s -
MODI, autem sunt uetera exēplaria, quæ, cuiuimodi, habent. quæ lectio non est improbanda: nam, cuiuimodi, pro cuiuscuiusmodi, ueteres dixisse, Priscianus scribit lib. i i i . & in his etiam ad Atticum epistolis libro i i i . uelim, inquit, omnia quam diligentissimè, cuiuimodi sunt, ad me scribas. cuiusmodi autem pro, qualesquales, si quis accipiat duriuscula uideri poterit locutio: nam cuiusmodi, pro quale, usitatus est: ut, cuiusmodi hoc est? cuiusmodi illa fuerunt? & similia. ut autem eadem uox pro qualequale accipiat, legisse me non memini: in epistolis enim, quæ familiares dicuntur, libro i i i i . ubi scriptum est, cuiusmodi res esset, libri sunt manuscripti, in quibus legatur, cuiuscuiusmodi res esset. quæ uox idem quod cuiuimodi, significat.

Libro i. Epistola 15. In fine.

MOLESTEROGO] Alij, modeste. nos nihil mutamus: ut molestè referatur ad Atticum legentē: quemadmodum etiam dixit Terentius: quorum opera suo quisq; tempore usus est sine superbia. non enim intelligit sine superbia eos fuisse, qui usi sunt, sed eos, quorum opera quisq; usus est.

Libro i. Epistola 15.

POMPEIUS togulam illam pictam silentio tuctur. suam] Ludit in uestem Pompeij triumphalem: qua, illi concessum est, ut certis diebus uteretur, autore Dione libro x x x v i i . & Paterculo lib. i i . sensus est: Pompeius Remp. non curat: neq; ijs aduersatur, quibus deberet: uetere gloria contentus

contentus est: uerbum contra quenquam facere non uult: togulam illam suam pictam tuetur. suam autem appellat, quòd ea delectari uideretur.

Libro 2. Epistola 1.

SICVLIS locum gladiatoribus dare] Siculis meis clientibus locum dare, ubi gladiatores spectare possent: tribulibus enim, & amicis locus ad spectacula dabatur: ut in oratione pro Murena.

Eadem Epistola.

VNUM mihi solum pedem dat] Loci ad sedendum non plus, quàm pes est. hoc intellexit Clodius. Cicero autem uertit ad concubitus genus, &, noli, inquit, de uno pede sororis queri: licet etiam alterum tollas: nam, Clodium treis sorores suas stuprasse, credebatur.

Eadem Epistola.

QVID uerius,] Verius hic posuit pro æquius: ut in oratione pro Murena: negat uerum esse allici beneuolentiam cibo: & Caesar de bello Gallico libro IIII. neq; uerum esse, qui suos fines tueri non potuerint, alienos occupare: & Liuius lib. XL. uerius fuisse, Consules, quorum prouincia esset, quàm se, quid è Repub. esset, decernere: & Horatius epistola VII. Metiri se quenq; suo modulo, ac pede uerum est.

Libro 2. Epistola 3.

ATILIO] Qui pro Messala absoluendo prensauerat: erant enim amicissimi: ut etiam Atilij, qui Ciceroni debebat, prædem fuisse Messalam appareat: sic enim libro V. de Atiliano nomine scripsi ad Philotimū, ne Messalam appellaret.

Libro 2. Epistola 5.

QVONIAM Nepos proficiscitur, cuinam Auguratus deferatur] Nam Q. Metellus Celer Augur obierat. in eius locum Q. Metellus Nepos surrogari uoluerat. sed cum is

Roma

Roma discederet: cui deferatur Auguratus, scire se uelle Cicero dicit. de quo Auguratu adipiscendo etiam Vatinius laborabat: ut est in oratione contra ipsum.

Libro 2. Epistola 6.

V T ad rē, scripsi ad Quæstores urbanos de Q. fratris negotio] Quod Q. Ciceroni Asiæ regenti à populo R. debebatur, id sibi ille denario, idest Romana pecunia, non cistophoro, qui numus erat Asiaticus, curari uolebat. uide igitur, inquit Cicero, ecquæ spes sit denarij, an cistophoro contenti esse cogamur. Pompeianum appellat, quod in Asia magnam pecuniam Pompeius in cistophoro habebat: è qua pecunia Quæstores numerari Quinto uolebant. tantundem ipsi postea Pompeio Romæ in denario numeraturi.

Libro 2. Epistola 7.

IN hominem] Præpositionem, in, existimo esse tollendam.

Ibidem.

ET latoribus, & auspiciis legis curiata] Cæsari, & Pompeio: Cæsar enim in primo Consulatu legem tulit de Clodio ad plebem traducendo: Pompeius autem, qui erat Augur, iuxta morem in auspicio fuerat, & seruauerat de cælo, antequam lex ferretur.

Ibidem.

CVIUS Tribunatus ad istorum tempora reseruatur] Nunc, inquit, Clodio Tribunatum isti dare nolunt: dabunt suo tempore, hoc est, eius opera cum indigebunt.

Ibidem.

MEGABOCCHVS] Pompeius: nam in his epistolis à Cicerone diuersis nominibus appellatur: Epicrates, qui tene-
ret omnia: Sampsiceramus, quasi Syriæ dominus: Arabarches, & Hierosolymarius, hæc loca uictorijs adeptus: Megabocchus, magnus in Africa tyrānus: Bocchus enim in Africa

Mauritania Rex fuerat; Pompeius autem Domitium & Iubam Syllanis temporibus uicerat in Africa.

Libro 2. Epistola 8.

LICET me Sauscium putes esse] Existima, inquit, me esse tardum & negligentem, æque ac Sauscium: cuius etiam notat inertiam initio epistolæ 1. libri v. 11. dederam, inquit, L. Sauscio literas: sed, ut philosophi ambulant, has tibi redditum iri putabam prius.

Ibidem.

QVONIAM putas &c.] Hoc, inquit, tempore non putas diutius mihi esse manendum in Formiano, ut cratere illo fruar delicato. itaq; Cal. Maijs proficiscemur.

Libro 2. Epistola 9.

NON modo de Cynico consulari, &c.] Nullam, inquit, non modo mihi, sed ne Lucullo quidem, aut Philippo, aut Hortensio poterit Clodius inuidiam concitare. nam Pompeius, Cæsar, & Crassus cum omnia teneant: qui fieri potest, ut ulla nos in inuidia simus spoliati opibus, & illa senatoria potentia? itaq; quod contra nos agat, Clodius non habebit. Cynicum autem se uocat, quasi Diogenem quendam, seuerum hominem, minime delicatum, uirtuti modo deditum: illos autem, piscinarum Tritones, quod niniū piscinis delectarentur, ut quasi Tritones in aquis uiuere uiderentur.

Ibidem.

CAECILIAM, & Didiam] Antea, Celiam: nos, Cæciliam, emādauius ex oratione pro domo sua 221. ubi legis Cæcilie, & Didie meminit. quas leges tulerant Q. Cæcilius Metellus, & T. Didius Viuius anno ab v. c. DCLVI. ut dubitatio nulla relinquatur, quin, Cæciliam, legendum sit: siquidem Metellus non Celie, sed Cæcilie familie cognomen est. quod cum ita sit, in oratione pro Murena, ubi in
omn

omnibus impressis libris, Didij, & Celijs, legitur, emendo,
Didij, & Cæcilijs.

Libro 2. Epistola 14.

AT comparem basilicæ?] At, inquit, basilicam habere
me dicam? habeo tribum Aemiliam. quod enim basilicæ uil-
lam suam similem esse dixerat: quasi non bona esset compa-
ratio, correxit, & intulit, Aemiliam hic ego habeo tribum,
non uillam: quid enim basilicæ comparem? in qua sunt ho-
mines multò, quàm in Aemilia tribu, pauciores. neq; , tri-
bum, modo uoluit dicere, sed addidit, Aemiliam, quod ea
cæteris tribubus plenior, & amplior esset.

Libro 2. Epistola 17.

ID AFFICITVR] Ita legitur in codice Causalcantis,
& , ut opinor, rectè: refertur enim ad illud, quod est subina-
ne in nobis, hoc sensu: quæ ambitio in nobis est, ea nunc ha-
bet quo delectetur, siquidem Pompeij merita in patriam non
iam, ut antea uerebar, maiora, quàm nostra uideri possunt.

Libro 2. Epistola 19.

MILLIES coactus est dicere eadem] Aliter antea in
omnibus impressis. nos hunc locum ex ueteri codice restitui-
mus. quæ etià Valerius Maximus Lib. v. 1. cap. de libere dictis, &
factis, ita, ut nos in nostro libro scripsimus, legisse uidetur.

Libro 2. Epistola 24.

CN. CEPIO BRVTVS] Seruilia Bruti mater fuit.
ea fratrem habuit Cepionem, de quo Plutarchus in Catone
Uticensi. adoptatum ab eo Brutum, & Cepionis cognomen
accepisse, crediderim. cur autem hoc loco Cneus prænomen
Bruto sit, Philippica autem decima Quintus, nescire me con-
fiteor. nam Cepionis Seruiliæ fratris Plutarchus prænomen
non ponit. à quo non dubium est, quin prænomen unà cum
nomine, & cognomine Brutus acceperit.

Ibidem.

CONSVLAREM disertum, uicinum Consuli] Vicinus erat Cicero Cæsari Consuli, quod ipse in Palatio, Cæsar autem in sacra uia habitabat, quæ secundum radices Palatii à Carinis in Capitolium tendebat. Suetonius in Cæsare.

Ibidem.

IVDICIVM postulaturus] Forte, indicium, hoc sensu, si damnatus erit Vectius: ut absoluator, indicium postulabit, id est, ut alios eiusdem facinoris conscios indicare sibi liceat, à iudicibus petet.

Ibidem.

ET CATVLO] Forte, & Bibulo: nam Catulus Metello, Afranio Coss. perierat.

Libro 2. Epistola 25.

MORATVS] Libentius legerim, odoratus, uel, inodoratus: Varro enim in sermone & familiaritate Pompeij, quæ mente is esset in Ciceronem, odoratus erat: quod alioqui occultum fuisset.

Eadem Epistola.

DE FLACCI Prætura] L. Flaccus post Præturam Cicerone Cōsule gestam, Asiam Prætor rexit. inde repetundarum accusatus est à D. Lælio, defensus à Q. Hortensio, & M. Cicerone: Cæsare, Bibulo Coss. nunc Hortensij orationem significat pro Flacco habitam, in qua Cicero se laudatum esse scribit.

Libro 3. Epistola 1.

QVONIAM DE provincia Macedonia lata lex est] Non quod in lege nominatim de Macedonia scriptum esset, sed quod ita scripta lex esset, ut Ciceroni in Macedonia esse liceret. facilius igitur (inquit) consequi me potes, quoniam concessu legis de me lata in Macedonia esse possum. itaque ab Epeiro tua non longè abibis.

Libro

IN EPIST. AD ATTICVM.

Libro 3. Epistola 2.

ANTONIVM] Quem Cicero timebat , propterea quòd fuerat in coniuratione Catiline , & de ui damnatus in exilium abierat. Cicero in oratione pro Sylla, & alibi.

Libro 3. Epistola 12.

CAPVT rogationis proponi scribis] Caput rogationis erat , ne quis referret ad senatum de Cicerone restituendo. quod etiam epistola huius libri x v. scribit his uerbis. tute scripsisti ad me, quoddam caput legis Clodium in curie poste fixisse, ne referri, ne'ue dici liceret.

ibidem.

INIMICO Consule des.] Q. Metello Nepote, qui cum Cicerone inimicitias gerebat.

Libro 3. Epistola 17.

APPII questio est] Alij aliter legunt : nos nihil mutamus, & sensum hunc arbitramur esse. fore audiebat Cicero, ut Q. frater post reditum e provincia repetundarum ab inimicis accusaretur. id eo magis timebat, quòd Appius P. Clodij frater , qui tunc Prætor erat, ei questionis præfuturus erat.

Libro 3. Epistola 22.

MILITES] Puto, Pisonis Macedoniæ Procos. qui redibant in hiberna. ideo autem ab ijs Cicero non satis se tutum fore putabat , quod Pisonem sibi inimicum esse intelligebat: quo Consule Clodium adiuuante, patria pulsus erat.

Libro 3. Epistola 23.

SI VLLA spes salutis nostræ subesset] alij, salutis, fortasse rectius : sed , cum in ueteri codice scriptum sit , salutis, non sum ausus immutare.

Libro 4. Epistola 1.

QVI casu idem natalis erat & Brundusinae colonie, & tuæ uicinæ Salutis] Quo die Brundisium ueni , is erat

Tulliolæ natalis : eodemq; die deducta olim colonia Brundisina : itemq; Saluti templum, iuxta quod tu habitas, dedicatum : habitabat enim Atticus in colle Quirinali, ut scribit Nepos in eius uita : quo in colle quia Salutis item erat templum, ideo Salutem Cicero Attici uicinam uocat.

Ibidem.

A. MULTITUDINE summa] Præpositionem, à, induximus ex libro Caualcantis : ut referantur hæ duæ uoces, multitudine summa, ad uerbum, celebrata est, non ad illud, animaduersa.

Ibidem.

SENATVI gratias egimus] Intelligit orationem post reditum habitam in senatu.

Ibidem.

HABVI CONCIONEM] uidetur esse oratio, quæ extat post reditū ad Quirites. quod si ita est, præpostere factum est ab ijs, qui eam ante orationem in senatu habitam collocarūt, cum pateat ex hac epistola post fuisse collocandam.

Ibidem.

VNUM PRAETOREM] Appium. P. Clodij fratrem.

Ibidem.

DVOS TRIBVNOS] Atilium Serranum, & Numerium Quintium, de quibus in oratione pro Sestio. ubi per irrisiōnem Quintium, Gracchum uocari dicit, quasi strenuum, & nobilem Trib.

Ibidem.

DEDERVNT] Concionem : nemo enim priuatus ad populum loqui poterat, nisi ei à magistratibus curulibus, aut à Tribunis locus daretur. in epistola sequenti, Appius, inquit, (qui tum Prætor erat) concionem dedit Clodio.

Libro

IN EPIST. AD ATTICVM.

Libro 4. Epistola 2.

S V A M Libertatem] Libertatem scripsimus prima li-
tera grandiuscula: ut sensus hic sit. hortatur populum Clo-
dius, ut Libertatis atrium à se in domo Ciceronis extructum
dirui ne patiatur.

Eadem Epistola.

CORNICINVS ad suam ueterem fabulam redijt]
Cn. Oppium significat: nam Cornicen Oppiorum cogno-
men fuit. ad ueterem autem fabulam ideo dicit, quòd etiam
antea idem Oppius hunc ipsum generum Calendis Ianua-
rijs, quo die P. Lentulus Cos. retulit de restitutione Cice-
ronis, intercedentem suppliciter rogarat, ut desisteret:
quod tamen à genero non impetrauit: idq; omnino causæ
fuit, serius ut Cicero restitueretur. in oratione post redi-
tum ad Quirites.

Ibidem.

ILLAM porticum] necesse erat, ut redemptores, si
Catuli porticum restituere uellent, prius demolirentur: nam
in ea porticu, quæ Ciceronis ædibus iuncta erat, itemq; in
ipsius Ciceronis ædibus templum Libertatis Clodius ædi-
ficauerat. quod templum, collegio Pontificum permittente,
dirutum est, ut & Catuli porticus, & Ciceronis domus
restitueretur.

Ibidem.

NOSTRÆ RATIONES, utilitates meæ] Has
duas uoces, UTILITATES MEÆ, deleuimus ut
glossema illarum, nostræ rationes.

Lib. 4. Epistola 3.

ACIDINOS] Significat Manlium, qui Romæ regnum
affectasse creditus est: ex quo de Tarpeia rupe præcipita-
tus, cogitati maleficij pœnas luit. Manliorum autē cognomen

fuit Acidinus.

Ibidem.

ANNIANA Milonis domo] Quæ prius C. Annij fuerat, à quo adoptatus est Milo, cum ex eius filia natus esset.

Ibidem.

ADIVVANTE OPPIO] Crederem legendum, Appio, qui fuit P. Clodij frater : nam etiam paulò post, Conciones turbulentæ Metelli, temerariæ Appij.

Ibidem.

FAMILIARI tuo] Q. Hortensio, nisi fallor : de quo in epistola ultima libri II. tuus, inquit, familiaris Hortensius quàm plena manu, &c.

Ibidem.

DE CVIVS constantia, uirtute uerissimæ literæ] Ironia. quasi dicat, parum ad me uerè de eo scripsisti.

Ibidem.

COMITIA sua] Quibus Aedilitatem petiturus erat.

Ibidem.

NISI Milo in campum obnuntiasset] Cum codice Causalcantis ita lego, priore lectione repudiata : quæ ut mihi quidem uidetur, bonum sensum habet nullum : neque enim quisquam erat, qui Miloni obnuntiaret : sed Milo ipse alijs obnuntiabat : comitia enim, quibus Aedilitatem Clodius petebat, prorsus fieri nolebat. præterea si legas, C. Appius, prænomina simul crunt duo, quæ esse non possunt. nam quod ad locutionem attinet, obnuntiare in campum : me quidem non offendit : nam etiam uerbo, nuntiare, quandoque ueteres eadem ratione utebantur.

Ibidem.

DEIECTAS copias] Alij, delectas. ego, deiectas, meliore sensu legi puto, quasi afflictas, & infirmas.

Ibid

Ibidem.

ITAQVE ante diem XI. Cal. Ian. in comitium Milo de nocte uenit] Cum significet diem , qui secutus est XII. Cal. Dec. uocem Ian. tollere sum ausus : neque enim , ut cuius facile est uidere , locum hic habere potest. forte autem , cum in antiquo libro ita scriptum esset , XI. Calen. imperitus aliquis , & audax immutauit , & scripsit , XI. Cal. Ian.

Ibidem.

MARCELLVS] Qui & ipse Aedilitatem petebat : tamen stertens , de comitijs parum laborare uidebatur.

Ibidem.

SI SE inter uiam obtulcrit] Amicissimus meus , quo ego haecenus neque doctiorem , neque probiorem cognoui quenquam , hunc locum ex ingenio restituit : nam alij longius à uetere scriptura recedunt : quæ quidem hæc est , si sentitur uerum obtulcrit. inter uiam autem dicitur , quomodo etiam inter cœnam , & huiusmodi alia.

Lib. 4. Epistola 5.

SCIO te uoluisse , & me. ast nugigeram manum fuisse] Locus corruptissimus , neque manuscripti codices , quos uidimus , perfecte restituunt. quidam habent , at nunc geram manum fuisse. alij , ast nam geram manum fuisset. ex quo impressum est in recentioribus libris , ast NUM Germanum fuisset ? quam lectionem non conuenire cum reliqua epistola , nemo est , quin uideat. supra enim tantum abest , ut dicat se unquam id uoluisse , ut etiam inductum , relictum , proiectum ab optimatibus , habuisse tamen in animo cum ijs in Rep. consentire affirmet. deinde subiungit , VIX aliquando te autore respicini , quæ uerba habent emphasim singula , ad ostendendum nunquam id antea Ciceronem uoluisse , quod nunc salutis suæ causa uelle incipit. ac sensu fortasse meliore

ita legeretur. Scio te uoluisse, & me adhuc perinhumanum fuisse. infert enim, iam tempus est me ipsum à me amari. porrò quid potest esse inhumanius, quàm, ut alijs satisfiat, nolle suorum commodorum ullam rationem ducere? quod profectò nihil aliud est, quàm se ipsum odisse. incipiamus igitur, inquit, aliquando nos ipsos amare, quod antea non fecimus. in quo nunc demum nimis inhumanum fuisse me sentio. Eruditi locum accuratè considerent, & uetustis cum exemplaribus, siquæ erunt nacti, diligenter conferant. nam nos sine manuscriptis libris affirmare nihil audemus.

Ibidem.

VIATICVM Crassipes præripit] Cicero post mortē L. Pisonis cognomento Frugi, Tulliolam Furio Crassipedi, Marcellino, & Philippo Coss. collocarat. ei pro dote pecunia erat numeranda, ut Ciceroni uiaticum non relinquere-
tur adlobeundam legationem liberam, de qua suprà dixit.

Lib. 4. Epistola 6.

NON ut Saufeius, & uestri] Epicurei, qui dolent eius uicem, quòd humanis uoluptatibus priuatus sit. uestri, autem dicit, quòd Epicuream sectam Atticus amabat.

Lib. 4. Epistola 7.

TERENTIUS suo iure] potest conturbare, cum sit eques R. quod alijs non licet. conturbare autem est, omiſſis ueteribus creditoribus, satisfacere ijs, qui posterius credidissent. itaque dixit pro Plancio 273: fac me multis debere, & in ijs Plancio. utrum igitur, me conturbare oportet? an cæteris, cum dies uenerit: hoc nomen, quod urget, nunc, cum petitur, dissoluere?

Ibidem.

ARPINATVM fremitus est incredibilis de Laterio] Punctis male collocatis sæpe fit, ut sensus peruertatur. quod
quidem

quidem hic usu uenerat. nam in omnibus libris, qui typis impressi leguntur, ita scriptum erat: Arpinatum fremitus est incredibilis. De Laterio quid quæris? ut obscurissima, uel nulla potius fieret sententia, fuit autem Laterium Q. Ciceronis uilla in Arpino. quam uillam Quintus cum fortasse uellet uendere, Arpinatum erat fremitus excitatus.

Lib. 4. Epistola 8.

A P E N A S] Hic locus aliter antea erat interpunctus. ut nos distinguimus, hic est sensus. Apenas uix discesserat cum literis ad te meis, quum epistola, subaudi, reddita mihi à te est. cui epistolæ respondens, Quid ais, inquit? &c.

Ibidem.

Q V A M est ista *πείρασος* nostra] Sic antea. ego repugnantibus libris manuscriptis: tamen emendavi, nostræ. Sensus enim hic est. status iste Domitij simillimus est nostro: uel quòd ab iisdem læditur, à quibus olim ego: uel quòd præter opinionem: uel quòd uiri boni nusquam: (sic enim interpungo) unum tamen dissimile, inquit, est, quòd nos immeritò olim afflicti sumus, Domitius nunc meritò. nam casus ille nosster forte etiam tolerabilior, & leuior fuit, quàm hic Domitij. quid enim miserior, quàm eum fieri Consulè non posse, qui in tota uita tanquam designatus fuit, id est, quem suo anno fore Consulèm non secus homines crediderunt, ac si iam designatus esset. si uerò etiam ipse uidet, & in suis priuatis fastis notat, ex ijs, qui potentibus inserviunt, non minus multos in posterum fore Consules, quàm hæcenus fuerunt: quid illo miserior? & argute, in codicillorum fastis paginulas habeat futurorum Consulùm, quasi dicat, adeo multos uidet fore Consules ante se, ut eos domi notans in suis fastis, longas paginulas compleat: nam in fastis publicis Consulùm nomina scribebantur, ut auctor est Linius libro 1 x.

Ibid

Ibidem.

ET IN EO γραμμὴν teneam] Codex manuscriptus habet, & τὴν ἔξω γραμμὴν. unde bonus sensus qui possit elici, nō uideo, ego, una interposita litera, legendum crederem, & τὴν ἔξω γραμμὴν : ut sit sensus, quod me mones, ut hoc statu Reip. qui impēdet, in quo nō optimates, sed potētes dominaturi uidentur: me ciuilititer gerā: id est, ut neq; potentibus prorsus assentiar, neq; ijs absq; ulla proficiēdi spe stulte repugnem: sed quasi lineam quandā teneam exteriorcm, scorsumq; ab eorum rationibus cursum dirigam : ego uerò ita faciam.

Lib. 4. Epistola 9.

QVONIAM Ciceronem suauissimum secum haberet] puto legendum esse, tecum haberes. Quintus enim Cicero filius non cum patre, sed cum Attico erat, ut patet ex epistola, quæ ante proximam superiorem collocata est.

Lib. 4. Epistola 10.

APVLEIA] Clodium, ut opinor, significat, propterea quòd in Tribunatu non secus, atq; Apuleius Saturninus, populum concitabat, Apulciam autem, non Apuleium, per contemptum appellat, quasi effceminatum & mollem.

Lib. 4. Epistola 12.

CRASSVM quidem nostrum, &c.] Iocatur in Crassum: qui profectus est in prouinciam Syriam inuito populo: Aemilius autem Paulus, & Tiberius Gracchus, iterum Consules, ille ad bellum Macedonicum, hic ad Hispanicum populo libentissimo profecti erant. æqualem autem Pauli, & Gracchi eum appellat, quòd ut illi olim iterum Consules, ita Crassus & ipse iterum Consul in prouinciam profectus est.

Lib. 4. Epistola 13.

PVTARE profectum] Alij legunt, putari, ex ingenio, ut arbitror: nam codex Canalcantis habet, putare. subintel-
ligitur

igitur autem, se : ut ita dicat, scripsit se putare, te profectum, &c. huius generis locutiones multæ sunt, cum uel, se, uel, te, uel, me, desideratur : sed eas recitare necessarium esse non putamus.

Lib. 4. Epistola 14.

PORCILIUS] Hoc nomen ita legitur in libris à patre meo impressis. neque arbitror esse immutandum : fuerunt enim Romæ familiæ complures, quæ ab alijs familijs nomina sumebant, ut à Sestius Sestilius, à Marcius Marcius à Curtius Curtilius, à Cestius Cestilius, & alia huiusmodi : qua forma à Porcio item Porcilius denominatus. quòd si mutandum esset, Prætilius potius legendum crederem, quàm Procilius : ut à Prætia familia, Prætilia dicta sit.

Ibidem.

ORTALUS] Vna interposita litera legerem, Ortalus, ut Hortensius significetur : Hortensiorum enim cognomen Ortalus, siue Hortalus fuit : & Cornelius Tacitus de quodam Ortalo meminit Hortensij nepote.

Ibidem.

EX QVO est illa siccata] Totum hunc locum scripsi, ut est in codice Caualcantis.

Ibidem.

IN Andromacha maior fuit, quàm Astyanacte] Conseruo lectionem patris mei. cuius forte hic est sensus : Andromachæ personam melius gessit, quàm Astianactis.

Ibidem.

VELINAM] Vetusti codices, Veliam : ego, Velinam, emendavi, quod apud ueteres scriptores Velinæ tribus, non Velie mentionem inuenio.

Lib. 4. Epistola 15.

ET PHILI, & Pæti,] Sic in libris manuscriptis : tamen emend

emendavi, & Pili, & Lælij, ex epistola v. libri i i i. ad Quintum fratrem, in qua eadem de re loquens ita scribit, sermo est à me institutus Africani, paulò antè mortem, Lælij, Philii, Manilij, Q. Tuberonis. Macrobius etiam, cum Scipione in libris de Rep. Lælium esse locutum, autor est.

Epistola eadem.

DE PRAELIO] Fortè, de Porcilio: quem superiore epistola dixit esse condemnatum: quam epistolam post hanc esse scriptam, nemo non uidet.

Ibidem.

NOTVM tibi, ut quod iam] Libenter ita legerem, & interpungerem, notum tibi uideo. iam.

Ibidem.

OPIMIVS Vciotorancius] Ita planè scriptum est in codice Caualcantis, ego legendū arbitror, Vei. & Horatius: ut illa uox, Vei, significet tribum, è qua erat Opimius Vcientinā scilicet, de qua in oratione pro Plancio. nam tribus apud antiquos prioribus tantum syllabis quandoq; scribebātur. de quo plenius in scholijs, quæ in familiares epistolas edidimus.

Ibidem.

RESCIDIT] Puto, in uetusto codice scriptum olim fuisse, res ad s. idest, res ad Senatum: quomodo etiam paulò post locutus est. sed imperiti cum antiquam notam non agnoscerent, locum immutarunt, & rescidit, scripserunt.

Ibidem.

PATREM eius] Partē eius non dubito quin legendum sit, cum à Cicerone Scaurum defensum fuisse notissimum sit.

Eadem Epistola.

VT opinionem habeas rerum,] Nihil muto: tamen, nisi uetusti codices contra me facerent, legerem, ut Gabinium habeas reum. sed, ut dixi, nihil muto.

Ibid

Ibidem.

OMNINO *τορπανυμνα*] Legerem, *τορῶρα προμνη*:
ut accusatorum infantiam dicat maximam ac præcipuam
fuisse causam, cur Gabinus absolueretur: prora enim &
puppis Græcorum prouerbum notissimum est.

Ibidem.

STOMACHVS ubi habitabat] Quo in loco animi
nostri bilis habitare uidebatur, is locus concaluit, itaq; bilem
facile digerit, ex quo fit, ut me publicæ res non ita, ut sole-
bant, sollicitum habeant.

Lib. 4. Epistola 16.

GERMANAE. puta uide] Etsi nihil immutauit: tamen
non dubito, quin ita legendum sit, Germanam: peti uide: ut
sit sensus, aduola mi Attice, & inuise simulcm Remp. Reip. illi
nostræ, quam olim laudare solebamus: dicit enim germa-
nam illius nostræ Reip. per ironiam, quasi prorsus dissimi-
lem, & planè mutatam. deinde sequitur: uide magistratus
peti numis ante comitia tributim uno loco diuisis palam:
quæ uerba si quis diligentius expendat, singula emphasim
habere cognosceat. uide item, inquit, Gabinium absolutum:
concedatur etiam, ut autoritate floreat, & gratia.

Eadem Epistola.

AEDILITAS eius] Quam summa magnificentia
gessit, adeo ut in eius impensas opes suas absumpscrit, ma-
gnumq; æs alienum contraxerit. autor Pedianus,

Ibidem.

APVD rusticos] In tribus x x x v. dissipata erat Vrbs.
hæ suffragia ferebant. rusticæ autem erant x x x i. urba-
næ quatuor, quæ minus poterant, quòd & uumero infe-
riores erant, & ex libertinis constabant, cum ingenuorum
propriæ essent rusticæ: quas Cicero fauere dicit Scauro pro-
pter

pter patris memoriam.

Lib. 4. Epistola 17.

NON oblitum] Causalantis codex habet ut impressum est in nostro libro. sensus est. puto te existimare, me rarius ad te scribere, non quòd oblitus sim consuetudinis meae: sed cum &c.

Eadem Epistola.

LEPIDVM quo excidat] Sic libri manuscripti, forte, nequid à quo excidat.

Ibidem.

QVADRAGENA] Forte melius, quadringena, ut maior sit summa.

Ibidem.

NE Senatus quidem affuisset] Libentius legcrem, fuisset.

Lib. 5. Epistola 1.

QVID, quæso, istuc erat?] Sic ex ingenio emendauimus, à ueteribus codicibus destituti.

Lib. 5. Epistola 2.

RUFIO noster] Hic est C. Sempronius Rufus de quo in Fam. 116: cum nunc Rufionem appellat. quoniam autem cum Vestorio nescio quid ei erat controuersie: Cicronem iudicem fecerant, ut de lite cognosceret. deinde cum Rufio se à Vestorio uideret obseruari (obseruabat autem Vestorius, ut, si Rufio Cicronem adisset, statim et ipse accederet, transigendæ; controuersie iudicem admoneret: quod Rufio nolebat, ut qui se non bonam habere causam intelligeret) hominem stratagemate percussit: nam ad Cicronem non accessit. hunc Cicero gratam sibi rem fecisse dicit, quòd de controuersia audiri noluerit, idest, quòd ad se iudicem non accesserit, ut de controuersia, quam habebat cum Vestorio, transigeret.

Ibid

Ibidem.

E' PANSÆ uilla] uetus codex habet, epenſe uilla, corruptè omnino, ſed unde facilè poſſit erui uera lectio: quam hæc eſſe putamus, è Pansæ uilla: quibus uerbis oſtendit Cicero, quàm alienus à tranſigenda cōtrouerſia Ruſio fuerit, qui Cicronē, ne cum etiam quidem uidit, adire noluerit: tantum, cum eſſet in uilla Pansæ, niſi quid uellet, cum rogauit.

Libro 3. Epistoła 4.

NOSTRIS poſſit &c.] Totum hunc locum, adiuti tamen aliquantū à libris manuſcriptis, ex ingenio reſtituimus.

Ibidem.

CONSVLE, aut numera: nam DC ceperis] Cherippus fuit, opinor, graſioſus libertus ſenatoris, qui ne quid ad ſenatum referret, quod contra exiſtimationem aut contra uoluntatem ſuam eſſet, (puta de proroganda prouincia) Cicero ueretur. quoniam autem in ea re Cherippi opera ſibi eſſe utendum uidet, qui quidem apud patronum gratia ualebat, ut facilè eum, quoquò uellet, mouere poſſet: cum indignatione, ò prouincia, inquit, etiam ne hic mihi curandus eſt? etiam ne diligentia eſt ponenda, ut liberti ſtudium mihi conciliem? aut (inquit) conſilium mihi da, quo pacto me geram: aut, alia uia ſi non eſt, pecuniam liberto numera: minimum in eo damni faciemus: nam capies eum DC, id eſt pecuniæ noſtratis aureis x v. qua ſumma facilè adducetur, ut patrono, quod uolumus, perſuadeat. ceperis, autem ex ingenio legimus, non, ceteris, mutatione ferè nulla: & DC pro de. qui error alibi etiam eſt in uulgatis libris, ex antiquarum notarum ignoratione, & literarum ſimilitudine ortus.

Ibidem.

M. ANNIVS, & Tullius] Pontinus, Anneius, Tullus, Q. Cicero M. Cicronis in prouincia legati fuere. itaq;
k opinor

opinor hic esse legendum, M. Anneius, de quo in epist. fam.
libro XIII. Epist. LVI. & lib. XV. epist. IIII.

Libro 5. Epistola 5.

Q V I D narrem : noui enim nihil :] Coniectura ducti sic
emendauimus. uetustus codex habet, noui enim mihi. nostra
lectio nō dubito quin à doctis probetur, eo magis, quòd epi-
stola sequenti idem scribit. nec tamen, inquit, iam habeo, quid
aut mandem tibi, aut narrem. mādau omnia, quæ quidem tu,
ut polliceris, exhauries : narrabo, cum aliquid habebo noui.

Lib. 5. Epistola 10. propè finem.

E R A M V S inuicē] Cosinus Gherius, Fannēsis episcopus,
doctissimus & sanctissimus adolescens: quē nisi mors imma-
tura nobis abstulisset, uerā antiquæ uirtutis imaginem ha-
bituri fuimus: cum quartum abhinc annum Romā profici-
scens, eius uiscendi, ac salutandi causa Fanum diuertissem, hunc
locum ut ita emendarem, admonuit. cū ego quæsissem, illa
castigatio ex ingenio esset, an ex libro manuscripto: codicem
uetustum Patauij se uidisse affirmavit, in quo ita, ut me iube-
bat emendare, scriptum esset. postea in antiquo exemplari.
Caualcantis animaduerti, eramus inuicem, esse. ex quo ami-
cissimus meus adductus erat, ut, inuicem, & ipse corrigeret.

Libro 5. Epistola 11.

R E L I Q V O S B A R O N E S] Epicureos philosophos
per irrisionem Barones appellat. uide quæ diximus in illum
locum epistolæ ultimæ libri I. X. ad Pætum, ille Baro.

Libro 5. Epistola 13.

V E R V N T A M E N de Cumanis uenissem cū imperio]
Sic habet codex Caualcantis. putat amicissimus meus legen-
dum esse ueruntamen cum Romanus uenissem &c. Græci
enim Romanos oderant magistratus, quibus fasces præfe-
rebantur, ut libertati eorum quasi minari uiderentur. mihi

tamen

tamen (inquit Cicero) alacres se obtulerunt tanquam si Ephesius Prætor, hoc est, tanquam si ex ipsis unus essem, non ut homini Romano, qui cum imperio uenissem.

CLAVOM animo uerbis] Sic in libro manuscripto. forte legendum, commouebis: ut sit quod superiore proxima epistola dixit: $\omega\chi\acute{\alpha}\sigma\epsilon\lambda\mu\alpha\ \eta\gamma\acute{\alpha}\gamma\epsilon\tau\alpha\iota$ commoueto.

Libro 5. Epistola 15.

PRO NAGISTRIS scripturæ, & portus, & nostrarum diœcesium] Sic habet codex ille Caualcantis antiquissimus. forte legendum est, & portus nostrarum diœcesium: ut sit sensus: dare poteris tabellarijs publicanorum, & dare item poteris scripturæ, & portus nostrarum diœcesium pro magistris. qui autem uocem, pro magistris, non intellexerant, per magistros, scripserant. in familiaribus (sic enim appellantur) epistolis. Terentius (inquit) operas in scriptura pro magistro dat. ad Atticum autem de eodem Terentio, operas in portu & scriptura pro magistro dedit: item orationum uol. 1. in scriptura Siciliæ pro magistro est L. quidam Carpinatius.

Libro 5. Epistola 16.

TA EDET omnium nos uite] forte, omnino eos uite.

Lib. 5. Epistola 18.

SPERAMVS etiam manu tuto confedimus &c.] alij aliter emendant. nos codicem Caualcantis secuti sumus, nisi quòd, loco, ubi legebatur locum, ex ingenio castigauimus. ideo autem legi non potest, Et in Amano tuto confedimus, quòd paulò antè in eadem epistola scribit Cicero se esse in Cappadocia ad Cybistra: quod etiam epistola, quæ post sequentem legitur, his uerbis: cum dies quinque ad Cybistra Cappadociæ castra habuissem, certior sum factus, Parthos

k 2 ab

SCHOLIA

ab illo aditu Cappadociae longe abesse, Ciliciae magis immi-
nere : itaq; confestim iter in Ciliciam feci per Tauropylas :
Tarsum ueni ad III. Non. Oct. inde ad Amanum contendi.

Libro 5. Epistola 19.

QVIN, ut Pompeium expectaris,] hunc locum ita scri-
ptum habet uetustissimus, idemq; omnium, quos ego uiderim,
optimus Cavalcantis codex. accipitur autem, VT, pro etiam
si, hoc sensu : etiam si Pompeium Romae expectaris dum
Arimino rediret, tamen non dubito, quin profectus in Epei-
rum sis. & dixit, etiam in Epeirum, pro tamen in Epeirum,
ut in epistolis fam. ego cum meis, si quicquam nunc cu-
iuspiam est, etiam in meis esse malui.

Ibidem.

ROMAE iucundam] Rectius fortasse, mire iucundam.

Ibidem.

IN MILITIA] Suum in provinciam iter militiam
appellat, ut etiam in hac (inquit) peregrinatione, militia' ue
nostra saepe incensum ira uidi, saepe placatum.

Ibidem.

SCRIBIS libenter repulsam tulisse eum,] Distinguo,
scribis libenter, repulsam tulisse eum. scripserat enim Atti-
cus, libenter se scribere de illius repulsa, qui cum Ciccone
certaret. cui respondens Cicero, quod (inquit) de illius re-
pulsa libenter scribere te dicis, magni amoris signum.

Libro 5. Epistola 20.

SYRIAM à Cilicia aquarum diuortio diuidit] Vide,
quae diximus in illum locum epistolae x. libri ad Curionem,
diuisus aquarum diuortijs. sensus idem erit, si, ut est in libris
manuscriptis, legatur, in aquarum diuortio.

Eadem Epistola.

INTEREA è Cappadocia ne pilum quidem] Hoc to-
tum

IN EPIST. AD ATTICVM.

tum puto esse collocandū post illa uerba, penè dixi quàm te.

Libro 5. Epistola 21.

STATVA S, eana τέθειπα prohibeo] Sic habet uetus codex. sunt qui legendū putent, enea τέθειπα, idest eneas quadrigas. Ioannes Scala existimat, sana, τέθειπα: nam in libris manuscriptis E litera sæpe reperitur, ubi in impressis est E cuius rei exēpla possent afferri multa: sed omittimus, & ne longiores in re propemodū manifesta uidcamur, & q̃ ea norunt, qui in legēdis uetustis codicibus sunt exercitati.

Eadem Epistola.

TORQUATO in Lenio tuo?] Vetusti codices, alij habent, & in Lenio tuo, alij, de M. Lenio tuo. castigauī ex ingenio, in Lenio tuo: ut sit sensus: Torquato in Lenio tuo, cum idem peteret, negauī. quod etiam libri sequentis epistola 1. scribit his uerbis: si præfecturam negotiatori datam Brutus queretur, quod ego Torquato nostro in tuo Lenio, Pompeio ipsi in Sex. Statio negauī, &c.

Eadem Epistola.

VT & ea syngrapha esset,] Si coniecturis locus esset, ita legerem, iure alio syngrapha ne esset. epistola enim 11. libri sequentis, ita scribit: nunc ista syngrapha habet iuris idem, quod ceteræ.

Libro 6. Epistola 1. in princip.

AD QUINTVM ter milia] Sic est in uetusto codice: puto legendum esse, ad v. 111. Kal. Ian. idest ad quintum, tertium Calendas Ianuarias: ut binas literas se accepisse ab Attico significet.

Eadem Epistola.

SI HV C Paulus uenerit?] Si, inquit, acciderit, ut L. Paulus Proconsul huc mittatur: malè cum Salamijs agetur: Brutus enim contra eos omnia Scaptij causa impetrabit:

erat enim Bruti affinis hic Paulus, propterea q. eius frater Lepidus Tertullam, Bruti sororē, in matrimonium duxerat.

Epistola eadem.

DE CN. FLAVIO Cn. F.] Legebatur antea, Cn. Flavio Annij filio, corruptē, nam filij non à patris nomine, sed à prænومine ostendebātur. itaq; uocē, Annij, prænomen esse debere semper credidi: mutare uerò non audebam cū ē à Plinio lib. x x x i i i. cap. 1. & à Gellio lib. v i. cap. i x. hunc esse appellatum uiderem Cn. Flaviū Annij filium. postea cum Liniū libros percurrēns ad eum locū libri i x. uenissē, in quo Flaviū hunc scribam Cnei filium uocat: Cn. F. ego quoq; in Cicerone scripsi. itaq; Plinij, Gellijq; locus erit castigandus.

Eadem Epistola.

IUDICIBVS utuntur] Fortē, haud utuntur: nam etiam omnes, inquit, ciuitates suis legibus, & iudicijs usē reuixerunt.

Eadem Epistola.

TAMEN se ἀνορομίας adeptos putant.] Antea tum serenos, tamen se, ex codice Caualcantis emendauimus.

Ibidem.

ADSCRIPSERANT,] Scribendū est numero multitudinis, non, ut est in libris omnibus impressis, etiam in nostro, adscripserat. sic etiam Caualcantis codex habet.

Eadem Epistola.

LITERAS accuratē scriptas de pantheris, sed à ciuitatibus] Ita legitur in libro patris mei, & in codice Caualcantis. rectius omnino, ut existimamus, legi possit, et de ciuitatibus, duabus tantum literis immutatis: nam in libris manuscriptis particula, sct, per t, scripta saepe reperitur, non per d, ut est in impressis: atq; etiam, it, quit, non id, quid: aliaq;

aliāq; huius generis multa. sensus hic est. scripserat ad Tiberonem Caelius, ut & pantheras sibi mitteret, et M. Feridij agros, qui ciuitatibus fructus penderent, immunes esse uellet. ad ea Cicero ita respondet. in mea prouincia nihil cuiquam adimatur, nisi siquid debeat: nam, creditoribus ut satisfiat, uolo. Itaq; nō est, quod petas, ut ciuitatibus adimam fructus, qui ex agris capiuntur. uolo, inquit, audiri Romae, nullum in mea prouincia numum, nisi in aes alienum, erogari. quod si non audiretur, molestē ferrem. uult autem innuere, se non latere in tenebris, sed esse in oculis hominum, & quaecunq; faciat, Romam perferri: quare nihil sibi esse agendum, nisi quod rectum, honestumq; sit. dicit autem, nec mihi conciliare pecuniam licere, nec illi capere, hoc est, nec me pecuniam, quae nō debeat, cuiquam curare debere, nec illum capere. significat autē, ut opinor, inter Feridium & Caelium conuenisse, ut, si Feridius à Caelio Cicroni cōmendatus, de immunitate agrorū impetrasset, Caelio pecuniae quidpiam eius rei causa numeraret: quod quidē flagitij nemini esse cōmittendum, minime uerò omnium Caelio, qui eo crimine C. Antonium Cicronis in Consulatu collegam accusasset. itaq; dicit, moniq; eū, quē planē diligo, ut, cū alios accusasset, cautius uiueret. id autē, quod sequitur, ad pantheras pertinet: nam ita scripserat Caelius. Tu, si modo memoria tenueris, et Cibratas accersieris, quod uoles efficies: loquitur enim de pantheris.

Eadem Epistola.

LITERAS daturum prid. Cal. Ian.] locus ex epistola Attici: ex quo loco suauem recollectionē Cicero se dicit habuisse clarissimi iurisperiti, cum scilicet Remp. iurauit à se esse seruata. in Epist. fam. lib. 3. Epist. 2. in Orat. Volum. 1.

Ibidem.

PRAETER Tusculanum] haec lectio est in codice. Ca-

ualcantis, quam puto sinceram esse, & incorruptam: ut dicat Cicero, Lentulum, præter Tusculanum, omnia proscripsisse.
Ibidem.

GENVARIOS] numi genus, ita dictum, quòd Genuæ, quæ ciuitas est in Allobrogibus, cudebatur: ut Philippæi, à Philippis urbe Thessaliæ. & primū numi genus, deinde pecuniæ summam posuit.

Lib. 6. Epistola 2.

M. CLUVIO] loquitur de duobus Puteolanis, de quibus alibi quoq; itaq; aliorum lectionem non sequor: cum etiam in Caualcantis codice scriptum sit, M. Cluio.

Eadem Epistola.

MAGISTRATVS ui fecerant] castigauit, magistratus sui fecerant.

Lib. 6. Epistola 3.

PROLIXIOR per ipsum] fortè, per Hypsæum: ut Hypsæus Pompeij apud Ariobarzanem procurator fuerit: nam etiam A` Pompeij (inquit, de Ariobarzane loquens) procuratoribus sexcentis premi coeptus.

Eadem Epistola.

TIBI autem &c.] puto hunc locum sic esse restituendum. illi autem ualde solet in ore esse, grauitatem non contemnere, sed Reges odisse superbos. uox autem illa grauitatem, uersus in fine fuit: quam sequitur uersus alter, Non contemnere, sed Reges odisse superbos. sensum fuisse puto, non debere nos grauitatem contemnere, sed Reges odisse superbos. libro etiam secundo mirandum, inquit, in modum Reges odisse superbos. Brutum hic Cicero leuiter accusat, qui cum illud in ore solitus esset habere, Reges odisse superbos, ipse tamen arroganter, & superbè scriberet.

Libro 7. Epistola 1.

DE CABLEIO Trib. pl.] opinor esse legendum, de decem

IN EPIST. AD ATTICVM.

cem Tribb. pl. ut illud tempus significet, cum de ratione Cæsaris habenda latum est ab decem Tribunis pl. nam etiam cur, inquit, tantopere pugnatum est, ut de eius absentis ratione habenda decem Tribuni pleb. ferrent? & contendit, ut decem tribuni pleb. ferrent, ut absentis ratio haberetur. & Cæsar de bello ciuili libro 1. latum ab decem Tribunis pl. contradicentibus inimicis.

Libro 7. Epistola 2.

LITERÆ manum non amabam] fortè legendum est, literam autem non amabam: ut litera scriptum ipsum significetur: quemadmodum etiā in epist. fam. nullam partem literis, idest ex ipso scripto, percipi posse. mendi, ut opinor, origo illa fuit; quòd imperiti scripserant, ad similitudinem tuæ literæ: deinde reliquum illud, autem non amabam, cum per se consistere non posset, mutarunt, ut legerent, manum non amabam. certè in duabus uocibus: literæ manum, error inest: nam illud, accedebat ad similitudinem tuæ, ipsum per se rectè habet, neq; iungi debet cum sequentibus. interpungo autem post uocem, tuæ: ut subaudiatur, manus.

Eadem Epistola.

PRUDENTIVS, quàm Lucius noster] nihil muto: refertur enim ad id, quod paulò post sequitur, non intelligunt se &c. in quo parum prudentes uideri possunt, cum Carneades in sua ratione non possit.

Ibidem:

LVCIVS noster] L. Saufeius, Cicroni & Attico amicitia coniunctus, qui cum Patrone Epicuri sectā sequebatur.

Libro 7. Epistola 3.

DE Serperastris] fortè, Cerberastris, ut, Cerberastris, dictum sit, quasi famelicis hominibus, & ad pecuniam, tanquam Cerbero ad offam, latrantibus. & puto uerbum esse

S C H O L I A

ex Attici Epistola.

Eadem Epistola.

AUCTIONEM] cum in libro manuscripto legeretur, *actionem* : putavi una interposita litera esse legendum, *au-
ctionem*, id est uenditionem : cum enim (inquit) omnia, quæ
ad portam Flumentanam sunt, Cælius emerit, nescio, cur ego
item omnia, quæ Puteolis sunt, non emam.

Ibidem.

Q V I D est, quod cuncti Luceijs sint addiçii?] uetus codex
habet, Euuci Luceijs sint addiçii. ego crederem legendum,
quid est, quod ei nunc Luccij sint addiçti? ut sit sensus : cum
Luccij antea Cælium pessimè oderint : quid causæ est, cur
eum nunc, ut scribis, tam ualde ament? Luceios autè Cælio
propterea fuisse inimicos existimo, quòd C. Hirrum com-
petitorè suum, qui Luccie gentis fuit, Aedilitate deiecerat.

Lib. 7. Epistola 5.

PONTINVM sumam] dictionem, sumam, puto ex in-
genio additã ab aliquo, qui, Pontinũ, nomen hominis esse du-
xit, cũ hic loci sit: itaq; credere legendũ, De Formuano Tar-
racinam prid. Cal. Ian. inde Pontinũ: inde Albanũ Pompeij.

Libro 7. Epistola 8.

SENTENTIA ira relinquende urbis] suspicor in uo-
ce, ira, mendum esse, eo magis, quòd in codice Caualcantis
non, ira, sed γ , scriptum est.

Libro 7. Epistola 17.

AUDITVS in consilio] in libro manuscripto legitur,
auditus auditus in consilio. puto legendũ, haud ita est audi-
tus in consilio : infert enim rationẽ reddens cur auditus non
sit : Cato enim ipse iam seruire, quàm pugnare, mauult.

Libro 7. Epistola 15.

DE mandatis Cæsaris, aduentuq; Labieni, & responsis
Consu

IN EPIST. AD ATTICVM.

Consulum ad Pompeium, scripsi ad te] Arbitror ita esse legendum, De mandatis Caesaris, aduētūq; Labieni, & responsis Consulum, ac Pompeij, scripsi ad te.

Libro 8. Epistola 3.

LEGIONEM à Fausto conscriptam, in Siciliam sibi placere à Consule duci] antè, à Coss. idest, à Consulibus. emendauit, à Consule, ex epistola ipsa, quàm Pompeius Consulibus misit: sic enim in ea scribit Duellio mandaueram, quòd maiores copias sperabam nos habituros, ut, si uobis uideretur, alteruter uestrum ad me ueniret, alter in Siciliam cum ea copia, quam Capuæ, & circum Capuam comparastis, & cum ijs militibus, quos Faustus legit, proficisceretur.

Libro 8. Epistola 6.

sva sponte] locutio uidetur durior. tamen hoc in loco uetustos codices sequi uoluimus: in quibus, sua sponte, non mea sponte legitur.

Lib. 8. Epistola 8.

Πρὸς τῶνδ' ὅτι χρὴ] legendum est, Πρὸς τὰντα κλέωρ, καὶ παλαμάσθω, καὶ πᾶν ἐπ' ἐμοὶ τοκταυέσθω. Aristophanis enim locus est, ex comœdia, quæ inscribitur, Ἀραχναῖς.

Libro 8. Epistola 9.

vos duo tales] tu, & Sex. Peduccus, qui Caesari Romam uenienti ad quintum nularium obuiam processistis.

Eadem Epistola.

TULLO] in libris manuscriptis &, Tullio, &, ullo, legitur. nos non dubitauimus, quin, Tullo, legendum esset, cum hic Cicero significat L. Volcatium Tullum, qui Consul fuit cum M. Aemilio Lepido. qui quidē Volcatius cognominari Tullius non potest: nam duæ familiæ simul essent, quæ esse non possunt, nisi per adoptionem: sed tum uetus nomen mutatur, ut in, anus, desinat, de qua ratione alibi diximus. de

Volcatio autē, & Lepido, qui cum Pompeio ex Italia exire nolabant, Epistola huius libri prima, Nec me, inquit, M. Lepidi, L. Volcatij comitum poeniteret. & si (inquit Atticus) M. Lepidus, & L. Volcatius remanent, manendum puto. & alibi quoq; sed non erimus in re manifesta longiores.

Ibidem.

C V I persuaderi posse non arbitror : nisi erit cōuentus] forte, cui persuaderi posse arbitror : nisi non erit conuentus: putabat enim Cicero ante Lentulum esse cū Pompeio transmissurum, quā à Balbo conueniri posset. quod apertius scribit : cū habeo (inquit) rationem dicrum, antē puto Lentulum transmissurum, quā potuerit à Balbo conueniri. & Roma scripsit Balbus, putare iam Lentulum Cos. transmississe, nec eum à minore Balbo conuentum.

Libro 8. Epistola 22.

N O N mihi satis idonei sunt autores, qui à te probātur.] autores in Italia remanendi: intelligit enim Attici literas V I I I. Cal. Martij datas, quibus ille ita scripserat: si M. Lepidus, & L. Volcatius remanent, manendum puto. ad quam partem Cicero respondens, Non mihi sunt, inquit, &c.

Eadem Epistola prope finem.

Q V A M is Coreni habuerit] Corfinij, pro Coreni, uidetur legendum : Corfinij enim magnam pecuniam habuerat Domitius: quam tamen Caesar ei se reddidisse, lib. 1. de bello ciuili scribit his uerbis HS. L. x. quod aurum adduxerat Domitius, atq; in publicum deposuerat, allatum ad se ab Duumuiris Corfiniensibus, Domitio reddidit.

Libro 9. Epistola 6.

N O N profectis] forte, non profectos : ut sit sensus. quod scribis, bonos uiros probare quæ fecerim, quanquam sciant qui ad Pompeium profecti non sint, quorum in numero ego sum;

sum : ualde gaudeo.

Libro 9. Epistola 8.

MAGIVM Pompeij prefectum deprehendi scilicet, & meo instituto usus sum] distinctione mutata, & particula, & inducta, locum ita restitui : Magium Pompeij prefectum deprehendi : scilicet meo instituto usus sum.

Libro 9. Epistola 11.

QVI eam maximè saluam uolebant] etsi in nostro libro sic impressum est: tamen lectionem patris mei magis approbo, quæ hæc est, eum maximè saluum: quasi dicat, ueniet, ut eos maxime perdat, qui eum maxime saluum uolebant.

Libro 9. Epistola 12.

NIHIL interim ad me scire, nihil nisi fugam cogitare] interpuncta malè collocata. ego sic distinguo : nihil interim ad me : scire nihil, nisi fugam cogitare.

Libro 9. Epistola penultima.

EROS Celeri] sic habet uetus codex. puto legendum, Eros Celeris, id est libertus: Celeris autem, Metelli.

Lib. 10. Epistola 4. prope finem.

STOMACHOSIVS] uetus codex, stomacho si uis. coniectura ducti, stomachose si uis, alij corrigunt. ego, stomachosius, ueram lectionem existimaui.

Libro 10. Epistola 13.

REGINVS erat totus noster. huic nihil suspicabamur cum hoc mare negotij fore] Huius maris (inquit) curam apud Reginum fore nullam credimus. itaq; non uideo, in Siciliam quomodo possim tuto nauigare.

Eadem Epistola.

NON committendum, ut etiam cum pacto prohibiti uideamur] Coniectura sum adductus, ut emendarem, compacto prohibiti. sensus enim hic est : occultè hinc uolo discedere, ne

re, ne meam profectionē Caesariani resciscant: nā id si accideret, suspicari Pōpeius posset accidisse me uolente, qui palam profectus essem, ut impedire. nō cōmittendum igitur est, ut uidear cōpacto prohibitus. cōpacto, dixit, id est consulto, & dedita opera. qua uoce Plautus saepe in hunc sensum usus est.

Libro 11. Epistola 10.

MULTA etiam Patris] Dictionem, Patris, prima litera scripsimus grandiuscula, ut Achaie ciuitas significetur, in qua Q. Cicero pater in Marcum fratrem cum filio multa dixerat. de quo etiam: his uerbis. Quintus auersissimo à me animo Patris fuit. eodem Corcyra filius uenit.

Lib. 12. Epistola ultima.

DE CAESARE uicino &c.] In monte Quirinali & Quirini templum erat, & Salutis aedes, Salutis augurium dicta. cum autem in Quirini, statuam sibi poni Caesar uolisset: facete ominatur Cicero, & ait, eum οὐραρον Quirini malo, quàm Salutis: id est, Salutis in templo Caesarem esse nolo, ut scilicet seruari ne possit: in Quirini uolo, ut ob tyrannidem, quemadmodum ille, crudeliter à suis ciuibus occidatur. V I E I N O, autem intelligit Attici, qui domum habebat in colle Quirinali, ab auunculo hereditate relictam, ut in ipsius uita Nepos tradit.

Libro 13. Pagina 386.

S I Canum haberes] Canus hic qui sit, ignoramus. nec alibi mentionem eius inuenimus. forte legi posset, Canium, ut sit Q. Gellius Canius Attici amicissimus, de quo in eius uita Cornelius Nepos.

Lib. 14. Epist. 11. in principio.

ITERADVM eadē ista mihi] Vulgata lectio erat, Iterandum eadē ista mihi. ego locum ex ingenio emendavi. ornatior enim, et usitatior locutio, Iteradū eadē, quàm, Iterandum

dum eadē. præterea uidetur esse hemistichium ex ueteri poetâ, cuius totū uersum recitat Cicero Academicorū questionum I. Age (inquit) id ista, mane, audi, iter adū eadē ista mihi. itaq; etiā Tusculanarum I. legerem potius, iter adum, quam iterandum: quod tamen alij animaduertunt.

Libro 16. Epistola 3.

SCRIBIS te magis delectari O' TITE, SI QUID EGO] Totū hoc. O' TITE, SI QUID EGO, scripsi literis grandiusculis, ut intelligatur initium libri de senectute, cuius libri lectioe se delectari Atticus scripserat. dicit enim, te delectari O' TITE SI QUID EGO, pro, te delectari libro, quē de senectute scripsimus, cuius est initium, O' TITE, SI QUID EGO. sic etiā locutus est, O' TITE, tibi prodesse letor: id est, letor, quod ea, quæ in libro de senectute scripsimus, tibi ad ferendam senectutem prosint. non enim alium eius loci sensum puto esse: quanquam sint, qui aliter existiment.

Eadem Epistola.

TESTIS utemur] Vetusti codices ita planē habent. sed alij mendosum locum arbitrati, legendum putarunt, testis: ut de testis nauibus intelligatur. ego antiqui exemplaris lectionem conseruo, eamq; opinor esse ueram, et incorruptam: testa enim nauiculæ genus est, ut lembus, cymba, phaselus: forte à testæ similitudine sic appellata. eius meminit Iuuenalis satyra x v. Et breuibus pictæ remis incumbere testæ.

Libro 16. Epistola 5.

LEGIONEM sub signis ducere] In omnibus impressis, legionem suis signis ducere. nos ex obseruatione latinarum locutionum, quarum genera in usum nostrum notare consueuimus, et hic, et alibi mendum deprehendimus: legiones enim sub signis ducere, et sub signis habere, ueteres dicebant: Lucretius lib. v. At non multa uirum sub signis millia ducta

ducta Vna dies dabat exitio. Cicero in episto. famil. legiones habeo quinque sub signis. Et legiones sub signis armatas tres. & Liuius lib. i i i. sub signis Vrbem intrauere. & lib. v i i i. sub signis alij xv. ordines locabantur.

Lib. 16. Epist. 6. prope finem.

MEQVE Torquati negotiolo siturum puto] Ita scriptum est in Caualcantis codice. locus restitui poterit una littera immutata, nempe si legas, negotiola. sunt qui malint, actuariolo iturum, uel, actuariolis iturum. quam lectionem tum probabimus, cum in ueteri codice uiderimus.

Lib. 16. Epist. 8. prope finem.

QVINTVS tui patris nepos scribit ad patris mei nepotem] Hoc dicit. Quintus sororis tue filius scribit ad filium meum. & circuitione, ut interdum solet, eos significat. hunc autem locum ex ingenio castigauit amicissimus meus, qui cum mihi in emendandis ueterum scriptis tanto sit adiumento, quanto alius nemo; tamē, qua est modestia, nominari se non patitur: ut mihi ipse quodammodo uidear ingratus esse: quanquam beneficium qui memoria retinet, ingratus esse non potest.

Lib. Epist. ad Brutum, Epistola 4.

CVIVS tantam auctoritatem senatus, ac populus R. non solum esse patitur, sed etiam cupit, quanta maxima in libera ciuitate esse potest.] Legebatur antea, quanta maxime. nos, maxima, castigauimus: est enim usitatissima locutio, qua idem Brutus usus est. at (inquit) dolore, quantum animo maximum capere possum. & Cicero de Oratore i. eloquentia tanta fuit, quantum illa tempora, atque illa aetas in hac ciuitate ferre maximam potuit. & Celsus elegantissimus scriptor: ut tumor, quantus maximus esse potest, se ostendat. & Liuius, & alij: quorum loca recitarem, si necessarium esse crederem: Cicerone enim, & Celso qui grauiores Latinitatis autores desideret, neminem

nem opinor esse. Eodem lib. Epist. 7.

IN PANSÆ locum petere constituit] Antiqua locutio: quam nemo hæcenus agnouit: itaq; in omnibus impressis legebatur, Is Pansæ locum petere constituit: durior enim loquendi modus uidebatur, In Pansæ locum petere: quem nos in libris rhetoricorum ad Herēnium inuenimus. lex (inquit) iubet Augurē, in demortui locum qui petat, in concione nominare. Augur quidam damnatus de pecunijs repetundis, in demortui locum qui petat, nominauit.

Epistola 8. eiusdem libri.

OCTAVVM principem] Ordinē in legione, ut primum principem, secundum principem, &c. Liuius lib. x x v i. M. Atilius legatus primi principis ex eadem legione.

Epistola 16. eiusdem libri.

VINDICI quidem alienæ dominationis, non uicario, ecquis supplicat, ut optime meritis de Rep. liceat esse saluis? Sensus est, si, ut scribis, Octavius uindex est alienæ dominationis, qui Antoniam à ceruicibus Reip. depulerit: non est ei supplicandū, ut eos, qui item de Rep. bene meriti sunt, uelit esse saluos. quod tu cū facis, eum esse non uindicem, & extinctorem tyrannidis, sed uicarium planè confiteris: uindici enim alienæ dominationis, non uicario, ecquis supplicat, ut optime meritis de Rep. liceat esse saluis? hic autem locus ante in omnibus impressis corruptè legebatur.

Lib. i. Epistol. ad Q. fratrem, Epistola 1.

LENITAS in discernendo] Alij, decernendo. ego nihil muto: est enim hic discernere idē quod cognoscere, & diiudicare, ut unicuiq; quod suum est, tribuatur. quo uerbo Cæsar eodem sensu usus lib. vi. si de finibus (inquit) controuersia est, discernunt.

Eadem Epistola.

GRAECIS id, quod acerbissimū est, q. sunt uectigales,

non

non ita acerbū uideri debet, propterea q̄ sine imperio populi R. suis institutis per se ipsi ita fuerūt. nomen autē publicani aspernari non possunt, qui p̄dere &c.] Sensus, ut opinor, hic est. Asia, cū populi R. prouincia nōdum esset, Antiochi uectigalis erat. itaq; quod uectigal (inquit) nobis pendat, queri non debet, cum Antiocho antea pependerit. ac ne de publicanis quidem nostris, cum antea uectigal, quod ei Sylla æqualiter descripserat, pendere sine suo publicano non potuerit, quare cū omnino aliquē esse publicanū, uel Romanū, uel Asiaticū necesse sit: cū Asiaticū experta sit nō nimis lenem: nō est, quod de Romano, quasi acerbiorē, queratur, qui datus ei sit, postquā suo repudiato nostrum flagitauit.

Eadem epistola, prope finem.

TANQVAM tertius actus] Non q̄ in comædijs actus tantūmodo tres sint, sed q̄, tertius annus administrāde prouinciæ quasi tertius actus Quinto sit: itaq; nō minus ei laborandū esse in ultimo illo anno, quā in ultimo in actu laborare boni poëtæ solent. cōparat autē prouinciā theatro, cui tertium illum annū quasi tertium actū esse uult, ut Quintus frater, tanquā actor egregius, laudē in extremo quam maximā ferat. alij legunt, tanquā extremus actus. quæ mihi lectio minus probatur, quā quæ in nostro libro, & in alijs quoq; est: uitam enim Quinti in prouincia, similiter atq; actores in scena, spectari dicit: & tres illos annos quibus eā rexerit, quasi tres actus esse: quorum tertium, non secus atq; actum, per se-
ctissimum, & ornatissimum esse debere.

Lib. I. Epist. ad Q. fratrem, Epistola 2.

ALTERA est de Blandenio Zeuxide] Emendauit, Blaudeno: etsi in nostro libro nescio quo modo impressum est, Blandenio. βλαῦδος, inquit Stephanus, ciuitas est in Phrygia, unde Blandenus.